



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3407/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3407/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3407/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3407/A





3402

A

N IV K

16

INDAGINE (Joannes alr.)

[c. 1630]

Lib

18250

[Faint, illegible handwritten text, possibly bleed-through from the reverse side]

Therfe
3/4/67

B. 1/2

X 2

CHYROMANCIE

ET PHISIONOMIE.

PAR LE REGARD,
des membres de l'homme.

*La diffinition des faces des Signes.
Reigles Astronomiques du iugement des ma-
ladies.*

Plus,

L'Astrologie Naturelle.

*La cognoissance de la complexion des hommes
selon la domination des Planettes.*


TRADVCTION NOUVELLE




A PARIS


Chez IACQUES VILLERY, rue
Clopin à l'Escu de France, & au
bout de la rue d'Auphine aux
trois Perruques.

Avec Privilege.




ANTHOINE DV MOVLIN

au Lecteur. Salut.

 Ombien dommageable soit
esté l'ignorance à l'homme
s'est peu voir par l'utilité,
que cognoissance des choses
veues & entendues nous a apportees
en tous arts, & toutes sciences. Mais
encore plus voit-on sa pernité en ce
mesmemēt qu'après que l'expériēce des
choses cogneuēs nous à ouuert les sciē-
ces, & faisant entēdre quelque particu-
larité des visibles & raisonnables les aye
reduites en art, chose certainemēt, non
moins loüable, que necessaire pour
nourir & conseruet, reigler ceste deli-
cate difficile, & effrenée vie humaine, si
nous a elle tousiours laissé en toute cho-
ses receuēs & experimentées quelque

A ij

EPISTRE

doute & contrariété & de sorte, que à peine voit on rien auiourd'huy qui ne soit contrariété, & qui ne puisse tituber entre ouy & non sans autre fin ne resolution de toute nostre sçauoir que de ie ne sçay qu'elle instabilité de nostre iugement aueuglé. Et qui est le pis c'est (tant es tu pernicieuse, ô ignorance) que si en quelque art ou science c'est trouué, ou constitué aucune fin & determination, la plus part de tous ceux qui y feront les plus versez, se sentent tant résolus en icelles, ignorans les autres, qu'ils pensent asseurement que de passer plus outre soit vne expresse vanité & impossibilité, voire tres-grande execration, damnant & vituperant toute autre partie, que celle que chacun à peu receuoir en la capacité de son entendemēt, comme si les secrets de Dieu & de nature, ignorez d'eux, ne feussent mesurez que par eux & reduits, aux colonnes de Hercules, & que le monde ne se peut esten-

EPISTRE.

dre, d'auantage de ce que Prolomée, en
à escrit, lequel ne vient icy entaché de
ceste obscurité d'ignorance, ayant esten-
du au monde tout tant qu'il en auoit peu
labourieusement & curieusement trou-
uer. Et veu la stocilité de son gentil es-
prit facilement il eust peu comprendre
l'Amerique trouuée seulement de ce
temps, s'il en eust eu aucune coniecture,
& sans damner ne vituperer ce qu'il n'au-
roit sçeu, comme plusieurs non medio-
crement doctes ont faict au iugement
des sciences à eux incognuës, ainsi que
Lactance & autres Mais qui croiroit
que luy ayant si hautement parlé de la
diuinité des Anges, de l'excellence mes-
mes de la majesté de Dieu, & de toutes
autres puissances celestes, n'aye peu com-
prendre les Antipodes, & ce soit signo-
ramment & ridiculeusement mocqué
du l'ole Attique, & de toute l'astro-
logie, que diroit il maintenant s'il
auoit en barbe Maguillan, & Co-

A iij

EPISTRE.

lon, qui luy monstraissent tant d'exquises richesses & nouveautez du Peru decouvert par eux, & du grand peuple de ce monde nouveau, & de celuy de ceste grande ville de Themistitan? Qui ne me faict esbahir si plusieurs absolument verlez en leur profession nō seulement mesprisent, ains interdient aussi tout autre sçavoir que le leur voyant tant d'anciens autheurs receuz estre de nostre temps, par la verité auerée des tenebres du temps descourant toute chose, si ignominieusement reprouvez. Et pource que ie pourrois auoir esté autrefois infect avec eux de ceste ignorante contagion, ne pouuant croire que ce que ie cuydois voir & ouyr & depuis par long procez de temps l'experience m'aye fait toucher au doigt maintes choses, desquelles à peine eusse-ie creü à mes propres yeux ie me suis auenturé en l'exercice de plusieurs arts, par moy au parauant negligez, cōme fabuleux &

EPISTRE.

ridicules: & entre autres de la Physionomie Chiromance & Geomancie, en l'exercice desquelles m'a appellé le grand nombre des doctes hommes qui si sont delectez & excercitez, & mesmement de differentes vacation. Car outre les philosophes comme Pythagoras, & autres des medecins comme Galien Auicenne, & Rasis qui est leur propre & necessaire à leurs profession: Mais de dignitez & prelatures, ainsi que Aliatenfis. Cardinal & Theologien entre Religieux, comme Sauanorola, Scotus & Triscassius, pour non dire de Silla, Iules Cesar & autres Romains alienez de la felicité, grace & experience de nostre siecle. Lesquels pour estre homme de grandissime literature, ne s'y fussent si affectueusement adonnez, si l'experience des effects qu'ils y ont apparceüz, ne les y eussent & attraiçts & entretenus en la diuersité & mutatiõ de tant de iugemēs qu'ils en ont tirez par le

A iiij

EPISTRE.

changement de la vicissitude de nostre
 cours humain. Car à la verité nature,
 ministre de la volonté diuine en vain se
 trauailleroit à changer & varier selon le
 declinement des lustres, les traiets li-
 gnes qu'elle à empraintes en nostre
 corps, si elles ne nous seruoient de plus
 grand office que de se promener ne
 nous sans apporter autre vtilité. Mes-
 mement que si tous les membres & arti-
 cules du corps necessairement formez
 pour la commodité de l'vsage de la vie,
 ne se changent aucunement, & en la
 mesme action pour laquelle ils furent
 créez de Dieu & formez de la nature ser-
 uent le corps, & l'accompagnent ius-
 ques à la fin sinon: si robustement en
 vieillesse, avec pareille intention. Pour
 quelle raison dōc les traiets & lignes que
 nature nous adōnez à nostre naissāce ne
 nous deuoiēt il continuellement suiure
 avec les membres sās s'alterer n'y muer,
 s'ils ne nous apportoiēt quelque vtilité?

E P I S T R E.

n'estant autrement necessaire à nulle operation, ny mouuemēt du corps. Et si elles sont ainsi inutiles à quel besoing nostre ont elles à se changer & desguiser si souuent, Certes que Dieu & Nature, n'operās rien en vain, ne se fussent iouez à les muer si souuent en la main de Iob, s'ils ne luy eussent reueré tels caractères estre signe du cours de nostre vie, comme guide & aduertissement de la conduite d'icelle pour la conseruation de laquelle il à departy ses graces & reuelations à plusieurs ainsi que Salomon en sa sapience atteste assez amplement Parquoy, Amy, sans te vouloir icy louer ce qui se faiēt de foy assez loüable, & plus admirables en sa cognoissance, ie me suis bien voulu esbarre en la traduction de l'Auther de tous ceux qui en la Chiromencie, & Phisionomie, ma semblé le plus facile & magistral pour acheminer ceux qui se delecteront quelque-fois en l'astrologie naturelle,

EPISTRE.

en langue Latine à celle fin que l'homme venant à cognoistre combien grande est l'obligation, qu'il a à son Dieu de l'auoir, non seulement crée & sauué, encores de luy auoir reuelé les miraculeux effects de sa puissance & grande amour qu'il porte à l'homme de nous donner d'auantage la conduite de ceste nostre fresse vie non pour autre fin que pour le recognoistre de si grand benefice, & en ce recognoissant conseruer nostre vie pure & nette pour estre quelque iour participante de ses plus diuins secrets en la fruition de sa Maiesté
A Dieu.

VRAYE ET PARFAICTE
CHIROMANCE, ET
Phisionomie.

LIVRE PREMIER.

Chapitre premier.

DOur monstrier que les Grecs appellent Chiromance diuination qui est faicte & cueillie par l'aspect & regard de la main & si long temps à esté en vusage enuers les anciens, que ce mot Chiromance, qui est tres ancien le dit & demonstre. Or ie qui veux escrire, les obseruations de cest art, pense qu'il est necessaire premierement d'escrire & de noter celle main de l'homme, & declarer, ses parties: par lesquelles seront plus facilement cogneuës les sentences de Vaticination ou pronostiquer par l'inspe-

ction de la main qui cela demonstre. La main ouuerte ainsi l'appellerons est quand elle sera estendue & applanie: & l'interieure place dededans s'appelle la Palme de la main au milieu de laquelle ce qui est laissé creux, & concaue, sera dit & nommé la Vole de ladite main. Puis sortent de la main cinq doigt, desquels le premier est le plus gros & le plus robuste, & est nommé poulce, pource qu'il preceille & est plus fort que nul des autres doigt. Le plus prochain appelé Indez, c'est à dire, demonstratif, à cause qu'il demonstre quelque chose quand il est estendu. Le troisieme qui ensuit est nommé Moyen, ou Mitantier pource qu'il est au milieu entre les cinq: & autrement l'appelle on Medecin à cause que de luy vsent les Medecins est lieux malades, & secrets. Et est aussi denommé verpus de ce mot Verro qui signifie en François, gratter. Par laquelle voix ou diction, nous notons les

Iuifs quand nous les voulons diffamer,
pour ce qu'ils vsēt ainsi communement
& souuent de ce doit, en grattant leurs
parties honteuses quand ils font lesang:
comme dit Iuuenal. Et aussi quand nous
voulons despriser aucun nous mōstrons
souuent le doigt du milieu. Parquoy est
communement dit ce prouerbe que
quand nous desprisons aucuns, nous
sommes dits luy monstrier le doigt qui
est le moyen. Apres cestuy cy, le pro-
chain du plus petit est appellé Annulaire
pour autant qu'il est coustumierement
ceint & environné d'un anneau d'or ce-
luy mesme qui est en la main senestre,
de laquelle chose les sages & lettrez ont
mis par escrit la raison, qui est que le
corps lesquels on decouppé & en faict-
on vne Anothomie, est trouué vn nerf
fort tendre delié qui s'estend depuis ce
doigt iusques au cœur de l'homme.
Parquoy les Anciens ont dit que celuy
doigt estoit environné d'un anneau

d'or, comme d'une couronne. Où bien il est dit certainement de la nature de celuy or, par lequel est le cœur viuisié & conforté comme disent les medecins. Le plus petit & le dernier de tous, est nommé par aucun doigt Auriculaire ou auriculier, à cause que nous vsons de son moyen & ayde, en curant & nettoyant nos oreilles comme d'un ferrement à les frotter & gratter. Et ce suffira quand aux doigts de la main nous appellons le poing, quand la main est close, & compressée, estans les doigts conuoluz & pliez enséble, duquel poing la plus haute partie est pres le poignet, & la plus basse est de l'autre costé. Laquelle partie de la main à cause que nous l'esmouuons en frappant sur le corps d'aucun, ou autre chose est appelée la percussio de la main selon les Chiromanciens. Et la main au lieu ou elle est iointe au bras est dite la iointure de la main ou à rason que là au droict elle est plus restraincte

& fort plus en destroit elle est dicte la
main estraincte. Tous les doigts ont des
enflures qui se leuent des racines d'iceux
doigts & sont par aucuns appellées
Montaignes attribuées & dediées aux
noms des Planettes, esquelles est adiou-
sté celle chair paroissant & eminente,
qui est & appartient à la percussion de la
main. Parquoy aduient que le lieu de
toutes les Planettes est faict à la main de
l'homme, d'où viennent les diuinations
& pronostications, que plusieurs nom-
ment propheties. Car l'enflure du poul-
ce, appartient à Venus: & est signé de
telle note ⁶ Et combien que aucuns
soient d'opinion contraire, toutefois
nous ne laisserons les voye des anciens,
lesquels nous auons promis imiter &
ensuiure: comme il apparoiſtra cy apres.
L'indice, Iupiter a tel signe ⁷. Le moy-
en ou Mirantier, Saturne, est ainsi signé
⁸. Annulaire, Soleil est de telle figu-
re ⁹. Auriculaire, Mercure est sous

o Vraye & parfaicte,
ceste forme ☿. La tumeur ou enflure qui
est en la percussion de la main, est occu-
pée de la Lune & la notons ainsi c. Nous
dirōs peu apres quel lieu a Mars. Mais
descriuons premierement les sections
ou trenchée de la main, que les anciens
appellent cissures, incisures: où & les no-
stres les nomment & appellent les li-
gnes. Ceste cy sont les plus principales
à sçauoir la ligne nommée Restrainte,
& diuise la main du bras car en elle qua-
si est ioincte la ligne de la vie, ou du
cœur. Laquelle née sous la tumeur ou
enflure du doigt Indicatif ou demon-
stratif, ou apres: comme entre le poul-
ce & L'indicatif, trenche la tendant en-
uers la restraincte en celle mesme region
ou costé de la main: c'est à sçauoir,
à l'enflure du doigt demonstratif,
fort vne ligne & est estenduë & alon-
gée à l'enflure de la Lune en trauer-
sant la main, & est appelée la ligne
Moyenne naturelle. Et certes ces
deux

deux lignes ainsi sorties & venuës, com-
mencent la forme d'un Triangle. La-
quelle si elle apparait, (car en aucuns n'a
point apparence,) elle est dictée la ligne
Tabellaire, ou du foye, ou de l'esto-
mach, car par ces noms celle sexion ou
trenchure est denotée, qui la parfaict: si
quelle soit comme le bafe & fondement
du Triangle. Et fort bien pres de la Res-
traincte sous la tumeur & enflure du
poulce: & en outre la Moyenne naturel-
le prouient & decole à la montagne de
la Lune. Nous donnons & attribuons à
Mars l'espace enclos par ces lignes, &
l'appellons le Triangle de Mars luy at-
tribuans, ce signe. & il y a aussi la ligne
Menfale qui demande le doigt Indice,
ou (comme i'ay dit cydeuant) Demon-
stratif, née souz l'auriculaire, en celle
partie en laquelle la tumeur ou monti-
cule de la Lune sort. Et a eu ce nom tel-
le ligne, à cause qu'entre elle & la Moy-
enne naturelle, l'espace laissée, elle

B

resemble & denotte la figure de la table,
car totalement est appellé celuy espace,
la table de la main, ou bien est dite &
nommée quadrangle pource qu'elle fait
vn carré, ou quatre angles. Et en outre
elle est appellée la ligne de fortune &
sont quasi ceste cy les meilleures sections
ou trenchées de la main: ausquelles les
autres plus petites s'ot recueillies comme
aux princip. les lignes. Mais nous les des-
crirons toutes ainsi qu'il peut estre bien
fait, & entant qu'il appartient à cest art
nous exposerons de leur signification
quelque chose. Et estime qu'il soit bon
de parler premierement de ces lignes qui
prennent leur nom & domination de
trois nobles membres du corps humain:
c'est à sçauoir du cœur du cerueau & du
foye. Et tout ainsi qu'en ces parties du
corps tout ce qui est le plus noble de
l'homme est tourné pareillement de
ces trois incisures & trenchées ou li-
gnes, peut predire & deuiner de la santé

de l'homme, & de la mort, & de toute
autre chose qui luy peut & doit aduenir,
laquelle chose si elle semble à aucun trop
friuoile & legere, se souuienne des An-
ciens Pythagoriques lesquels ont con-
iecturé & assis iugement par les linea-
mens des corps, des hommes, & souuent
ont predict & anoncé les mœurs & com-
plexions des hommes, & ce qui estoit à
aduenir à aucun. Car il est dit de Socra-
tes, que quand aucun l'eust descrit par sa
Physonomie, & eut dit qu'il estoit le plus
ord & sale de tous les viuans & totale-
ment perdu par sa paillardise & luxure,
& pour cela fut ledit Physognome re-
prouué & reprins par les Disciples dudit
Socrates comme s'il eust fausement &
mauuaisement menty. Lors Socra-
tes respondit & dist: Ces choses me
sont naturellement venuës, mais
i'ay corrigé les vices de ma nature,
par la reigle de raison. Signifiant par
tous les imperfections que nous

auons de Nature, pouuoir estre amendeés par bonne coustume: & que l'homme peut resister & contrarier en aucune maniere, contre la destinée ou Fortune. Aristote Prince des Peripateriques dict, que la main de l'homme est faicte de Nature, comme l'instrument des instrumens, & l'organe des organes en l'humain corps. Doncques, veu que son office sert esgallemēt à toutes les parties du corps humain & que la vertu de tous les membres couure ensemblemēt en l'humaine generation, il est grandement consonnant qu'aucuns signes d'humaine qualité (qu'on appelle complexion) & les indices & demonstrences puissent estre regardées dedans la main de l'homme. Icele est la proportion de tous les membres entre eux, que toutes choses en chacune d'eux conuiennent, & y sont. Pline dict & afferme, que au temps son àge estoit desia l'art de Chiromance en vſa-

ge: Mais toutes fois ie pense en tant qu'il m'attouche, ce temps pendant admonester ce qu'on doit conceder à cest art & quelle chose il nous conuient apprendre d'ailleurs: à celle fin que aucun ne cuide point la cognoissance de si grand chose estre enfermée & contenue pres de si tres-estroicts & si petits termes. Parquoy ie monstrey ce que i'ay accoustumé de faire. Toutes & quantes fois qu'il conuient respondre à ceux qui m'interrogent, ie regarde premierement la main, selon la coustume: mais pendant cela curieusement & diligemment, ie considere presque tout le corps vniuersel, & ses liniamens, selon celle Physionomie, qui est ainsi appellée, & de laquelle ie parleray au petit liure qui s'ensuit, l'assemblant & conioignant avec la Chiromance. Et puis ie mets mon regard sur l'heure de la natiuité de l'homme, ou sur le mois, le iour & l'an. Quoy faict, ie tourne mon entendement à

l'Astrologie natuelle, de laquelle ferons
traictées les raisons dedans les liures que
i'en ay escrits estimant plainement &
certainement aucune chose de cecy (si à
part est vsurpé) n'estre suffisante à res-
pondre aux inquisitions, & demandes,
Et me semble que ie suis plus temeraire,
si ie responds tout incontinent, qu'iceux
ne sont fols, s'ils croient trop facilement
Et ainsi i'ay ces choses coniointes, & en-
semble pliées afin qu'en prenant quelque
chose, i'attire le remanant ensemble &
avec, & vse pareillement de tout: en esti-
mant que donner sentence & iugement
de la vie, & de toutes les fortunes de
l'homme, quand i'auray vne fois regar-
dé sa main. Cela est fait l'homme fol &
hors de son bon sens. Mais rerournons à
parler de la Chiromance.



- A Ligne Mensale, ou de fortune.
- B Ligne de vie, ou de cœur.
- C La percussion de la main.
- D La ligne moyenne naturelle.
- E La ligne du foye ou de l'estomach.
- F La restraincte de la femme.

B iiij



- A ligne Mensale.
- B La percussion de la main.
- C La restraincte de l'homme.
- D La ligne du foye ou Hepatique.
- E La Table, où le Quadrangle.
- G Le mont du poulce.
- H La ligne de Vie ou de cœur.
- I Le Triangle.
- K La ligne moyenne natuelle.

Les noms des doigts selon les Planettes.



- A La Mensale imparfaite.
- B La sœur de la ligne de Vie.
- C Du Foye & de l'estomach.
- D Sœur de la ligne de vie.
- E Ligne de vie.

De la ligne de vie.

Chap. ii.



A ligne de la vie, qui est appelée la ligne du cœur commence (comme dit est) à la montagne du doigt indicatif, où demonstrent par le milieu de la palme & tend au lieu où nous auons voulu que la main fust appelée Restrainte. Laquelle ligne si elle est longue, droicte & luyfante d'aucune vive couleur elle denotte & signifie longue vie & que l'homme n'aura gueres de maladies. Cela afferme Plin, quand il dit que ceux qui ont les espaules courbées & en vne main deux longues incisures, sont de l'ongue vie. Ce qu'il faut entendre de la ligne de Vie, & Moyene naturelle est imbecile, & debile, la ligne de vie apparoiſtra variée de diuerſe couleurs ten-

dre de prime, & aussi trenchée de petites lignes contraires, & si elle est briefue, elle signifie la briefueté de la vie, & contraire santé de la personne & peu de force. Et denotte aussi, que celuy hōme difficilement & à peine paruiendra à aucune chose desirée. Et si ladicte ligne est plus grosse & espaisse, longue, non diuisée & confuse, cela denotte routes choses contraires. De laquelle chose si aucun veut sçauoir de nous la raison, nous respondrons que le sang qui donne force au cœur, & lequel aucuns ont cuidé estre le siege de l'ame, luy administre celle chose.

Et certes cela est certain, que si le sang est pur ou corrompu, & non pur, aussi sera celle ligne de couleur clere ou obscure, tellement que toutes & quantes fois que le sang habonde en l'homme, elle sera rouge, & resplandissante: & au contraire passe & comme meurtrie, retirant à couleur de plomb

alors que celuy sang luy faudra. Dont il aduient, que alors la couleur naturelle diminuée, & amoindrie adonc est euidente, & le corps rendu ferme & fort contre le robuste & le vigoureux. Et si ceste ligne est estroicte, subtile & bien coulourée, & quelle procede vers la ligne moyēne naturelle elle signifie l'hōme estre de bon conseil, d'entendement subtil, & de grand & Royal courage: & si elle est large & mal coulourée, ou passe elle denotte le cōtraire en toutes lignes principales car si elle sont droictes & non diuisées bien coulourées, tousiours demonstrent la bonté de la complexion, & si elles sont diposées au contraire elles denotent tousiours le contraire Aussi, quand la ligne de vie est profonde, de diuerse couleur, c'est à l'auoir pointée de petis poingts rouges palli tante, & liuide, où violette, elle signifie malice finesse, cautelle enuie, & monstre que celuy homme est

babillard qui se vante souuent, & plaist
à luy mesmes, Si celle mesme ligne est
grosse, & grandemēt rouge, elle denote
l'homme trompeur & fallacieux, mes-
chant & inconstant. Et si elle est liuide
ou blesme, qui est comme couleur de
plomb & entremeslée d'aucune rou-
geur, elle demōstre l'homme plein de
courroux & quasi furieux, ou forcené
& si elle est grandement rouge entre-
meslée d'aucune couleur plōbine, cela
signifie l'hōme estre inconstant, qui n'a
nulle honte vagabōt traistre, seminateur
de noyses, réply de courroux, & souuent
prouoque les autres a mal & si desia cel-
le ligne est rouge en celle partie par la-
quelle elle est entēduē à la restraincte,
elle signifie cruauté. si elle est fourchuē
en deux pars, au plus haut anglet, elle
demonstre l'homme, inconstant vaga-
bond, & en toute chose à faire merueil-
leux, & si elle va tournoyāt, & soit retor-
ce vers la moyēne naturelle, l'hōme sera


deceueur, cauteleux, effrôté & de mau-
uais courage. Et si aucunes fois apparoist
en la main de la femme le signe de la
croix, depuis la ligne de la vie tendant
au plus haut coing ou anglet, avec trois
autres petites lignes, celle femme sera
ioyeuse, prodigue de sa chasteté & fina-
blement mauuaise. Aussi quand on treu-
ue en la ligne de la vie aucune petite
croix aupres de l'anglet dextre & soit
celle croix trenchée en la main de la
femme elle denote quelle sera pleine de
toute meschanceté, & quelquefois sera
pugnie par tourment, à cause de son
grand peché & forfait car telle croix en
la deuant dite ligne de vie signifie tou-
siours mal, tant en l'homme qu'en la
femme si deux lignes sont trouuées pres
de la ligne de vie en la fin du mont du
poulce comme gisans aux costez c'est si-
gne comme ie coniecture que l'homme
mourra en brief selon ce signe. Et si
la ligne de la vie est trouuée ayant ra-

meaux estendus vers la moyenne naturelle, en la maniere qu'il est signé en la marge * c'est signe de perfection aux richesses & honneurs.

Et si ledit rameau est estendu en bas vers la restrainte en la maniere qu'il est signé en la marge * il demontre tousiours pauureté, & deception des seruiteurs & domestiques & l'infidelité d'iceux. Si deux petis rameaux vont droitement à la moyenne naturelle par triangle, cela denote l'homme apres plusieurs dangers & variables agitations, de fortune auoir richesses & grand biens, mais si plusieurs petites lignes trenchent la ligne de la vie elles signifient plusieurs maladies. Si en la ligne de vie sont aucuns grains, ça & la respendus ou petis poincts, cela monstre l'homme estre enclin à paillardise, fornicateur & quereleux, & sera celui en peril de sa vie, pour l'effusion de sang en sedition, de laquelle il



aura esté autheur, & à bref dire il sera
 quelquefois blessé & nauré. Quand au
 cōmencement de la ligne de vie, sortent
 & naissent trois petites lignes tortuës,
 en la trenchant en la maniere
 que voyez à la marge * c'est si-
 gne de lepre qu'il luy aduiendra
 Car ces choses demonstres la
 mauuaise & corrompue chaleur du
 foye. Parquoy on recueille des choses
 ja dictes, que si la ligne de Vie ou du
 cœur est longue haute, bien colorée,
 ayant la moyenne ligne naturelle bon-
 ne proportion du foye & de l'estomac.
 Et que lesdictes lignes soient aussi de
 bonne deüie & competente quantité &
 longueur, & de bonne couleur c'est si-
 gne de longue vie & bonté de nature,
 de l'entendement & d'esprit & aussi de
 complexion. Aucunes fois en ligne de
 vie, ou de la teste, vn tel signe est
 trouué o. ou deux pareils, o o.
 Laquelle chose denotte la perte de
 l'vn



l'un des yeux où de tous deux. Et combien que cela ne se trouue pas souuent, toures-fois ie l'ay experimenté en moy, & est ainsi. Et certes au lieu predict dedans ma main est vn tel signe, lequel quand ie le voy ie me remēbre par quelque maniere, ie fus long temps y a en grand danger d'un œil, car en yuer en me seant au feu, ie tombay, & si euz l'œil fenestre surpris par la flamme dont me doullois grandement. Et neātmoins que ie trouue celuy signe ne m'a pas seulement predict ledit mal, mais aussi à cause que l'opposition apparroist en la natiuité de Mars, & de la Lune. Je trouue aussi qu'au temps de ma naissance Mars estoit au signe humain, en l'vnziēme maison, & la Lune en la cinquiesme, laquelle constellation à mōstré aucune chose telle, & signifie selō qu'il a esté obserué par les Astrologues. Parquoy i'ay trouué la chose que i'ay dicté plus vraye c'est à sçauoir que ces arts sont entre'eux

C

conioincts par aucune alliance, & ne
peut gueres l'un sans l'autre. Et certes il
est chose veritable, que ces choses infe-
rieures sont gouvernées des superieures,
& si ont l'influence de leurs forces des
vertus celestes. Dont il nous faut confi-
derer en quel soucy & cure fut enuers la
creation du corps humain, celle nature,
mere & ouuriere des choses qu'elle a
donné à l'homme à cognoistre des plus
nobles parties de l'homme, par plusieurs
iugemens, & non pas ainsi des autres car
les signes du cœur du cerueau, & du foye
sont certains en la main de l'homme.
Pource qu'en eux la plus grande & meil-
leure partie de la vie de l'homme est
comprise, & contenuë. Il n'est pas ainsi
des yeux, des oreilles, & de la bouche,
des pieds & des mains: combien que ces
membres moins nobles, soyent veus auoir
esté faicts plus pour la beauté du corps,
que pour la necessité. Et à ceste cause
toute main à ces trois lignes, & plusieurs

n'ont pas les autres, excepté les rustiques & laboureurs, auxquels elles sont effacées & abolies. A ceste cause il est necessaire de souuent reparer & reiterer, que ces arts sont comioincts entre eux, afin qu'ils ayent tousiours affaire de leurs aydes, qui sont mutuelles, & vont de l'vn à l'autre. Laquelle chose à celle fin, que manifestement la mettrons en auant repetons la de l'art d'Astrologie. Et ce suffira, quand à la nature des signes erratiques: c'est à dire des Planettes ainsi nommée par les Grecs. Car ce sont celles qui forment & façonnent non seulement les corps des hommes. Mais aussi les esprits & entendements. Or Saturne fait les sages pouruoyans à leurs affaires, posez conuoiteux, peu parlans, & à eux mesmes agreables. Iupiter les faict plaisans, benigns, paisibles sobres, & parlans bien ornement. Au contraire. Mars les faict cruels inhumains & mensongers. Le soleil les fait

pireux nobles où francs, heureux & esleuez en gloire. Venus les creez tels, qu'ils ne se peuuent garder de chanter, les femmes luxurieuses, beaux & resplendissans de bonne grace. Mercure les fait cauteleux, rusez sçauans, alaigres, habilles de corps. La Lune les rends subtils & ingenieux, excellens: mais ils sont trop inconstans & paresseux. Cecy est dit generallyment de la mobilité & diuersité des entendemens. Or maintenant, afin que tu cognoisses plus appertement la grande difference qui est entre eux, & comment ils produisent diuers effects, ie mettray cy apres quelque chose de la voix. Saturne donne la voix tardieue bruyante & mal sonnante, Mars la donne bruyante ou criquante. Iupiter la faict sonoreuse, resonnante, & douce. Venus la faict molle effeminée & delectable. Le semblable font Sol & Mercure. Les signes ont leurs voix: car ceux qui rendent sons clers &

resonans, sont la Vierge Gemini Libra,
& Aquarius: & ceux qui la font moyen-
nes s'ot Taurus: Aries Leo & Capricornus:
& la derniere part du Sagitaire, Cancer.
Scorpius & Pilces. Et cela est tant que
concerne à la voix seulement. Il y à au-
si aucuns signes qui aydent à l'enfante-
ment, & font fertile la femme, & l'en-
fant, & par ce sont denommez fecons:
& sont ceux cy, Cancer Scorpius & Pis-
ces. Et les autres sont les sterilles, com-
me Gemini, Leo & Capricornus. Et en
telle maniere, tout ce qui appartient,
aux humains fais & actes, peut estre ac-
commodé ou comparé aux Signes qui
sont leurs promoteurs. Or donc d'au-
tant que on ne le peut nyer plus griefue-
ment blaspheme ceux qui se mocquent
d'Astrologie, & disent n'estre chose di-
uine: mais pleine de mensonges. Les-
quels nous deservirons & peindrons de
leurs couleurs, en leurs lieux, & ce pen-
dant retournons à nostre propos.

C iij



Si en ceste maniere est trouuée vne croix enuiron le plus haut anglet, venant & procedant de la ligne de vie, & de la part inferieure trois petites lignes, & deux de la superieure comme en ceste main appert, c'est signe en vne femme de luxure & paillardile. Et si trois lignes sont trouuez en la fin de la ligne de vie, vers la recepte, où est raincte, c'est signe que la femme sera punie à mort pour son peché.



Quand aucunes petite lignes trenchent en la partie d'en haut, où touchent la ligne de vie en sorte que voyez, elle denotent infirmité de corps, & maladie. Et la ligne Moy-

enne naturelle a del'autre costé aucunes sections ou trenchures : comme gifantes de l'inferieure partie de la ligne directe & contremont dressée, cela denotte douleur de teste qui prouient des exhalations & vapeurs de l'estomach, ou bien quelque telle où semblable maladie. Trois lignes trouuées en la fin de celle ligne, produisent quelque mal: comme il apperd cy apres.

C iiij

De la ligne Moyenne naturelle

Chapite iij.

LA ligne moyenne naturelle est appelée celle qui commence à la racine de la ligne de vie, passant par le milieu de palme, vers la montagne de la Lune, où bien vers la perculion de la mais. Si telle ligne est droicte non point separée, ne trenchée de petites lignes tournées au contraire, cela signifie tres-bône santé, sain cerueau esprit & entendement vif, avec bonne memoire. Et si elle est longue & estendue iusques à l'enflure de la Lune, elle denotte le courage preux & hardy, & longue vie, Et si elle est courte tellement quelle ne sorte point hors la concaue de la main ou le creux, elle demonstre l'homme estre craintif, & timide chiche avaricieux, im-

prudent & plein de desloyauté. Et si la-
dicte ligne n'est point estendue, ius-
ques à la montagne de la Lune ou si elle
est finie du costé de son espace qui est
entre le doigt du milieu, & annulaire el-
le signifie que l'homme est de mœurs
corrompues, & de courte & de briefue
vie. Et si en la forme d'un demy cercle
ladite ligne diuague outre la montagne
de la Lune, & est courbé à celle enflure
ou tumidité,, d'autant qu'elle sortira
plus longue, de tant plus elle promet
longue vie, mais on sera pauvre en vieil-
lesse. D'auantage, si celle mesme ligne
se dresse en haut, & aux doigt, en la par-
tie qu'elle finie, & deffaut, elle demon-
stre l'homme estre eshonté, impudent
& malicieux. Et si elle monte fort aux
doigts elle demonstre fol. Et au con-
traire si elle tend contre bas, & qua-
si allant à la restrainte de la main,
cela denotte l'homme conuoiteux
& meschant. Et si elle est recourbée

del'autre costé, & qu'elle touche la ligne Mensale, cela demonstre quelque dommage & male-adventure. Et si elle est tortuë non point vnüe, ains inegale & de diuerse couleur, c'est signe de la mauuaistié du courage, & quelquesfois de larcin. Quand elle est droicte egale, & de belle & luyfante couleur & qu'il y ayt aucunes lignes qui sortent d'icelle c'est signe de bonne conscience & de iustice. Mais quant la moyenne naturelle est large & grosse, entremeslée d'aucune rougeur elle denote rusticité d'entendement, & faute de prudence, & quand elle n'est ny trop estroite ny trop large, & bien colorée, c'est signe d'un homme ioyeux & fort aussi. Si elle est menuë, deliée, minse, passe où blesme, elle denotela foiblesse & debilité du cerueau, & les vapeurs montans de l'estomach à la teste. Et si celle ligne apparoit grosse & trop haute & que il y ayt aupres d'elles quelque petites lignes

avec couleur rouge, l'homme sera cour-
roucé, & plein de rage. D'avantage, si
elle à en elle aucuns espaces nœuds
continuels & s'entretenans, autant que
de nœuds là seront trouuez, autant de
meurtres fera l'homme, où les aura ja
faicts. Et si les nœuds susdicts, ne sont
vus totalement reuolus où enclos, ils
feront demonstrence d'un destrouffeur
de gens & brigand qui blesse, non pas
toutesfois iusques à la mort. En celle
mesme ligne les points espais & gras,
denottent l'homme desordonné en
mœurs sans aucune sagesse ne grace, &
mal plaisant aux gens. Lesquels points
s'ils sont fort rouges, ils demonstrent
l'homme cruel fort courageux & hardy.
Si celle ligne est tortuë & qu'elle face
par le circuyt vn demy cercle avecques
aucune obscurité, elle demonstre que
l'homme qui l'a sera en danger des
bestes à quatre pieds, ou sera tué par
les bestes sauvages. Et si aupres de la

dictes lignes sont deux petites lignes assemblées, comme il est figuré en la suivante main, elles signifie que l'homme sera blessé, non pas de fer, mais d'autres choses.

D'avantage si en celle mesme ligne est trouuée vne petite croix, au quartier du doigt du milieu, elle signifie que l'homme mourra dedans vn an. Et si quelcun à ceste ligne forchüe vers la restraicte, avecques aucunes petites & menuës trenchures, celuy retourne tous ses pensemens à choses mauuaises, & ne craint Dieu ny les hommes.



Ceste figure de la main deuât peinte avec la ligne moyenne naturelle, comme elle est commençant à la racine de la ligne de vie: & passant droitement par le milieu de la

main sans incisions aucunes, signifie la bonne disposition du corps de l'homme, & la santé entiere du cerueau. Et quand elle fera vn coing où anglet agu où pointu, avec la ligne de vie, elle denote bonne memoire egalité, & vraye bonté de l'entendement. Mais si elle est (comme il est escrit au Canon) inegale, ne sortant point hors le creux & concaue de la main, elle demonstre l'homme craintif, auaricieux, chiche, & estre de petite & courte memoire.



Si la ligne Moyenne naturelle si de plus peinte faict en s^{on} circuit comme vn demy cercle, avec aucune obscurité celuy qui l'a ainsi, sera en danger des bestes à quatre pieds,

& peut estre, sera tué par icelles. Mais si à la fin de ceste ligne sont deux autres petites lignes apparentes des deux costez elles denotent seulement aucunes bleseures, qui seront faites par ferremens. Si vne petite croix trenchée de petites apparoit au droit du doigt de Saturne, elle demonstre la briefueté de la vie, & aussi la debilité & foiblesse du corps, & d'autant plus cela sera vray, si la main n'a point le quadrangle.



Si en la ligne
Moyenne natu-
relle sont trou-
uez tels petits
nœuds autant
qu'il y en aura,
ils denotent au-
tant de meurtres
& homicides
faicts moyen-

nant toutesfois que seldits nœuds
soient blefmes & pasles. Et s'ils sont
rougeastres, ils signifient que l'homme
sera homicide & larron. Et si aucunes
tortuës incisions sont trouuées en ladi-
te ligne naturelle elles denote bien que
l'homme sera fort mal'heureux & in-
fortuné. Et si vne croix est la trouuée,
ie coniecture que l'homme sera opinia-
stre plaideur, & ayment discord &
desbats.



Quand cesteligne
Moyenne natu-
relle tend & va à
la ligne Mensale,
& en la fin est tor-
tuë, à la maniere
icy escrite elle si-
gnifie que l'hom-
me sera medisant
mauuais, meutrier

où respandeur de sang, & sera le plus sou-
uent pour causes de ces choses en dan-
ger, & aussi aucunesfois sera vaincu. Et
si ladite ligne à aucunes coupures secret-
tes, l'homme sera orgueilleux, grand
parleur, se courouçant incontinent &
pour peu de chose. Si la croix est trou-
uée en l'anglet d'enhaut, au droit
du mont du poulce, elle denonce
l'homme estre bon, & presage l'enten-
dement estre enclin à tout bien & au
conrraire.

De la li-

De la ligne Mensale.

Chapitre iiij.

LA ligne Mensale est dictée ainsi, pour
autant que la Table, que les Latins
disent menla, est d'elle constituée & or-
donnée. Et ceste maniere nous disons
estre appellé l'espace laissé entre la Men-
sale, & la moyenne naturelle où aussi la
la ligne quadrangulaire est dictée de ce-
luy, car avec la ligne moyenne naturelle
proprement elle faict le quadrangle. Si
ceste ligne mensale est egale & assez
longne, haute & droicte elle signifie
bonne qualité de nature, le foye estre
bon, des membres principaux la force
en l'homme : & denotte aussi at-
trempance, modestie, & ferme-
té d'esprit en bonnes œuvres. Et si
elle est estenduee outre la moytié
de la montagne qui est sous le

D

doigt Demonstratif, en sorte qu'elle touche la montagne de Iupiter c'est signe de vehement d'espit, & aussi de cruauté, Et si elle est rouge en la partie d'en haut, elle signifie l'homme estre rapporteur & enuieux de la prosperité & bien d'autrui, Et si elle à les Rameaux droicts, tendans au lieu du doigt de Iupiter, cela promet exaltation d'honneur, augmentation & accroissement de grandes richesses, & aussi demonstre le pauvre petit à petit deuoir monter & estre en grande dignité, puissance & auctorité: Mai si celle ligne est nuë & sans rameaux & quelle tire vers la racine du doigt demonstratif, elle denote que l'homme deuiendra pauvre & mal'heureux. D'auantage si elle à trois lignes, où aucuns rameaux à la fin, c'est à sçauoir vers la montagne de Iupiter directement tendant au plus haut anglet, elle denote l'homme heureux, ioyeux liberal noble & excellent, plaisant mode-

ste & posé aussi plein d'honnesteté, se delectant en beaux habillemens, & conuenables ayment droit & raison, desirant toute netteté & pureté & quise resiouy & delecte en faueurs & diuersité de senteurs & bonnes odeurs. En la natiuité duquel homme celuy qui considerera son horoscope il y trouuera le Taureau, où Libra ausquels preside Venus où le Sagittaire, où les Poissons, desquels Iupiter est seigneur, où quelque planete qui soit là, il cognoistra facilement la raison de ceste chose.

Et si vne petite croix est en ce mesme lieu trouuée, elle signifie l'homme liberal & amateur de verité, courtois, gracieux & doux en langage, & communement orné de toutes vertus. Et s'il est ieune il aura la barbe au menton plus tost que les autres. Et si celle ligne fort du costé du mont qui est sous le doigt moyen, & n'a aucuns rameaux, elle demōstre l'hōme estre men-

D ij

songer, à soy-mesme plaisant, inconstant, trompeur eshonté, qui n'a nulle honte & semant noises & discords. Quand ceste ligne est conioincte avec la Moyenne naturelle, en sorte que les deux font vn anglet, l'homme aura diuerses perturbations & troubles en l'entendement & perils du corps, tellement que sa vie luy desplaira quelques fois. Et si la Moyenne naturelle defaut, que celle la soit assemblée avec la ligne de vie, en sorte qu'elles facent l'anglet de la mensale & de la ligne de vie, c'est signe que l'homme qui à celle significatiō, aura quelque iour la teste trenchée ou sera mortellement bleffé, & quoy qu'il en soit, son souhait & desir iamais ne sortira son effaict. Or au lieu ou ceste ligne est diuisée, & vne partie regarde la ligne moyenne naturelle: & l'autre la montagne de Saturne, ce denot- te l'homme estre souuentes-fois en danger de sa vie, combien que ie

trouue qu'il en elchappera sain & sauue.
Celle mesme ligne estant droicte &
subtile pres de la montagne de Iupiter,
c'est à dire au lieu de son yssuë, signifie
l'homme estre bon gouuerneur de sa fa-
mille, & s'esleuera quelquefois sur ses
semblables prochains & patens pour
dominer sus eux. Si elle a aucunes inci-
sions du costé du doigt Moyen, elle si-
gnifie l'homme flateur, trompeur, di-
sant tantost, d'un tantost d'autre: & que
peu de gens aymerons. Et si aucune li-
gne trenchant la Mensale, venant du
quadrangle, monte droicte à la monta-
gne de Saturne & fait la quelque petite
croix, cela menace de mort contraire &
violente. Ceste ligne qui est l'indice &
demonstrance de si grande felicité si el-
le va outre la montagne du doigt de-
monstratif, outre l'enflure du doigt
moyen, en la maniere qu'elle ne touche
point le milieu, mais sorte pres & iuxte
la bosse, elle demonstre l'homme estre

pauvre iusques au bout, & en danger de perils en tous costez, & subiect à à miseres. Si celle ligne à aucunes discontinuations ou soit diuifement trenchée, elle signifie l'homme mal adroit, inepte & inconstant: abestty, & enerué par paillardise, & est celuy duquel le vouloir sera fort variable avec les femmes tellement qu'il les prendra maintenant en amour, & puis chassera avec sa fureur, & aussi les blasmera souuent de parolles, & les battra. Et à cause que ceste ligne est aucunesfois trouuée haute subtile, menuë & passe, elle meine l'homme à telle fin que i'ay dict: car il sera chaste & pudique: mais debile & subiect à maladies. C'est signification de mauuais signe quand la ligne est née à la Moyenne naturelle qui de telle sorte tend à la montagne du doigt moyen, quelle rompt premierement la table de la main, & aussi semblablement la ligne Mensale, & est fourchue vers la fin.

Mesmement en la main de femmes, elle desplaist. La taillure, où incision qui vient de la ligne de vie, & s'estend comme i'ay dit signifie à la bonne femme qui l'auoit tué quelquesfois son propre enfant, comme il m'est aduis. Laquelle incision neantmoins tournée obliquement & de trauiers à la montagne de iupiter, signifie à celle femme plusieurs heritages à venir, & si elle est plus rouge que les autres, elle signifie à la femme douleur des entrailles, & trenchées autour du nombril. De rechef si la section vient de la ligne de vie, & soit doublée, trenchant la Mensale, elle denotte que l'homme mourra de mauuaise mort, & certes si elle est en l'homme où en la femme, c'est signe de mauuaise issue. Quelquesfois aussi celle mesme Mensale est veüe vers la montagne de Saturne, où de iupiter fourcheu & lors elle denotte l'homme souffrir plusieurs grands peines en sa vie, & s'empestrer

D iij

quelques-fois de facheux trauaux. Si elle est rouge d'autant plus que la rougeur reluit la d'autant plus elle denotte l'homme estre prompt à se courroucer pour petite chose. Quand en celle mesme Mensale sont veües aucunes petites lignes ou plus tost creuasses, de degré, en degré, l'une apres l'autre, montans, de tant plus qu'il y en aura, d'autant plus sera l'homme honoré & en auctorité & pouuoir & à tel i'affirme escheoir les grans dommaines & seigneuries. Et certes, en la main duquel n'est la Mensale aucunement apparente, cela denote que l'homme où la femme seront malueillans, noïseux querelleux remplis de courroux, de foy suspecte, & de courage peu constant. D'auantage, si entre la Mensale & le lieu de Mercure, c'est à sçauoir de l'auriculaire apparoist quelque ligne, laquelle venât de la Mensale, tende vers le doigt Auriculaire, c'est signe comme il à esté obserué, que ce

luy qui l'a, ne sera ny bon ny bien fortuné, mais enclin à couroux, auaricieux, & tousiours remply en facheuse & ennuyeuse tristesse. Et d'auantage il sera (comme ie trouue malin & consentant au forfait, & meschanceté d'autrui. Et si aucunes lignes apparoissent entre la Mensale & le doigt auriculaire & sont rouges, & en pareil nombre, c'est signe de mariages. Et si elles sont trauersans & passes, elle denotent autant de nopces passées. Et si aucunes croix de trauers & obliques ou allans de costé, sont trouuées sous la racine de la Mensale, autant qu'on en trouuera, autant denotent elles à l'homme d'ennemis capitaux. Et où aucune ligne trenche celle Mensale, venant du Quadrangle, où de la table, où de la main, à la montagne de Saturne, qui face & forme en la fin vne petite Croix, c'est signe de mort formée & violente.

Et disent aucuns sçauans en c'est art, que si aucunes petites lignes sont trouuées pres de la fin de la Mensale, elle signifies maladies au premiere àage, si elles sont pres le milieu, les maladies seront en l'aage moyen si aupres de la fin, elles seront au dernier àage de la creature.

Et si telles descendent de dessus le mal fera fait, d'humeur cholerique, si elles montent de la part d'enbas, elles seront de flegme, & si elles tendent dessus de la part du milieu, le mal procedera de sang: & si elles viennent du milieu, plus toutesfois deuers le bas, le mal viendra de melancolie, plus ou moins: selon leur regard où obscure couleur. Il faut icy considerer, que Cancer le Scorpion, & les Poissons dominent au flegme sallé: Saturne aux maladies flegmatique bilieuse, dont naist lepre, morphée chancre où gouttes. Le Taureau la Vierge, & le Capricorne sont de ceste natu-

re, froids & secs, & dominant à la melancholic: & pour ceste cause Venus à domination és froides maladies & humides, en la gorge & és genitoires: & la Lune en la goutte, mal caduc & apoplexie. Aries le Lyon, & le Sagittaire, ont domination en la colere, és fieures par sang, & empoules. Et Mars semblablement és chaudes fieures, frenaisie, gravelle, & au ver qui est en la teste. Nous attribuons le sang adiuſte où brulé à Iupiter, comme à Mercure la maladie de l'entendement ameres pensées, & les remors de conscience. Le Soleil amaine les chaudes & seiches maladies. Toutes ces choses seront declarées. Et ce liure, quand on parlera de la nature des signes & Planettes.

Aussi faut noter que la rougeur des lignes procede de la chaleur de Mars. Parquoy ie dy qu'il faut tousiours recourir és iugemens de la Chiromance, & pronostiques, où diuinatiōs, à la nature des Planettes &

des signes: lesquels sera trouue le Soleil
au temps de la natiuité. Pareillement és
iugemens sera la Phisionomie de l'hom-
me songneusement regarde, & par ce
moyen ce sage Chiromancien iugera
seurement, & en verra certaine expe-
rience, dont il acquerra grand hon-
neur.



Si trois petits rameaux sont trou-
uez en la ligne de fortune, qui est
aussi dicte la ligne de prosperité,
& est iointe avec la ligne de vie,
& avec ce trenche la restraincte, cela

denote bon & subtil entendement. Et si la Mensale est assemblée avec ces mesmes signes, comme il est icy depeint avec quelque tortuosité, cela demonstre l'homme mauuais, inique, malicieux, calumniateur mesdisant, & qui tousiours conuoite respandre le sang humain. Et toutes les fois que tu regarderas ces mesmes lignes, il faut que retournes à la nature de Mars.



Quand la ligne Mensale est disposée & ordonnée tellement quelle encōmence

en lieu & mode competant, & y fine
 aussi cela denotte bonné qualité au
 corps & donne force & vigueur aux
 membres de generation. Si elle est au
 contraire, de sorte qu'elle soit sans rame-
 aux courte & grosse, & s'estende outre
 la montagne du doigt demonstratif,
 elle signifie l'homme malin & qui n'a-
 prendra pas facilement.



Ces trois petis ra-
 meaux en la fin pres
 la montagne du
 doigt index regar-
 dans droictement
 l'anglet d'en haut
 denotte bone cho-
 se tant à l'homme
 que à la femme. Et
 si vne petite croix

est trouuée en ce mesme lieu elle por-
 te signification à celuy qui l'a de bon si-
 gne. Parquoy prens conseil du chapitre
 precedēt. Or si la ligne mēsale à aucunes

incisions, elle demonstre que on sera molesté, traiuailé où faché par les princes & aura-on leur inimité. Et si plusieurs petites incisions sont separées en ladite ligne Mensale, c'est signe de diuerse & variable fortune.



Si la ligne Mensale és mains des hommes où des femmes, n'est trouuee, c'est tref-mauuais signe. Et certes ie coniesture l'homme estre prompt & adonné à tout mal, & deuoir mourir de meschante mort. Il faut re-

garder à ces lignes pres la Montagne de
Mercure: car la sont les nopces iugées,
& la est pris le iugement que l'on faict
de ceux qui sont subiects à Mercure. Si
la ligne naturelle, tellement qu'elle face
avec icelle mesme son anglet agu, com-
me tu vois en derriere, elle denote quel-
que mal, & certes tant de dangers sont
preueüs par icelle que celuy qui a tel si-
gne à bon droict se peut repentir d'a-
voir iamais esté né. Et si la ligne naturelle
defaut totalement & que la Mensale
touche la ligne du cœur, si ie ne suis de-
ceü, celuy qu'il à ainsi, aura la teste tren-
chée ou mourra de malle mort. S'il y a
quelque ligne qui entretrenche la Men-
sale (comme tu vois faisant en la plus
haute partie vne petite croix) elle deno-
te mort violente. La quelle ligne si elle
monte droictement entretranchant la
la Mensale, elle predict aux femmes quel-
que mal aduenir, de laquelle chose voy
la reigle. Si aupres de la ligne men-
sale

sale y a quelque croix nette & pure, cela denote les dignitez spirituelles & plus fort si deux croix apparoiſſent, c'est ſigne quel'on aura benefices Eccleſiaſtiques ce que pluſieurs fois auons experimenté.

De la Reſtrainte.

Chapitre V.



NOus auôs deſia dit que tout celuy
espace qui apparoiſt en la ioiſture
E

de la main, par laquelle il est ioinct au bras se nomme restraincte. Si celuy espace est n'ayant bonne & viue couleur, il signifie la tienne qualité du corps, & au contraire il la denote mauuaise. Et faut noter que le plus souuent apparois- sent deux lignes en ceste mesme ioin- cture, qui diuisent la main & la sepa- rent du bras. Et ces deux lignes s'y trou- uent, alors celle qui est plus proche de la main si elle est esgale, droicte de bon- ne couleur & tende en haut, elle signifie richesses, & combien que celuy qui a ce signe soit fort pauvre, si aura il accrois- sement en biens & prosperité, & bon- heur venant d'aduenture, mais ce sera d'autant plus que les rameaux seront droicts & non point trenchez. Et si aucune ligne sorte de la racine du bras, & soit estendüe iusques à la racine du doigt moyen, elle promet bonne fortune & heureuse aduerture. Si quatre lignes sont trouuées en ceste ioincture, tren-

chans le bras de trauers, & sont esgales,
& bien conioinctes, c'est signes qu'hon-
neur aduient, & aura les heritages &
successions de ses prochains. Et si en la
racine du bras près la montagne du
poulce, & près la ligne de vie, si tant se
baisse & deuale sont trouuées trois lignes
ou trois estoilles, où aussi plusieurs, c'est
signe que celuy a ces marques sera accu-
sé par les femmes, & par aduenture en
aura quelque des honneur. Si aucune li-
gne va de la moyenne restraite par la
racine du bras vers la montaigne de la
Lune, c'est signe que l'homme aura
beaucoup d'aduersitez, & inimitiez se-
crettes: laquelle ligne ainsi sortie, si elle
est tortuë & mal vnue, c'est signe de
perpetuelle seruitude, & denote que
l'homme iamaïs ne paruiendra à ob-
tenir honneurs & richesses. Et si aucu-
lignes sont espenduës ça & là loing
de la restraicte, & montent à la mon-
tagne du poulces, où gisent en la bas-

se partie d'icelle, c'est signe à celuy qui
l'a de danger d'estre griefuement tour-
menté & affligé de ses prochains & de
ceux lesquels il a mieux aymez & tenuz
pour ses feaux & grands amis: & d'iceux
sera bleffé despouillé & mis aussi és pri-
sons. Si aucunes lignes pendant ce nais-
sent du bras, & trenchent la restraincte,
& soyent conioinctes en la plus haute
partie, celuy qui a ce signe mourra ban-
ny en son pays. Neant-moins si lescdites
lignes ne sont continuellement ad-
ioinctes ains distantes separément,
c'est à l'homme lequel a cela qu'il
mourra loing de son pays vers les na-
tions estranges. Si ces mesmes lignes
tendent à la percussion de la main, elles
signifient longues nauigations &
chemins de la mer & la vie totale-
ment incertaine & vagabonde, &
denotement aussi iceluy homme
sera affligé & tourmenté par diuerfes
nauigations & pelerinages. Et quand

aucune ligne tend directement par la Restraincte, iusques à la montagne du doigt demonstratif, cela demonstre que l'homme yra loing, & à grand peine retournera en son pays d'auantage, si aucune ligne de la restraincte tombe en la vole où creux de la main, par la ligne de vie, & soit rouge elle signifie la foiblesse & debilité du corps & les maladies: mais si celle conionction où assemblée passit, elle denotte que ce cas ne sont plus ny ne seront ains sont desia passez & accomplis, sans plus les craindre, Et si aucun triangle prend son origine de la retraincte, & tend à la montagne de la Lune, & que ce signe soit en la main d'une femme, cella denotte qu'elle sera route corrompuë en sa premiere adolescence & fleur de son àage, & sera putain. Aussi quand à aucune femme cela apparoit, en sorte qu'elle ayt pres de la restraincte vne

E iij

petite croix, ie dy que celle femme sera honnelle, bonne, sage & aornée de route chasteté. Et voila les signes de bonne qualité au corps de l'homme Celuy espace qui est en la restraincte vers la main, ou vn autre pres la ioincture du bras ayant bonne & viue couleur, & ces quatre incisions demonstrent elles qui ne soit bon? Derechef, les trois petites estoilles combien sont elles à hayr qui menassent de danger par accusations, aussi de mauuais bruiet & diffame? Regarde la ligne qui va de la retraincte à la percussion de la main, estre demonstration & indice de mauuaise fortune & aucun mal'heur, & si elle tombe par la restrainte à la montaigne de Iupiter, cela signifie que l'on viura en loingtain pays. Et l'autre droict montant, denotte richesses & tres-heureuse fortune & prosperite. Et les signes que tu vois au mont de Iupiter de monstrent honneurs, richesses, avec ac-

croissements, dignitez. Quatre lignes
en ceste maniere trouuées dedans la
main painte trenchans quasi le bras, sont
signes de longuement viure d'auantage:
acunes lignes allans de la racine du bras,
qui font vn anglet agu, aupres duquel
on voit vne petite croix, promettent
vne souueraine tranquillité de vie, & tout
le temps de sa vie sera ioyeux celuy
aura des signes & montera succes-
siuement aux honneurs & dignitez,
Et neantmoins si celle croix de faut, el-



le predict la succession en plusieurs heritages. Si la croix où quelque petite estoille y est, celuy homme n'aura faute de chose aucune durant sa vie. Et si nous trouuons deux lignes en la retraincte estre plus larges, & vne plus bas estant deliée & menée, c'est signe de richesses,



iusques à la moitié de son àage, & aussi d'honneurs, qui diminueront de iour en iour, puis apres par le demeurant de son àage. Et si deux petites lignes d'icelles meismes naissent comme se sou-

stenants & nourrissants l'une l'autre, & que aucunes autres lignes montent droitement par la palme, iusques à la ligne



Naturelle, ce sera grande innocence: & denotte aussi celuy homme estre de bonne conscience, par lesquelles choses il paruiendra aux richesses, & sera heureux en prosperité: & si luy promettent à la fin aussi son desir. Toutesfois ces choses aduiendront moins, si celle ligne est montant tortuë. Si deux lignes prennent

leur origine de la restraincte, parla palme de la main, vers le mont du Soleil, qu'aussi est dit Annulaire, & vont iusques là: & si celle mesme montaigne est trenchée de deux lignes de trauers, cela signifie que l'homme se melle de grands affaires, & aussi qu'il sera commis & ordonné pour parfaire & exercer les offices Royaux, dont il aura honneurs & richesses. Si en la restrainctes de la mains est trouuée vne grosse ligne & puis vne autre plus subtile & menuë, & de rechef vne tierce plus grosse & plus profonde, elles signifient que l'homme abondera en richesses en son premier àge, mais il sera moins heureux & plus pauvre, au milieu de son àge, & en son tiers àge il recouvrera tout ce qu'il aura au parauant perdu, & viura augmentant tousiours: & accroissant honneurs & richesses, en bonne tranquillité.



Si deux lignes tortuës montent au mont de Iupiter, & dessus la premiere ioincture d'iceluy mont deux autres lignes apparçoissent au trauers, elles denotent pelerinages & voyages loin tains: par le moyen desquelles peregrinations on paruiendra à honneurs, & augmentations par biens domestiques. Et si ces lignes passent iusques au doigt de Mercure, & que celuy ait la main decouppée, il sera hōme propice & conuenable à beaucoup de choses, mais il

n'assemblera pas beaucoup de biens. Et si lesdites lignes vont iusques au doigt de Saturne, chose pire on ne pourroit trouuer car, auarice, conuoitise de trop grandes choses, & enuie du bien & prosperité d'autrui rauront tousiours son courage à choses tres-mauuaises.

Du Triangle de la main.

Chap. vi.



Etrois lignes est fait le triangle en la main, c'est à sçauoir de celle de vie de la moyenne naturelle, & du foye où estomach, & sont ainsi disposées, qu'elles monstrent la forme & figure d'un triangle. L'espace qui est entre ces lignes enclos, est diuisé en trois parties, qui sont ces trois an-

glets: desquels anglets le premier est ordonné (comme cy dessus auons dit) de la ligne de vie, & moyenne naturelle: & est nommé liberté, l'anglet supreme, où le plus haut. Il y en a aussi vn autre qui se faict de ligne de vie & du soustenement où pied du triangle, & est dit & nommé anglet fenestre. Or le Triangle des esgaux anglets, ayans belles lignes & de bonnes couleurs, resplandissantes & droites, signifie bonne qualité du corps & auoir bonne santé, & pensée asseuree: & en outre monstre grande renommee & bon bruiet qu'on a parmy les gens & longueur de la vie. Lequel triangle estant au contraire par lignes obscures & inegales & qui ne rapportent point de triangle bien cler, est signe que totalement iuger au contraire. Si l'espace de ce triangle est large & apparoissant, il denote le courage liberal, magnifique & audacieux. Et au cōtraire s'il est estroit court, c'est signe d'auarice,

de chicheté, de peur & craincte. Si le-
dict espace dedans le triangle est passe,
tirant à couleur de plomb, il signifie à
l'homme souuent se courouer & estre
trompeur. Et si vne partie de ce trian-
gle est trenchée par ride où plis, il deno-
te mauuaise qualité du corps. L'anglet
supresme est diuisé en trois parties, de-
puis la ligne de vie, iusques à la moyen-
ne naturelle. Premièrement icelle pal-
me de la main, quasi au droit de celle
vallée, qui est entre les deux monts du
doigt Indice & du moyen. Parquoy
nous disons celuy qui l'a communement
menera pauvre vie, endurera calamité &
misere, & estre captif, ayant l'entende-
ment en angoisses & plein de solici-
tude, & auaricieux, ne desirant qu'a-
masser argent. Secondement si ce-
luy anglet est agu & bien clos sur
le milieu du mont du doigt Indi-
ce, il signifie tres-bonne nature estre
à l'homme, & bon entendement, &

subtil bonne qualité & complexion,
bonne aduentures de fortune, innocen-
ce de mœurs, & toutes choses plus par-
faictes d'autant plus que l'anglet sera
clos estroictement. Tiercement s'il est
de telle sorte que les deux lignes ne
soyent ensemblement cōioinctes mais
y soit aucune espace entre deux delaif-
sé, c'est signe que l'homme est auari-
cieux, plaissant à soy mesmes, meschant,
difficile à contenter, mesdisant, cruel
& mensonger, & viuant sans meriter
louenge aucune. Lequel homme s'il
vient quelquesfois en seruitude où ca-
ptiuité, iamais n'en sortira franc: &
combien qu'il deuint franc, neantmoins
il mourra miserablement. Celuy espace
enclos du triangle s'il est fort dur,
il signifie le courroux de l'homme sa
finesse & malice, aussi les tromperies.
S'il est aspre de rides & plis, il signifie en-
uie & marriesson qu'on à du bien d'au-
truy, embusches, espie & cōtradictions.

Quand aucune ligne apparoiſtra entre ces deux, ſi pres qu'elle touche l'une & l'autre & deſcende au Triangle, elle ſignifice que l'homme mourra par poiſon, ou par quelque bleſſure & batterie. Auſſi quand quatre lignes ſ'entrecouppans elles meſmes à la façon d'une croix ſont trouuées en ce luy meſme eſpace ſuperieur, elles denotent enuie, detraction, eſpie, & le courage & intention d'opprimer & accabler les autres. Certainement ces deux lignes bien conioinctes & agus, demonſtrent la bonté de tout l'homme. Si elles ſe couplent brieuement vers le coſté du doigt de Saturne, ou creux de la main, faiſant là un anglet, c'eſt ſigne de grande effuſion de ſang, en diuerſes manieres de playes de teſte, de flux de ventre. Et ſi cecy appert aux femmes, c'eſt ſigne de de continuel flux menſtrual, ou auſſi de peril en leur enſeſtemēt. Si aucune figure, à la forme d'une eſtoille apparoit au triangle,

angle,

angle, cela demonstre la fême estre adul-
tere & qui à abandonné la chasteté: & est
si fort pleine de couroux & de rage, qu'el-
le viendra à se vouloir tuer elle mesme,
pour cause de son grand couroux, qui ne
se peut refrener ny appaiser. Et si vne
estaille aparoit en ce mesme lieu, laissant
d'elle vne longue fente, comme on peut
voir en la figure suiuiante, la fême qui aura
ce signe, aura quatre maris. Neantmoins
le prudēt chiromancien où deuin doit
noter si la femme est de tel àage, qui cela
puisse porter: car nous prenons fort de



choses de nous mesmes en ce present cas
& affaire. Et si en celle mesme espace
apert vne croix sans aucune incision, ce-
la signifie bonne chose tant à l'homme
qu'à la femme, car ceux qui ont ce signe,
mourront en bonne renommée, apres
auoir vescu heureusement: mais si l'an-
glet dextre est fort agu, cela denote l'hô-
me bien diligent & preuoyant à ses affai-
res, & chiche aussi. Et s'il est gros & obs-
cur, c'est signe de rusticité, ignorance,
paresse, & de long dormir. Si l'anglet se-
nestre est agu, il denote l'homme grand
parleur, & moqueur: neantmoins il est
subtil & industrieux. Et ainsi le cuide.
Et si le plus haut anglet n'est point agu,
& que l'on trouue aucun signe à la ma-
niere du caractere de Saturne en ce mes-
me lieu, c'est signe de mauuaise nature,
vrayement Saturnienne, ainsi qu'il ap-
pert euidentement au Triangle soub-
scrit.



Quand aucun à
les doigts de telle
maniere faits que
chacun artoil ait
les nœuds où en-
tre deux, comme
si c'estoyent ver-
ruës où petites
enflures tortuës,
apparentes ine-

gales, c'est signe que l'homme sera pau-
vre, & viura en trauail & misere. Et si on
trouue aucune principale & euidente
tortuosité en la superieure partie, c'est à
sçauoir au tiers de chacune main, c'est
signe d'enuie du bien d'autry, de trom-
perie de malice, & totalement de mau-
uais courage. Et croy que l'hôme qui à tel-
le marque viura mal'heureusemēt & mi-
serablemēt & en pauureté. Mais le Trian-
gle lequel est trouué en la main, tant és
hômes que fêmes, promet quelq; cho-

se de bon. Auquel triangles, si en forme
d'une estoille est trouué quelque signe à
la femme, elle sera adultere marice &
paillarde. Elle porte mauuais signe, aussi
à l'homme. Et si autour de l'onglet dex-
tre est trouuée en la main de l'homme
vne estoille ressemblant fort le naturel,
& euidente, c'est signe que celuy qui l'a
est desloyal, plein de troubles de cœur
mesdisent des autres, grand parleur, lar-
ron faisant toutes choses contre droict
& raison rauisseur, & s'encline tou-
siours à faire mal parce qu'il est sca-
uant en meschancetez, & mourra quel-
que iour meschamment. Les petits ra-
meaux qui apparoissent au commence-
ment de la ligne de Vie, où de la Mensa-
le, signifient accroissement de la chose
familier & abondance de biens.



Si l'estoille que
i'ay dit est trouuée
dedans le triangle
de la main de la
femme, delaisant
d'elle aucune fen-
te où petite verge,
elle luy denote
auoir plusieurs
maris, toutes-fois

& quantes que deux lignes du haut An-
glet sont distantes l'une de l'autre, y
estant entremis aucune espace, c'est vn
mauuais signe, comme i'ay dict cy-de-
uant. Quatre lignes qui s'entretrenchent
en forme de croix en l'espace de l'anglet
superieur, signifient l'homme estre mes-
disant, enuieux d'autrui ayant mauuais
bruiet & meschante renommée. En
apres la figure semblant le carractere &
marque de Saturne, denonce à l'hom-
me mauuaise fin. Mais la ligne men-

F iij

sale ainsi formée que tu vois, denote l'homme estre mal-heureux & gourmands en friandise. Si aucune apparoit au dict triangle d'en haut où d'embas, à la forme d'une fourche, elle monstre l'homme inconstant, & adonné à pail-
lardise.

Du Quadrangle.

Chap. vij.

Celuy espace est appelé Quadrangle qui est entre la ligne Mensale, & la moyenne naturelle. Si donc les incisions du Quadrangle sont de viue & luy-fante couleur, elles signifient bonne raison & equité, & bon gouvernement de vie. Qui les aura au contraire, sera iniuste, irraisonnable, & mauuais comme i'estime. C'est espace est large & estendu en vn homme liberal, de grand cœur & courage. Celuy qui

à en ce lieu dedans la main, vne Croix
clerement apparente, sera fortuné, &
bien heureux à accroistre les reuenuz
& les rentes de l'Eglise: & d'autant
plus sera cela, si telle figure doublée où
triplée est à la forme de treillis où
cleres voyes. Si aucunes lignes ou in-
cisures trenchent ceste figure à trauers



où bien si celle croix est tortuë, cela
trouble & diuertist l'effect, car lors
viennent toutes choses au con-
traire: il est ainsi selon mon opinion.
S'il appert en ce lieu vne estoille, ie

F iij

coniecture l'homme estre courageux,
iuste non feint, vray & de tresbõne con-
science & qui par contrariet  de fortune
estant venu quelquesfois   pauveret  &
defaut des choses, fera de rechef par sa
vertu remont . Neantmoins ie trouue
qu'il aymera les femmes, & sera feminin,
quelquesfois   cause d'icelles aura mau-
uais bruit & ren m e. Aucunes fois tou-
te celle ligne qui est appell e la Mensale,
ou table de la main, defaut. Mais la ligne
Mensale ensemblement courant avec la
naturelle, & commen ant en triangle,
signifie les embusches de plusieurs, &
aussi qu'on espanchera du sang. Et si   la
fin de la Menle ou table, est trouu  au-
pres de la percussion de la main vne croix
manifeste, c'est signe que l'homme fera
plusieurs pelerinages, & diuerses
mutation de lieux, mais il y aura
bonne fortune. Toutesfois & quan-
tes que ces deux lignes qui con-
stituent & font la Table sont beau-

coup distantes l'une de l'autre, estant laissée vn tres-large espace, c'est signe de chaleur superflüe, & humeurs mal temperéz au corps de celuy homme. Et au contraire, toutes & quantes fois que celuy champ sera estroitement clos en la main, il signifiera l'homme auaricieux, & trop conuoiteux d'argent, cruel & furieux. Or c'est assez parlé des principales lignes & incisions de la main, & des parties qui sont dedans icelle main. Nous dirons maintenant des enflures des doigts, & d'iceux doigts aussi, & des lieux & statiós des Planettes, & des choses qui pourroient suruenir.

Nous auons exposé au chapitre que signifie ces carracteres, de la ligne, où les croix en la table de la main, & au Quadrangle. L'estoille mise au milieu de la table de la main, demonstre l'homme estre amateur de tout bien & equité, & pour ceste cause sera digne d'honneur & reuerence, & aura maintes dignitez. Il sera notoire à

ceux auxquels tremblent les mains par nature, (car à plusieurs aduient ce tremblement d'aventure, aucuns par maladie) sont gens querelleux, subiects a couroux, meschans & yurognes.

Des montaignes des doigts, & premierement du mont dupoulce, qui par les anciens est nommé le mont de Venus.

Chap. viij



A Pres auoir assez dit des principales lignes de la main, maintenāt il nous faut escrire des lignes particulieres des doigt, & de leurs mōtaignes aussi, & declarer leurs significations, en y adioustant la nature de sept Planettes, & commēt il

est licite de cognoistre entre eux qu'elle chose conuient, ou au contraire qu'elle chose nuyse, en peril & danger. La montaigne du poulce, est celle enflure qui passe en la naissance de la ligne de Vie descendant à la reſtainte de la main, & est appellée la montaigne de Venus. Laquelle estant douce sans auoir aucunes rides où incisions, où bien peu & soit de viue où rouge couleur, signifie bonne qualité du corps, & demonstre celuy qui à ces signes, estre amoureux des femmes, & qu'il ayme les beaux habillemens, & les choses qui sont nettes. Et si en ceste montaigne s'estend vne autre ligne plus petites pres de celle de Vie, droitement deuoluë de laquelle pour cela est appellée la sœur de la ligne de Vie, c'est signe que l'homme se delecte en choses lubriques veneriennes. Aussi quand celle sœur de la ligne de Vie est plus longue, sans estre rompuë incontinent, mais ensuyue tout

au long la ligne de vie, celle denote richesses perpetuelles. Et si ladite ne commence incontinent au commencement & lieu plus haut du Mont, mais bien au milieu où non pas loing du bas, elle signifie faute de biens & pauureté au premier àage de l'homme: mais aux autres àages suyuant abondance & richesses. Aucunesfois il y a en ladite enflure quatre lignes, en egal interuale, estendues depuis le haut du Mont, iusques à la restraincte, lesquelles promettent richesses & honneurs, incontinent au premier àage. Lesquelles lignes si elles ne sortent où naissent du plus haut Mont, mais de la ioincture du poulce, elles denotent ces mesmes aduentures à aduenir mais plus tard par aduenture, où tard totalement, & en la derniere vieillesse. Si lesdictes lignes coupent le dernier article du poulce vn peu plus bas que n'est l'ongle, où qu'elles soyent bien pres & ioignantes de ceste ioinctu-

re, cela denote richesses, & honneurs de
tant plus que lesdictes lignes seront
tressongues, cleres & luyfantes. Mais
au contraire de tant plus qu'elles sont
obscures, d'autant plus elles diminuent
les biens. Aussi on dict qu'elles signi-
fient Empire par ces aduentures, quand
aucunes autres lignes allant au contraire
entrerompent lesdites quatre lignes,
Souuentesfois va aucune prime & me-
nuë incision du plus haut du mont du
poulce, tirant vers la ligne de vie, laquel-
le signifie que l'homme sera tué de fer.
Il y a aucunes autres lignes luyfantes &
& sortans pres du doigt indicatif, les-
quelles trenchans la ligne de vie,
demonstrent fort de pelerinages, &
& longs voyages, par les diuerfes re-
gions du monde. En aucuns hommes
es lignes nees en ce mesme lieu, vont
à la ligne du cœur où de vie, ou celle
la est née, laquelle chose est signe de
gens qui se vantent, & sont ambitieux:

& ont abondance de plaisirs desordonnez tant d'habits que d'autres choses. Et autres signes aucune ligne rouge en ce mesme lieu passe la montaigne du poulice laquelle signifie assemblement charnel illicite faict avec parente, où alliée. Neantmoins ie ne dis pas que l'on doive adiouster foy à cestuy art, en sorte qu'on croye que par le seul regard de la main, on puisse cognoistre ces choses. Mais quand ie dy aucun auoir compagnie charnelle avec ses parentes, il faut ainsi entendre que l'homme est si ardent de luxure & si meschant & corrompu, que il ne faut aucunement esperer, qu'il se puisse abstenir de ses parentes & alliées: Certes il ne se peut faire, que telles choses soient parfaictement & clerement congneües, mais il est licite la penser par coniecture. A laquelle chose beaucoup sert regarder l'homme, & le contempler totalement, afin qu'on voye comme routes cho-

ses conuiennent & s'accordent entre elles, & que par tel ayde il demonstre l'occulte nature de l'homme, & le sort où fortune de la vie à aduenir. Laquelle chose estant vne vne fois dict en ce lieu, faut observer en tous autres. Ceux qui ont de petites estoilles en ce mont, sont de toutes mœurs & ioyeuse vie, & entremellent leurs ieux, s'eslouyffans de sons de la Musique. Et ceste Region où costé est de Venus, de laquelle est ceste estude, & souuent ceux qui ont ces mœurs, ont ceste montaigne trenchée de plusieurs petite coupeures, & lignes, mais elles sont claires. Lesquelles si vostre magnificéce a apperceuës tres-doux & tres-benin Prince, & pere, il faudra regarder le visage de celuy homme, & verrez souuent vn qui est de couleur blanche, ayant le corps bien Proprement disposé, auoir les yeux noirs & tres-luyfans, & ayans bonne grace ioyeux regard, belle bouche, & du tout

lubrique & à beau, à ceste cause fol-
lastrant sans mesure, & addonné à volu-
ptez, & somptuositez d'habits, & estant
enflambé de paillardise, se delecte aux
ieux de hazard incessamment, iouuant,
dansant, se delectant aux fleurs, roses &
& senteurs, & desirant toutes choses de-
lectables, aymant principalement tou-
tes sortes d'habits pour se vestir, conuoit-
tant or, argent, & pierres precieuses sou-
uent riant, aymant parolles outrageuses,
frequentant longneusement les ban-
quets & yurongneries, estant paillard,
yurongne, somptueux demandeur ef-
fronté, frequentant les femmes, & tres-
adonné à paillardise, & choses luxurieu-
ses, estant fort prompt & conuenable à
apprendre les sciences propres, & qui
conuiennent à ceste nature mais pour
apprendre autres choses, il à l'esprit lourd
& tardif, & l'entendement gros &
hebeté. Il croit de leger & est facile à de-
cevoir, noble iuste, doux misericor-
dieux.

dieux, pitoyable, de bonne nature, & sans malice, aymant Dieu, gardant amitié inuiolablement, & aussi fidelité, qui ayme fort la musique, & ne se soucie, des choses de grande importance, qui prend plaisir aux tableaux peints, & aussi luy mesme point, & est attiré & espris de la beauté & inuention des statuës & imagination, lesquelles aussi il sçait faire, & tousiours est heureux en telles & semblables choses, mais aux autres contraire aux precedentes, il est mal-heureux. Qui a grand bruit & renommée, bien peu de bien, n'ayant aucune conuoitise de biens, ny auaricieux. Amyable & attrayant les autres à son amour, resiouyssant les autres, remply de passe-temps aymant volupté & estant adonné à delices esbas & dissolutions. Qui ne peut bonnement estre esmeu par aucune chose, aussi affaire quelconque tant soit difficile où estrange ne le peut troubler, où mettre en soucy, n'e-

G

stant aucunement pensif, se contentant
des choses qu'il à, & iettant arriere soy
toutes tristesse, & fascheries. Et à brief-
uement parler qui vit en tel sorte, il
meurt tellement. Et n'est la nature, de
l'homme plus à considerer en ces choses,
qu'en toutes les autres, car cela ne vient
pas seulement par le regard de la main,
mais de la comtemplation de toute la
disposition & estat du corps. Parquoy
cela que nous auons icy exposé d'un
seul, pourra estre pour exemple de tous.
D'auantage ceux qui ont en la montai-
gne du poulce plusieurs lignes & fentes,
sans ordre ny iuste espace, mais ça & la
dispersée diuerfement, sont luxurieux,
meschans pleins d'amertume quelque-
fois, noyseux, & sont facilement noy-
ses avec les femmes & sont fascheux &
difficiles à seruir. Et combien qu'ils sont
si enflambez de Luxure que ils ne peu-
uent estre saoulez par laquelle chose ils
cherchent moyens nouueaux de luxure,

non vſitez, & ſemblables à Monſtres
neantmoins ils ne ſont de conuerſation
ioyeuſe, ny douce. Ils ne ſe ſoucient
d'aucune ſcience, ny de ſçauoir aucun
bons enſeignemens, mais ils ſont plus
capables des autres choſes, & ſont gen-
tiement les choſes qui ſe font le matin.
Et ſi inuentent ſongneuſement toutes
choſes ſuperbes & diſſoluës. De laquelle
choſe la raiſon eſt telle comme il m'eſt
aduſ, ceſt, que ceux qui ſont tels & ont
ainſi la main coaptée & propre, leur ge-
niture demonſtre Venus eſtre en la ſi-
xiefme, ou huictiefme maiſon. Or vois
tu donc, comme le arts ſont annexez
l'un avec l'autre, & que Chiromance &
Aſtrologie ſont ſi n'ayues, qu'elles ne
peuent bonnement eſtre apprinfes l'un
ne ſans l'autre, comme nous dirons plus
amplement.



Quand aucune petite fente environne le poulce à la maniere d'un anneau, pres de la premiere ioincture en sorte qu'elle environne & enferme tout, c'est signe (comme plusieurs afferment) que celui qui a ce signe sera pendu. Laquelle chose j'ay trouué vraye en quelqu'un, mais quand j'ay eu regardé la main de plusieurs qu'on menoit pendre, & puis ny trouuant ce signe j'ay l'aissé ce cas pour incertain. Ceux qui ont le poulce trencé de trois où quatre sections au large sous la premiere ioincture, ie dis que des leur ieunesse ils seront augmentez d'honneurs & richesses. Mais si le signe est au dessus, d'icelle ioincture, les choses susdi-

Et es aduendront en plus haut àage: & finalement en vieillesse, quand ces incisions sont pres de la seconde iointure. Si aucune femme à le poulce marqué au dessus, ainsi qu'il est peinct au second, elle fera mauuaise, cauteleuse, pleine de tromperie, & faut euitier sa compagnie. Ceste femme qui au millieu du mont de Venus aura telle marque O, elle sera adonnée à paillardise, mal complexionnée, paillarde mariée, offrant son corps, à tous grandement immodéré & fort excessiue & insatiable de paillarder. Si vne femme mariée a trois petites lignes au poulce, lesquelles trauersent la premiere ioincture par interuale, peu inegale, c'est signe quelle sera blessée où tuée par son propre mary.

La femme qui à plusieurs petites croix sous la seconde iointure du poulce, rendra euidemment le deuoir à Dieu, & à ses pere & mere, & sera tres-deuote, d'auantage cel-

le qui a seulement deux notes de ceste maniere, sera noyseuse, & desloyalle, & si elle à aussi en ce mesme lieu plusieurs petis rameaux c'est signe qu'elle parle trop, & frappel vn & poulce l'autre, est effrontée & iniurieuse.

*Du mont du doigt Indice, & de celuy
doigt & des Iouialistes
Chap. xj.*



I Vpiter entre toutes les Planettes, est le plus doux, liberal & bien faisant, & à son lieu en la main, en l'ensure, où mont qui est sous le doigt demonstratif. Dont si tu le vois manifestement vny, dy franche-

ment, que cela signifie honnesteté de vie, & bonté de nature. Et d'autant plus si de ce doigt aucunes petites & quelque peu obscures lignes vont en avant, & principalement quand elles ne sont pas fort distantes l'une de l'autre: alors elles apportent signification d'auoir honneurs & dignitez des Princes. Aucuns ont affermé cecy plus hardiment, disans qu'il aura autant de dignitez & degrez ecclesiastiques qu'il y a en ce lieu de lignes, si en la main d'aucuns est trouuée aucune droicte & clere ligne née & sortant de la racine du doigt Index, & se mouuant & trauersant, de la Moyenne naturelle à l'anglet du mont d'icelle naturelle, c'est vn signe que ceux qui auront telle marque, seront courageux, appetans bon renom, & bruit & vaillans combatans. D'auantages aucune petite ligne allant de la Mensale à la montaigne de l'Indice denote celle mesme chose. Et si aucunes traVERSE és lignes

G iij

entrecouperont celsdictes inficions, c'est
signe que celuy qui aura ce signe, aura la
teste blessée. Bien souuent aucune ligne
separe le doigt demonstrent du moyen
laquelle ligne est fort clere & rouge, &
demonstre les imperfections & les vices
des boyaux, & leur foyblesse & debilité
és hommes, car les femmes qui ont telle
marque sont en danger de mourir en en-
fantement, & d'autant plus quand la
femme rougit fort. On dict celuy de-
voir mourir par force, duquel en main
naist, vne ligne du fin de la Mensale, &
va droit au mont de Iupiter. D'auanta-
ge aucunes croix apparentes en la mon-
tagne de Iupiter, signifient augmenta-
tions d'honneurs, & accroissemens de
dignitez, & en tel nombre de de-
grez, qu'il y aura de lignes & si a
souuent esté trouué que tous ceux
qui ont tels signes ont en plusieurs
prestrises, & autre dignitez ecclesia-
stiques. Or ceux qui sont marquez en

celle maniere sont appelez ioyaux principalement, ceux lesquels vident souuent des bons heurs de fortune. Ils ont le corps petit, mais sont de forme tres-agreable, plaissant, de couleur blanche, de cheueux crespus, ayant beaux yeux, clers, & adonnez à ioye & liesse. Et si sont de ceste nature, ils sont de grand courage, & sont orgueilleux desirans grandes choses, & donnent plus qu'ils n'ont de reuenu, ils conuoient de regner où commander aux autres, ils sont occupez és choses grandes, & impatiens des choses basses & de peu destime, ils mesprisent mediocrité ils sont honnestes nobles, & conuoiteux de gloire, & de bonne renommé, aucunes fois ioyeux, adonnez à plaisir & deléctations. Souuent aussi ils sont orgueilleux & enflez du vent de gloire propres à grandes affaires, & desirent à conuoiter les dignitez Royales ayant bonne opinion touchant la Foy, studieux d'a-

querir amys, simples & allans à la bonne foy & ayant eu horreur & desdain les tromperies, desirans la paix, bons en toutes choses & adonnez grandement à Sapiance tousiours munis de sagesse, de civile prudence, & de conseil, & sont eloquens. Leur marcher n'est trop tardif, ny trop subit. Et la promettent auoir constance & fermeté d'entendement, il n'y à aucuns entre les hommes, qui soient plus heureux, ne qui plustost iouyssent de leur vueil & soubhait. Et principalement leur aduient qu'il sont aduoüez & soustenuz des grands seigneurs & sont recommandez & en estime, par le tesmoignage des grans Princes. Ils ayment leurs enfans, & sont charitables enuers les leurs. Ils sont fortunez en heritages & successions où enfans. En outre Iupiter fait les subiects desirer les viandes desordonnement à ceste cause ils ont souuent douleur d'estomach, & de foye: car

l'exces du vin & superfluité des viandes
empeschent leur bonne santé, & autre-
ment ils font de plus longue vie, s'ils
s'abstiennent de trop manger. Tu ne
trouueras gueres vn homme louial, qui
n'ait la voix clere & les deux dents d'en-
haut fort apparentes, & sortent tost de
l'aage de puberté. Ces choses sont dictes
en general, de ceux qui sont nez sous lu-
piter, & desquels il est seigneur sans au-
cune autre mauuaise planette.



Si quelque femme à plusieurs lignes al-

lans de trauers & en large, à la derniere
iointure du doigt Indice, pres la main
on dict que grands heritages luy escher-
ront par la mort de les prochains parens.
Et si elle à lescrites lignes en l'article du
milieu elle sera enuieuse, menteresse &
trompeuse. Et si par ces mesmes signes,
elle à la montagne de Iupiter trenchée,
cela denote qu'elle se courouce facile-
ment, & est tres-difficile à seruir & noi-
sue. Cecy à esté desia experimenté,
qu'elle aura grand nombre d'enfans si
elle à en l'article du milieu trois cleres li-
gnes descendans selon la longueur du
doigt desquelles lignes la premiere est
courte, & d'un bout plus moucée où
sans pointe: & par lesquelles de trauers
& du large ont vne autre plus clere inci-
sion, & deux plus obscures & moins ap-
parentes, qui n'attouchent point cel-
le premiere courte: Les femmes qui
ont petites estoilles avec vn demy cer-
cle en la montaigne de Iupiter, sont mes-

chantes & paillardes. Trois lignes se courbans de diuerse maniere quasi par pareil interualle, en large & l'extresme partie dedans la derniere ioincture, & trenchent le doigt Indice par le large, & denotent & signifient la meschanceté & vilennie de la femme. Et au contraire, si aucunes lignes trenchent au long l'article moyen d'aucune au milieu desquelles aucunesfois y à vne estoille, c'est signe de honte & chasteré. Celuy qui à vne Croix ou vne petite



estaille au mont de Iupiter, laquelle est clere & de couleur viue, combien qu'aucuns autres lignes ne les entretrenchent, où soient effacées par rides c'est signe certain

qu'il aura grans heritages, & abondances ri-

chesses, soit par ses parens où biens & re-
uenus d'Eglise. I'ay veu aucuns lasches
craintifs de petit courage, neantmoins
enuieux & pleins d'auarice, qui n'a-
uoient aucune ligne allant droit du
mont du doigt moyē à la restrainte. Les
autres disent que celuy qui à ceste ligne
trenchée en celle partie de la main, s'il est
en prison mis par accident où donné en
garde, il est en danger de la mort.



*Du mont du doigt Moyen, qui est de Sa-
turne & de celuy doigt, & des hom-
mes Saturniens.*

Chap. x.



NOus auons dit cy-deuant, le Moy-
en doigt de la main, estre donné
à Saturne en c'est art: & pour ceste cause
de luy estre ainsi nommé. Parquoy l'en-
flure qui est soubs luy, est nommée le
mont de Saturne. Et s'il est plein & eui-
dent, doux sans rides ny incisions,
il demonstre la simplessie de l'hom-
me, & qu'il sera labourieux, songneux,
& sans tromperie. Et si vne ligne

vient de la lingne Mensale, & trenche
ceste montaigne de Saturne, elle deno-
te l'homme merueilleusement soucieux,
& qui est iournellement en soucy, & se
consume de corps, & combien qu'il fa-
ce ces choses, neantmoins iamaïs où peu
souuent il ne s'enrichist. S'il y a en ce
lieu là plusieurs incisions de telle sorte,
cela signifie, viure en grãde pauureté &
chagrain, la vie fort laborieuse, empri-
sonnés & tourmens en icelles prisons.
Et quand aucune ligne se courbe depuis
la racine du doigt Annulaire, tendant
au mont de Saturne, ie dy que c'est si-
gne d'un qui est paresseux, endormy,
coüart, & se tenans assis sans faire rien:
d'auantage il est sot & niais, fol indis-
cret & leger, faisant les choses sans au-
cun iugement & à la volée, d'entende-
ment lourd, ayant la memoire & le sens
sot. On dit que la femme qui à plusieurs
lignes entre les doigts du Soleil & de
Saturne descendans en long; & si elle

en a

en à auffi pareillement, entre les autres
doigts du Soleil & de Mercure, elle est
conuenable à generation, & aura faci-
lement des enfans masles, mais ie n'en
ole rien acertener, ains veux qu'un
chacun sçache que ie ne peux iamais
trouuer aucune chose certaine de la li-
gnée des enfans, par l'art de Chiroman-
ce, & si l'ay voulu experimenter: mais
en cét endroict celle science à tant de-
ceu les inquisiteurs, & moy auffi, que
i'ay en mon recours aux autres choses.
l'ay soigneusement cecy experimenté,
que si aucunes lignes ou incisions sor-
tent des principales lignes de la main,
& vont droict au mont de Saturne,
l'homme sera de mauuaise sorte, &
meschante vie. On dict que si on voit
vne petite estoille ou vne croix en la
main de la femme, en la premiere
ioincture de ce doigt c'est signe qu'elle
sera sterile. Celuy qui a ceste montagne
tranchée de plusieurs fentes en diuer.

H

ser fortes, non, estant les mons des autres doigts incirez ny fendus, cela denote qu'il sera totalement Saturnien. Auquel lieu i'espere declarer l'estat & disposition de celle planette, & par laquelle disposition sont instruits & douez ceux qui sont nez sous son influence. Ils sont fort pasles, & n'ont point belle face, & en'regardant contre terre, aucunement cheminent tardiuement; & bellement. Ils sont maigres, & souuent courbez, sur le dos. La plus grand part sont de mauuaises mœurs. Car Saturne les faict malicieux, cauteleux, fins & de tromperies plein. Ils ayment estre seuls & viuent à eux-mesmes, & n'aydent aux autres, ny ne sont ententifs à leurs amys ils mangent peu. Ils boient vaillamment toutesfois ils mangent souuent, & aucunesfois ils sont gourmands. Ils n'ont aucun repos en leur Esprit, & iamaïs ne sont sans soucy & trauail ou molestations: Et ont en leur cœur des



durs & fascheuses pées tousiours im-
primans en leur entendement toutes
choses tristes & donnans crainte & peur
& si iamaïs ils n'ont leur esprit en liberté.
Communement ils demeurent pres
des estangs & marets. Ils vivent soüil-
lardement & falement en toutes leurs
choses & parlant fort tardiument, &
en peu de parolles. Bien souuent
aussi pour cause de leur continuelle
contemplation, ils ne peuvent ouyr
les autres. Ils sont naturellement

H ij

froids, & si sont foibles & debiles de
corps malades sentans le bouc, & ont
maladies en la teste, de sorte que le poil
& barbe leur tombe. Leur voix est basse
& enrouée, & ont la langue blessoyans
& empeschée: & sont enuieux sur les au-
tres. D'auantage ils sont perseuerans en
leur propos & deliberatiō plus que nuls
autres. A ceste cause ils hayssent mortel-
lement & perpetuellement ceux aus-
quels ils veulent mal, & aiment fort ceux
qu'il veulent aymer. Il ne pensent à au-
tre chose qu'à editer, planter les arbres,
labourer les champs, & encommencer
quelque chose qui puisse durer long-
temps. Ils n'ayment gueres les femmes,
& souuent ne vont à elles charnelle-
ment, à ceste cause ils meurent souuent
sans enfans. Ils ont les sens endormis,
& l'esprit gros & lourd. Et combien
qu'ils soient tels ils aiment si perseue-
remment liberté qu'ils la deffendent
opiniaistrement. Ils n'endurent de leurs

seigneurs & disent que seruir est le plus
grief des maux, & sont plus que tous
impatiens des Royaumes & seigneuries.
Ils ayment la couleur noire, à ceste cause
ils s'en vestent & habillent, & veulent
que toutes les choses qui sont autour
d'eux, soient teinctes en noir. Ils soup-
çonnent aysement & facilement crai-
gnent,

Ils ont aussi soing & esgard aux songes
& pensent toutes choses hautes, estre de
petite importance. C'est assez d'auoir
parlé des Saturniens, iusques icy. Et ou-
tre le signe imprimé en la seconde ioin-
cture, si c'est à vne femme, c'est bon si-
gne, & si c'est à vn homme cela denote
le contraire. La femme en la ioincture
de laquelle seront cinq ou six lignes à
part estenduës tout au long du doigt se-
parement, & auales, enfantera vn fils qui
fera Prestre. Celuy qui a vne estoille en
icelle ioincture de Saturne, sera tué ou
occis : ainsi quel'on dit.

De la montagne & du doigt annulaire,
& de la signification des Solaires.

Chapitre I I.



La montagne Annulaire est celle la-
quelle apparoit entre le doigt & la ligne
Mensale par aucun interuale & distan-
ce: Et est par les sçauans gens vulgaire-
ment appelée Solaire. Si aucunes peti-
tes lignes sont estenduës depuis la raci-
ne, iusques à la Mésale, icelles sont cho-
ses semblables que fait Mercure, selon le
dit des Astrologues, c'est à sçauoir
l'homme auoir bon entendement, &


adonné à diuerſes ſciences, preſump-
tueux, & eloquent avec grauité & avec
ce capables de dignitez, tant prophanes
que ſpirituelles. Et ſont aucunes fois di-
ſtantes eſgalement deux à deux, en for-
me de paralleles. Regarde la, à fin que
tu ne ſois deceu elle ne differe quaſi en
rien des premiers, ſinon qu'elle oſte la
parole & ſtyle de haut appareil, & don-
ne ſobrieté & honneſteté. Il aduient
autrement, quand autres lignes ſont me-
nées d'ailleurs en icelles, ou ſe tranchent
autrement, adonc on iuge au contrai-
re. Et ſi d'auenture elles ne touchent ny
tranchent ceſte-cy, c'eſt bonne choſe, &
ſigne que l'homme vaincra tous ſes en-
nemis & aduerſaires. Et ſi elles ne tou-
chent le doigt, ny ne ſont eſgalement
miſes de la Menſale, mais s'eſlongnent
à celuy doigt qui eſt aupres, ſelon Pal-
teration des lignes, c'eſt auſſi ſigne de
la mutation de l'eſtat & de la vie.

D'auantage ſi pluſieurs lignes rou-

H iiii

ges & deliées trauersent ledit Mont,
l'homme sera prudent & ioyeux. Mais si
elles sont tortues & rouges, elles demon-
strent les douleurs par lesquelles aucun
est de faict desia tourmenté & les passées
monstrent telles douleurs, mais desia
passées. Quand elles s'entrecranchent en
forme de Croix, qu'on appelle de saint
André, & s'estendent & sont tirées de la
Mentale par le mont du soleil à la pre-
miere ioincture, elle denotent l'homme
prudent conduisant sagement les affai-
res. Les folaires & les suiers du Soleil
ont beaux doigts : & est cela tres-cer-
tain signe, quand le doigt à plusieurs &
diuerles lignes. Il y a aussi vn autre si-
gne, c'est à sçauoir que deux lignes
tortués egales & paralleles, sont esten-
dués de la restrainctes. Et quand tu
verras cela en la main c'est signe de bon
heur : & mesmement d'acquisition de
de dignitez & des choses qui appar-
tiennent aux bonnes vertus : comme

science, prudence, & liberalité. Nous auons icy mis la figure, comme tu verras cy apres.



Si ensemblement couuēt aucunes petites lignes sus la premiere ioincture si c'est en la main d'une femme, cela denote semblable chose, aussi avec ce qu'elle sera enrichie par ses maris: & sera honorée.

D'avantage elle sera fort deuote, neantmoins, elle ne sera pas religieuse, ou monnesse.

Et si ces lignes sont en la seconde ioincture, elle sera tousiours en hōneur, mais ce sera entre ceux qui sont de sa qualité. Certainement tant aux hommes qu'aux femmes, ces choses denotent richesses, mais c'est mauvais signe si elles vont iusques au doigt Solaire.

Du mont du Doigt de Mercure, & de la
nature dudit Mercure.

Chapitre X I I.



Le mont auriculaire, ou pour mieux
dire, de Mercure, est entre le petit doigt,
& la ligne Menfale. C'est bon signe s'il
est bien vny & plat, non point entre-
meſlé de nerfs, ny auſſi couuert de li-
gnes ou plus coloré. Quand il est bien
purgé de verrures, d'ordures, & de nerfs,
conuenablement coloré, cela denote
l'homme eſtre de conſtant entende-
ment, & courage: Et en vne vierge il ſi-

signifie pureté & innocence. Si vn ligne prime sort de la Mensale, & qu'elle soit colorée & tendre diametralement à la racine du Mont, c'est signe de liberalité. Plusieurs autres semblables prenant leur origine entre la mensale & l'auriculaire, denotent autant de mariages, que la sont de lignes formées. Les Chiromanciens disent qu'il faut icy aduiser la longueur, brefueté, tenuité, ou petitesse, & couleur aussi. Les pâles lignes, signifient les nopces devant dictes, mais desia consumées, & faictes.

Celles qui sont tres-longues, & de tres-bonne couleur, signifient les mariages à aduenir. Il aduient souuent, qu'aucuns d'icelles sont plus grosses & rouges aussi: laquelle chose denote vn diseur de men-teries, mettant ce qui est dessus dessous, larron, rauisseur, & entaché de toutes sortes de pechez. Ce suffira quand aux lignes droictes & paralleles. Or si aucune est courbée ou cir-

culaire descendant ce mesme doigt & penchant au milieu, elle denote tres-noble bonté naturelle : dont on peut grandement esperer, d'estre propice & conuenable à toute fortune. Retiens cecy des femmes : S'il aduient à aucune auoir ces lignes petites & retorses, en la supérieure partie de L'auriculaire, comme aduient à plusieurs, c'est signe de la condition comme presque entre toutes les femmes. Et certes elle sont insolentes, caqueteuses, & inconstantes & variable : La phisionomie de tous hommes Mercurialistes & presque telle comme s'éluit. Leur couleur est moyenne entre blanc & noir, le front esleué la face ronde, beaux yeux, à la mode des chats, non pas totalement noirs, la barbe noire, & non druë, petit corps gresle, conuenable grandeur, tendres leures, le nez fort agu, la voix alaigre, & prompte & le mouuement leger. Et si tu veux aussi cecy predire de la Montai-

gne, le petit Mont est bigarré de plusieurs lignes droictes: Et celuy qui a ce signe, selon sa conuersation est d'entendement docile, aduantureux, gaillard, fidele, prompt à mentir, amateur des sectes, hayssant superstition, ne donnant ny attribuant pas grandes choses aux oracles, ny aux temples, & ny à art auquel il ne soit conuenable mesmement à la Geometrie. En somme c'est vn homme à tous vents, Docteur, Poete, Mathematique, scachant toutes langues, inquisiteur des grands secrets, Philosophie, prudent, modeste, & aucunesfois grand parleur, mais ne blasmant aucun estudiant aux Arts mechaniques lesquels sont les plus beaux & nets comme en peinctures, & telles choses semblable. Quant au maladies il sera vn peu plus infortuné & molesté des fauces visions, & phâtosmes, que nuls autres. Du regard des ioinctures & consideration d'icelle, faut noter ce qui s'ensuit.



Il y a certains caracteres, desquels si la figure du premier est trouuée en la premiere ioincture, c'est signe que l'homme est studieux, & principalement en la science de Rethorique, arrogant & presumptueux, seuer, despit, iniurieux, & effronté. Si l'autre est en la seconde ioincture, combien qu'il a dauantage en la figure que le premier, & en effect est comme le premier, toutesfois, cela denote vn tres-singulier prescheur. De-rechef, ce signe est tourné au contraire, l'homme sera tourmenté de diuerses

passions de songes espouventables, & de toutes choses qui sont de mauuaise fantosmes. Aussi quand on trouue en la tierce ioincture vne croix, c'est signe de pauureté faute de boire & manger & de necessité. Assez est dit de Mercure, mais plus au long sont ces choses en la figure, laquelle si n'est si ample qu'elle puisse comprendre tous les signes, neantmoins nous auons rasché d'y mettre les meilleures choses, car qui est celuy qui pourroit comprendre en vn tant petit espace, de si diuerses lignes, & de tant de vains & menteurs esprits: Toutesfois nous n'auons laissé aucune chose à mettre dans les reigles, qu'il nous ait semblé necessaire.

Du Base & fondement du Triangle &
de ceux lesquels la Lune gouuerne.

Chapitre XIII.



Auant toutes choses faut expliquer
& dire que c'est les Chiromanciens ap-
pellent Triangulaire Base: C'est cela que
communement on dict la ligue du
foye & de l'estomach, laquelle est en-
due de la ligne de vie, atouchant la
Moyenne ligne naturelle, Lesquelles
ioinctes ensemble, sont vn Triangle,
pourueu qu'aucune chose ne soit con-
traire

traire à la natiuité. Et combien que ie ſçache que ceſte ligne ou baſe n'eſt point d'aucuns remembrée pour ce qu'elle n'eſt pas touſiours ſemblable à loy-meſme, ſi n'en voy-je point cauſe pourquoy ie la doiue laiſſer, qu'il a puis eſté trouué euidentement, qu'elle ne peut pas moins que toutes les autres: meſmement ſi elle parfaict l'anglet ſelon raiſon avec la moyenne naturelle, & la ligne de vie: car elle denote ſanté & ſaueté, non ſeulement du corps, mais auſſi de l'entendement. Et ſi elles ſe touchent, ou qu'elle ſoit obſcure, ou qu'elle ait autour d'elle aucune pointure, elle ne prognostique rien autrement de l'eſtomach, & du foye, c'eſt à ſçauoir, indigeſtion, morphée, colique ſpaſme, ſlegme reſtriction, ou dureré du ventre douleur de l'eſtomach, & de celles principalement ſi elle eſt pſale. Et ſi elle eſt bien couuerté de la peau, &

qu'elle soit rouge, & que celle rougeur tende plus vers la ligne naturelle, c'est signe de douleur de la teste. Et au contraire si celle rougeur se tourne vers la naturelle ligne, cela denote difficulté d'haleine, roux ethique puanteur & violence de la bouche. Or cecy est digne



de noter. Si tu vois au lieu de la Lune celle figure ronde O, combien que parauenture cecy te semble moquerie, neantmoins, c'est signe de la perdition d'un œil, & des deux

s'il y a telles nottes O, O. Cela n'est pas toutesfois si certainement, dit par les sçauants Docteurs que nous l'auons trouué plus que vray, & expérimenté par nostre mal mesmes. Semblablement faut noter cecy, si en mesme lieu

de la Lune, est trouuée vne petite estoile, c'est signe que l'homme est plein de meschanceté. Si tu veux bien sçauoir sa Phisiognominie ou nature, note que l'homme est blanc en la face avec vn peu de vermeille couleur, & à les sourcils conioincts, le visage & les maschoires enflées, les yeux inegaux & noiraistres, & par aduenture tels sont signez d'aucune petite note en la face. Celuy qui est tel fera de nul effect, paresseux, soit lasche à faire quelque chose, inconstant, fol & pauvre en son premier aage, & en la seconde plus riche vn peu : Et en la tierce derechef il sera miserable, insensé, malheureux, & fait pour cheminer perpetuellement à trauers le monde. Quant aux maladies, il est sujet au mal caduc, qu'on dit de sainct Iean, à paralisie, goutte caducque, & à le visage tors sinon que la Lune ait en la racine de la nauiuité, le Soleil ou Iupiter à elle propice & doux.

Du lieu de Mars & de la nature des
Martialistes.

Chapitre XIII.



Auant que de parler de Mars, il est
besoin de sçauoir pourquoy on l'a vou-
lu mettre en la palme de la main, en ce-
luy triangle qui est pres la ligne natu-
relle : mais nous le dirons ailleurs. Il
nous conuient maintenant parler des
lignes. Si dedans le Triangle il y a vn
autre Triangle formé, il faut iuger &
prognostiquer selon toutes les proprie-
tez des martiaux, & de tant plus qu'il



est grand, d'autant plus faut-il accroître le nombre des meschancetez principalement s'il est large & bien posé, & que la phisiognomie y accorde, laquelle ne faut mettre en arriere, principalement en cet affaire, combien que nous l'auons mis icy pour cela, afin qu'elle donne secours à la chiromance, car autrement ne peut estre fait que quelqu'un regarde si soigneusement toutes choses. Celuy qui se resiouyt du furnō de Mars, est de rouge couleur en la face: com-

me s'il estoit bruslé du Soleil, il a peu de chevelure, & crespes, petits yeux, le corps vn peu courbé, le regard ardent & felon. Il a le courage audacieux, auaricieux, trompeur, larron du public, rauisseur, infidelle, grand iaseur & baueur, eshonte, inconstant, variable, se courrouçant incontinent, noyseux, soupçonneux, impatient, homicide, grand vanteur, moqueur, pariure & falsificateur de toutes choses, lesquelles peuuent estre faulcées & sophistiquées, ou adulterées.

Conclusion & fin de l'Oeuure de Chiromance.



Out faire fin à nostre Chiromance, à celle fin que par ces trop longues paroles nous ne falchions le benin Lecteur, ou si nous auons touché c'est chose nayfement & bien declaré, nous auons faict ce que nous taschions faire, mais si nous auons

fait autrement, cela nous soit pardon-
né de ce que nous auons esté si hardy,
car certes c'est assez auoir voulu entre-
prendre grandes choses & hautes. A
bref dire, nous auons traicté toutes ces
choses en telle sorte, qu'il est permis à
tous ceux qui viendront apres nous, de
cueillir les espics. Et certes ie n'ay pas
voulu que ceste science fust si complete
qu'on y puisse ou doieue adiouster quel-
que cas. Et sera chose à nous tres-agrea-
ble, celuy qui corrigera ce que nous
auons fait pourueu qu'il amaine des
exemples & raisons plus approuuées, &
n'en ferons par ce moyen marriz:
Adieu.



PROGNOSTIQUE DE LA
Chiromance touchant les lieux
des sept Planettes.



Vtre les Caracteres & lignes, lesquels coustumierement sont dans les mains apparoissent & sont trouuées aucunesfois des notes stranges signifians grandes choses. Nous auons escrit en bref selon nostre coustume leur signification. Quand à la nature des signes nous auons parlé ailleurs, & dit lequel des Planettes est Seigneur de chacun. Or maintenant faisons l'experience & voyons quels signes sont suspects és Planettes. Je ne parle pas des signes qui sont és parties, mais de ceux qui sont aux doigts de la main, & notes ou marques de Planettes,

Du lieu de Mars.



Le lieu de Mars au Triangle. Si donc tu trouue là des signes faits en ceste maniere, c'est signe d'un Martial, & estranglé sera d'une corde. Les autres trois qui sont aupres de la table de la main, ils denotent presumption, opiniastreté & feuerité. Dauantage, denote dissipation de son patrimoine, oppression & greuance de ses parens & affins.



Venus tient le
poulce avec le mus-
cle qui pour cause
de s'attouchemēt
& voisinage, est
appellé le mont de
venus. Si dont tu
vois en la iointure
premiere vn tel si-
gnel'homme prof-

perera & sera heureux en toutes choses.
S'il est en la seconde ioincture, il sera
pauvre, s'il est aupres de l'ongle, ses en-
fans seront ladres. Et autrement, tou-
siours au lieu de Venus, il denote chose
venerienne, & auoir affaire avec sa pa-
rente, adultere batteur de sa propre fem-
me, & principalement si ces signes sont
veuz au monticule.

Du doigt de Iupiter.



Iupiter qui tient le doigt demonstra-
tif, à aussi des marques, signes, lesquels
nous auions mis cy dessus. S'ils sont en
la premiere ioincture, c'est signe d'adul-
tere : mais s'ils sont aux superieus, cela
denote richesses, mesmement en vieil-
lesse. Les autres le plus souuent ne pro-
noncent aucun mal à venir.



[Du doigt de Saturne.

Saturne le dernier de tous possède les
doigts du milieu, la ses signes & notes,
lesquelles nous auons ainsi marquez, &
monstrent l'homme estre Saturnique,
duquel tu as cogneu la nature en partie
par les choses deuant dictes, en partie
par les choses suivantes.

Du doigt du Soleil.



Au doigt Annulaire qui proprement
est dict du soleil, vne legitime pein-
te en ceste maniere, signifie longue vie,
& prospere. Toute autre chose appa-
roissante, denote malheur.

Du doigt de Mercure.



Le plus petit doigt est delegué à Mer-
cure, & avec ce entend briefuement
les Mercurialistes auoir certaines lignes
par lesquelles ils peuuent estre cogneuz
comme verrascy-apres. Or aucunes de-
notent les benefices ou offices, les autres
tristesses, melancolies & angoisses.

Du lieu de la Lune.



Le lieu de la Lune en la persecution
de la main, ou en l'autre muscle. Et de
là vient, que si les susdites lignes mon-
tent de la Restrainte, elles denotent
paresse. Et autrement, si elles sont au
lieu de Iuppiter, elles signifie l'homme
estre fol & lourdaut mesmement en
vne femme qui naturellement n'est pas
fort sage.



CONCLVSION ET FIN DE L'oeuvre.



Ecteur amiable, tu as icy en
 bref les signes de toutes les Pla-
 nettes, par lesquelles tu peux ap-
 prendre sans astrologie, à qu'elle
 planette vn chacun est sujet.
 Prends en gré ce petit labeur, &
 experimente les choses, & les essaye, afin que nous
 ne soyons veuz auoir travaillé en vain: Car nous
 auons seulement besoin de iugement. Le labeur
 est si petit, qu'en vne leçon ou deux tu pourras
 comprendre tout cest affaire.

PHYSIONOMIE



PHYSIOGNOMIE PAR LE
regard des membres de l'homme.

Fait par Iean de Indagine.

LIVRE DE VXiESME.

*Du iugement à faire par le regard
du Front.*

Chap. i.

POur ce que ie ne suis igno-
rant qu'on ne se doit au-
cunement fier au front de
l'homme, par ce dit ton qu'il
se change & muë à chacune affection ou
passiō Toutes fois on a obserué que plu-
sieurs ne peuuent estre mieux cogneuz

K

que par le front.

Et a esté obtenu enuers le commun que nous disons aucun auoir le front effronté, contre ceux qui ont osté, & perdu toute honte, veu que celle hôte n'est point regardée ny mieux cogneuë qu'au front, & aux yeux. Laquelle chose si nous accordons estre, ne peut en vain, ce qui est par prouerbe celebré & manifesté par propheties nestre point indecent, si nous commençons au front auât tous les autres membres. Or il y a difference entre le front, large & le front.

Et afin qu'il soit bien cogneu, nous declarons le tout briefuement.



Le front esleué en rond est grandement loué par aucuns, meismemēt quād il consonne bien à la teste, mais au contraire si celle rotondité occupe les apparences, & prominences des temples de visage & soit escheüelée, elle denote l'exellence de l'entendement, & conuoitisé d'honneur; & arrogance, avec toutes les chose que ont les magnanimes. La petite peau sans poil bien deliée & applanie, sinon au dessous du nez, denote l'homme qui n'est consacré ny dedié à dieu, trompeur & remply de courroux. S'il est ridé ou refrongné toutesfois enfoncé & baissant au milieu, c'est signe de cruauté, avec d'eux bonne vertus, c'est à sçauoir Magnanimite, qui est grand cœur & courage: & aussi esprit & entendement. Le front qui est tres-grand & rond sans poil, denote vn auentureux & menteur.

Le front fort long, & la face fort longue & petit menton, signifie cruauté & ty-

rannie. Le front confuz & meflé pour cause de la trop grande gresse du vilage, & demonstre l'homme estre inconstant, flegmatique, gras & de lourd esprit. Cecy sommairement & briefuement dit suffira quant à l'Astrologie.

Du iugement des fourcils.

Chap. I.



Es fourcils aussi ont esté mis en proverbe: tellement que ceux qui auoient les cressies dressées, & se vouloient esleuer sur les autres, ont esté nommez Supercilleux, c'est à dire graues & seueres qui n'est loing de la verité. Car s'ils sont pliez ensemble & durs, ou rouges, ils denotent l'homme eshonté, imprudent & enuieux. Les fourcils blancz demonstrent l'homme estre feminin, croyant de leger, & fol. Les

plus mauuais sourcils de tous, sont ceux qui sont assemblez & se touchent, lesquels denotent vn mal faisant, qui dient en seruage vn homme libre, ou blesseur de gens, & adonné aux arts magiques.

Laquelle chose i'ay veüe euidentement en ces vieilles forcieres, lesquelles estās menées pour les brusler au gibet, monstroient tels sourcilz. S'ils chatoüillent & titilent à aucuns, & se meuuent & agitent peu, c'est signe d'outrecuidance, & grand courage. Les plus veluz denotent l'homme simple allāt rondement & à la bonne foy.

Les sourcils plus mols & applanis, & qui se ressemblent, & ont le poil également noir, signifient moderée complexion, & bonté de l'homme.

Du iugement des yeux.

Chap. III.



Les yeux nous donnent à cognoistre
aussi la bonté ou mauuaistié, comme
tesmoigne Iesus-Christ nostre Sauueur
disant en son Euangile. Ton œil est il
mauuais pource que ie suis bon? Et en
vn autre lieu il dit aussi: Si ton œil est
simple, tout ton corps sera luyfant. Or
telle est la coniecture. Si tu vois aucun
qui a les yeux bien frais & aduenans, &
font veillans luyfans, ouures, beaux clers
moyens & non pas fort, ronds selon cel-

le proportion il faut mesurer l'entendement & esprit de l'homme sain.

Ceux ausquels ils sortent & pendent outre le pertuis (ce que l'on voit en peu de gens) à la mode des moyeux d'œufs, ils signifient l'homme tellement radoteur & refueur, gras ayant l'esprit gros & lourd, menfonger, paillard, paresseux, & simple, & semblablement quand ils sont larges, ou demonstreuise ouuertes. Et au contraire, quand ils sont profonds, ils denotent vn enuieux, maling, forgeur de meschancetez, qui se courrouce de leger, soupçonneux. Ceux qui les ont ferrez ou contrains & regardans comme ceux qui visēt au but, c'est signe de cruauté & tyrannie.

Qand ils flatissent & se tournent de leur gré deçà & là (comme font ceux qui ont perdu toute honte) c'est signe que l'homme est paillard, outrecuidé, inconstant, menteur.

Les pires de tous sont, s'ils sont iau-

K iij

natres, citrins, & fardez. Aucuns les ont distilans & rouges, & ne vient cela de nature, mais d'humidité de cerueau, & d'abondances des flegmes. Et vous suffise de ce que i'ay dict de ces choses.

Du iugement du Nez.

Chap. IIII.



Il y avn prouerbe du nez de la Licorne, contre ceux qui se moquent des autres. Et certainemēt ceux qui ont le nez crochu en bas, se moquent communemēt

des autres. Combien que les Persans
estiment grandement entre eux celuy
qui a le nez crochu & long ainsi cōme
l'auoit leur Roy Xerxes tant estimé, cō-
me tesmoignent les hystoires de Xeno-
phon & Plutarque: & iusques à present
iceux Persans ne dōnent à aucun la Roy-
auté, sinon à celuy qui a beau nez: com-
me de cella forme de Xerxes (qui cōme
lon dit) fut fort aduentureux, & coura-
geux. A ceste cause on dit que tous ceux
qui ont le nez long & crochu, sont moc-
queurs, de grand courage, affronteurs,
traistres, raiisseurs, & auaricieux. Cecy
est dict de ceux qui ont le nez recourbé
ou mouffe, cōme les aigles & les espre-
uiers. Ceux qui ont le nez courbé, & au
dessus ont vne petite leure s'abaissant vn
peu, sont declarez d'autre complexion.
Car ils sont liberaux, courageux, elo-
quens, magnanimes, & orgueilleux, sinō
quand leur hautesse du nez est aguisee,
& pointuë: car d'autant plus qu'elle est

poiutuë, d'autant plus est l'homme facile à se courroucer, seuer, rigoureux & ne voulant point à raison venir. Et certes, il y a tant de grande diuersité des visages, que l'on n'en peut bonnement faire aucune difference ny diuision, sinon par les nez, toutes-fois la plus grande difference est en la longueur, espaisseur, & curuité. Nous auons desia parlé des courbes.

Quand les Nez sont longs larges, & sortans es costez, ils denotent la pureté ou innocēce de l'entendement, & courage: mais à peine se peut abstenir de paillarder, & sera tousiours desirant luxure. L'espaisseur & largeur du nez, denote l'homme de lourd esprit, nyaiz hors du sens, mocqueur, trompeur, & conuoitant paillarder immoderément.

Le nez qui est large au milieu, & vn peu enfoncé, mais esleué en la sommité, pronostique l'homme mensonger, fier & arrogant, cruel, grand parleur, effronté,

qui ne se peu tenir de poucher l'un & frapper l'autre. Le nez long & partout rond denote l'homme ravisleur & par quelque fatale disposition, & celeste destinée prompt à mal. Il y a aussi difference par la couleur.

Car si le nez est de couleur plombée ou rouge ou entrelacée de rouges veines, ou petits poincts, c'est signed'un bon beuveur & yurongne, & qui a tousiours soif, ayant le foye chaud, dedié à luxure, & malade de la morphée. Et en passant nous nosterons cela des ieunes filz corrompues en leurs corps, si qu'elqu'un le desire sçauoir, car cela est principalemēt cogneu par le nez. Si le cartilage qui est au bout du nez se permet treneher & peut estre fendu avec le doigt c'est signe que l'enfant est corrompu & la fille aussi.

Il y a plusieurs autres signes, les-

quels ielaisse pour le present, car ils ne
seruiroient rien en ce cas cy.

De la physiognomie de la bouche, & de
ce qu'on doit diuiner en la
regardant.

Chap. v.



Nous exposerons soubz vne mesme
discretion la physiognomie de la Bou-
che & des leures. Or la bouche est ou
grande ou ouuerte. Celle qui est ou-
uerte comme ont communément
les Franconiens laffruz, signifie l'hom-
me estre audacieux, temeraire, im-

pudique, menteur, affronteur, superflu & excessif en toutes choses, bruyant & rail-
lard, & certes ie ne fus iamais deceu en ce
signe. Mais au contraire la bouche
estroicte denote l'homme secret, mo-
deste & posé, sobre, chaste, craintif & li-
beral. Quant à la puâteur de la bouche,
& haleine, aussi des dents, nous la delaif-
sons aux Medecins, par ce que cela par
eux est tres-amplement & diligemment
declaré. On a trouué par experiéce ce-
cy estre vray, que ceux qui ont les leures
menuës ou petites & deliées, sont elo-
quens & parlans beaucoup, iaseurs, bien
preuoyans les choses à venir, prudens &
ayans bon esprit & entendement. Ceux
qui ont les leures tresgrâdes, & ausquels
pend celles d'ébas, en sorte que les dets
apparoissent, sont lourdaux, estourdis,
gros, fots, auxquels on ne peut rien appré-
dre, meschans, ords, excessifs en toutes
choses, inconstans & mauuais.

De la phisionomie de la Langue
& des dents.

Chap. vi.



La langue est vn petit membre ;
mais iectant & euantant grandes cho-
ses : & estant mal incurable , pleine de
venin mortel : & d'autant plus pestilen-
cieux , qu'il ne peut estre assez cogneu
par la physionomie ny dailleurs. En
quelque sorte & maniere

que à icelle on prendra garde, on la trouuera bien peu constante, & semblable à elle sinon en tout ce qui appartient à begayer, & à eloquece. Pareillement la grosse langue faict begoyer l'homme, aussi faict celle qui est desmesurée & treslongue. Au contraire, ceux qui ont la langue meue, pointue, & polie comme celles de viperes serpens sont eloquens, fins, rusez & prudens combien que les Astrologues disent icy, n'aduenir le begayement ou blessoyement, par le vice & imperfection de la lague, mais de Mercure tourné & retrogardé. De laquelle chose nous parlerons en autre lieu. La raison est semblable des dêts. S'ils sont espois & en forme de chien, ils denotent par celle force, longue vie.

Certes ie ne voy point la raisõ pourquoy on se doie plus icy arrester. Car nous voyons des vieillards estans desia sur le bord de leur fosse, qui iamais n'eurent au-

cun mal aux dents. Et au contraire, les dents fectries, & fanées, & pourries, treblantes moissies & menuës, signifiēt briueté de vie, abondante chaleur, & humeur nuyfible, & de celles manieres sōt quasi celles des coleriques, autrement, quant au courage, ne sont veuës changer aucune chose, qui aye esté obseruée ou apperceuë. Quand les dents sont deslouchées hors de leur lieu ou ordre, elles denotent vn hōme de nulle valeur, bauard, qui ne faict que caqueter, arrogant & fier, pompeux, leger & inconstant.

Du Menton.

Chap. vii.

LEs Philosophes sont d'accord quant au menton. Car tout ainsi, que le Nez recourbé, ou mussé, ou aigu, signifie

signifie tousiours courroux, audace, & tyrannie: aussi fait le meiron aigu. Je ne me peux contenir de dire a tous, que l'on doit se donner garde de frequenter ceux qui sont mutilez & imparfaits en aucuns membres. Je dis de ceux qui sont priuez d'aucuns membres, non par art ou par malefice, mais nature. Et combié que cela soit veu par aduventure trop curieux ou superstitieux, toutesfois on a trouué, & ont notté les Sages, desquels nous auons recueilly ces choses, c'est à sçauoir, Galien, Hyppocrates, & les autres aussi, ausquels fortune a esté contraire, & mal propice. Exemple de mon dire: ceux qui ont les yeux mutilez ou imparfaits, le nez, la bouche, les pieds, les mains, & clochent ou boitent de l'un des pieds, ou lesquels nous cognoissons estre Saturniens. Chose superstitieuse, dis-je, sera veüe ce que ie dy, mais ie dy la verité: & le dy hardiment & audacieusement. Les Saturniens & Ioui-

L

aux ne s'accordent point : ny les Martialis-
tistes aussi avec les veneriens. Consideré
ce que ie dy assemblées, & monopoles
des hommes. Je ne sçay quelle chose-là
se treuve entretenir, combien qu'ainsi
soit, que ce n'est autre chose que la re-
pugnance des Planettes, & infortuné
des aspects. Saturne est froid & sec. Ju-
piter chaud & humide. Mais toutesfois
peut on maintenant faire que le froid &
chaud ne se discordent. De rechef, Sa-
turne fait les hommes parresseux, chi-
ches, lourdaux, solitaires, mauuais &
indomptables. Iupiter les rēd humains,
faciles a tourner, dociles & begnings.
Cela doncques qui est és qualitez des
planettes influë, & est donné aux cho-
ses & entendemens, selon la qualité d'i-
celles planettes. Qui donc est celuy qui
accordera leurs volonte, ou qui ce
pourra de cecy desēpestrer? Mais celuy
qui a desia appris cela par Astrologie;

cognoist tres-bien que c'est qu'on doit attribuer a vn chacun, & comme il doit estre conduit, & si pourra bien de ses effets remettre & rejeter quelque chose. Comme Venus qui par sa nature ne s'accorde point avec Mars, neantmoins par sa douceur elle appaise la cruauté d'autrui. Quand a ceux qui sont signez ou marquez naturellement, ce proverbe commun est par tout celebre, lequel on attribue à Aristote, disant: Il se faut bien garder de ceux que nature a signez. Touchant des Saturniens, le tres elegant & tres-docte Marcilius ficinus en a parlé en son troisieme liure, ou il dit le moyen d'acquérir la vie des cieuz & planettes, & sont telles ses parolles. Les Saturniens sont ords & salles, ignorans, enuieux, tristes & abandonnez aux ordz & salles esprits: desquels fuy la compagnie de bien loing. Car la portion de Saturne se cache ailleurs endormie, comme le souphre estant loing de

flamme, mais es corps viuants souuent
ard, & comme celuy souphre allumé,
ne brusle tant seulement, mais aussi de
sa nuyfante vapeur remplit toutes cho-
ses autour de luy, & infecte tous ceux
qui en approchent. Et ainsi les Ioniens
sont malheureux, s'ils sont prez de quel-
qu'un qui soit en telle sorte notté de na-
ture. Iusques icy sont les parolles de
Marfilius. Le bruit commun est, qu'Ap-
polonius Thianus trouua en Ephese un
vieillard Saturnien, qui en sa seule pre-
sence auoit infecté de peste toute la vil-
le. Veu donc que ces choses sont decla-
rées assez amplement par celuy homme
treffage, nous laissons les autres au dili-
gent & soigneux lecteur, & nous con-
tentons seulement auoir nommé l'au-
teur.

Des cheueux & autres accidens.

Chap. VIII.



NOus descrirons proprement la physionomie des cheueux si nous declarons premiere-
 mēt leur nature. Les cheueux ne sont autre chose, sinon vne vapeur chaude & seiche, espoissie, serree & seichee par l'air qui est autour & a l'enuiro. Par laquelle diffinition est donnee la cognoissance que les Saturniēs & vieillards sont debiles & foibles a cause du perpe-

L iij

ruel froid des forces & vertus. Aussi les Coles coleriques sont veluz & cheueluz, pour cause de leur chaleur & humeurs adustes : sinon en ceux esquels abode trop grãde chaleur. Aucuns cheueux sont crespés & retors, laquelle chose les medecins attribuent aux pores du corps, lesquels rompuz & ouuerts, disposent en tel ordre la cheuelure. Incontinent apres ce, asseons iugement : La cheuelure plaine & bien vnïe, molette, doüillette, prime & menuë, denotte l'homme effeminé, delicat, craintif, lasche & paisible. La perrucque roide & aspre, & grosse, denotte l'homme aduenteux, robuste, trompeur & bienheureux. Ceux qui ont le front cheuelu, & les temples couuertes de poil rude & picquant, sont excessifs & dissoluz en toutes choses, menteurs, arrogans & presomptueux. Si les cheueux crespés sont durs, cela denotte tousiours lasche-

ré & couïardise d'entendement. Ceux qui
sont crespés es angles des temples, a la
maniere d'un cornet, & sont crestez ou
en forme de heaume, s'ont adōnez a quel-
que grand vice plus que nul des autres
hommes: pareillement faut iuger de ce-
luy qui l'a rouge, ce que tous sçauent cō-
munement. Ceste perruque qui noircit
d'aucune noirceur blanchastre est la
meilleure: Et ceux qui ainsi l'ont, faut
dire, qu'ils sont prudens, pensifs, fideles,
loyaux & bons, semblablement aussi la
blanche cheuelure, la jaune & la blan-
chastre denotte mesme chose. Nous ad-
jousterōs aussi en passant cecy, que nous
auons obserué de l'opiniō des medecins
Ceux qui en jeunesse incontinēt ont les
cheueux blancs, sont paillardz, incon-
stans, & ne se peuuent contenir de hāter
fēmes. Dauantage, Alexandre Aphro-
disius, a dit, que celle humeur qui aux
femmes elle se change & muē en sang

L iij

menstrual ou en laiët, quand elles ont
cōçu. Et celles ausquelles croist la bar-
be, sont appellees viragines, ou homas-
se, & est chose certaine que telles appe-
rent grandement luxure.

De la Phisionomie de la face. Chap. ix



TE semble il point chose merueil-
leuse, que tant de faces d'hommes
& de femmes, a peine deux se ressem-
blent, & a ceste cause on n'en peut don-
ner certaine cognoissance en ce traicté.
Mais qui pourroit s'enquerir du courage

& de la fantaisie de tous. Toutes-fois, si aucun est fort curieux, il a pour ce faire la couleur & sa proportion, car tout ainsi que le dernier des couleurs ou les temperamens demonstrent les choses qu'elles signifient. par les peintures, semblablement la couleur au visage de l'homme denotte bonté ou malice. La couleur rouge est toujours a craindre: & demonstrant aussi (selon le prouerbe) chaude complexion. La couleur meschante, violette ou plombée, outre ce qu'elle denotte collere noire, & Saturnique inclination signifie aussi autres mauuaises affections du courage, comme enuy, courroux, ire, rancunes machinations & espies.

La couleur blanche, feminine, molle & froide, denote l'homme froid & mol ou effeminé, sinon quand il y a quelque rougeur meslée parmy la blancheur, comme l'on voit au visage des sauguins. Ceste couleur vermeille entre toutes les autres

n'est seulement à louer, mais aussi fait occuper l'homme es choses honnestes, & le rend ydoine & suffisant a tout. Quāt a la proportion de la face, notte biē cy. Toute face est ou longue, & y apparois- sent des deux costez des os des maschoi- res sortans hors, laquelle chose demon- stre l'homme estre orgueilleux, aduan- tureux, faisant tort a autrui, riotteux & trompeur. Ou elle est moyenne, nō pas fort maigre ny trop grasse, & signifie l'homme conuenable & propre a tou- tes choses.



La face charnue le denotte estre "par- resseux, flegmatique, lēt & tardif, lour-

daut, craintif, paillard, inconstant & presomptueux, d'autant plus qui sera gras, de tant-plus sera indomptable, & aura l'esprit lourt & hebeté. La face maigre moyennement denote l'homme ingenieux & prudent. Mais les enfleures qui aduiennent aux maschoires par accident sans chair, demonstrent autres choses, c'est a sçauoir Epilentie & le mal Royal. La face qui est palle n'est iamais de bonne signifiante. La jaune qui toutesfois n'est pas jaune par nature, denote la maladie qu'on appelle jaunisse, ou bien en oppilation de la ratelle ou inondation du ciel & colere. Les medecins disent que ceux-là ne viuent point plus de soixante ans. Nous laissons les autres choses, par ce qu'elles sont communes.

De la physiognomie des oreilles.
Chap. x.



N'açoit que les oreilles que les oreilles ne viennent pas bien au regard toutesfois elles sont ouuertes, larges, longues a la forme de celles d'un asne, & s'ont plus mesurees & confiderees selon la nature des bestes que des hommes. Ceux-la qui ont les oreilles comme un asne sont paresseux & lasches, & tiennent de la complexion des asnes. Ceux qui ont les oreilles trouffees & petites comme celles des Singes, sont incōstans & trompeurs.


De la Phisionomie de la teste.

Chap. II.

SI tu prens la bouche, & le menton
les levres & les cheueux, le front les
yeux, & les temples, & jouës, toutes ces
choses ensemble font la teste tres-gran-
de ou bien petite. Celle qui est aiguë en
haut, denotte l'home inconstant, lour-
daut, estourdy, a qui on ne peut rien ap-
prédre, hebeté & enuieux. La teste mo-
yennement ronde, demonstre l'hōme
sage, qui a bon esprit, & entendement,
fin, & ayant bonne memoire. La teste
petite, le gosier non point trop long, si-
gnifie l'homme auoir bons sens, sage &
sçauant. La petite teste, & le col long
denotte l'homme malheureux, foible
& fol.

De la couleur de toute la teste &
du corps.

Chap. XII.

 E que nous auons dit des membres, nous pensons estre chose semblable du corps. Si en tastant ce petit corps nous le considerons diligemment nous cognoistrans facilement sa qualite & complexion. La peau delicate, gresle, deliée, bien nette & polie, & qui est molle chair, signifie que le sang domine: mesmement s'il y a quelque peu de rougeur aux jouës. La peau blâche, molle & charnuë, denote les flegmes, la brune ou rougeastre est signe de colere: La peau noire, noirastre, passe, ou aucunement passe, & blesme, signifie melâcolie ou quelque colere aduste. Si elle est ridée

nerueuse, & pleine de durtez & espesse, elle est blanche, deliée, & maigre, cela signifie flegme, foiblesse, debilité & telles choses.

Des Bras.

Chap. xiii.

IL ne nous faut point fort soucier des bras, car ie ne croy point qu'il y ayt personne de si lourd esprit & entendement, qui ne iuge incontinent le bras estre fort & puissant, quant ils sont nerveux ou charnuz, veu mesmement que les forces du corps viennent de ces choses, excepté quand la peau sera fort charnue, & ny a point ou que bien peu de nerfs. De ceste sorte sont les flegmatiques & sanguins a toute paresse. Les bras merueilleusement longs, denotent outrecuidance, magnanimité, petitesse & basse condition dont est yssu, & avec cela, briefue & courte vie. Ceux qui sont courbez au regard de leur stature

& corps denotent les gens mescognoissans, eshontez, auaricieux, mesdisans, enuieux & orgueilleux & peu diferet de ceux qui ont les bras veluz & pleins de poilz, lesquels sont aussi effrontez, batāt l'un, ou tousiours poussans l'autre, pailards, fins & cauts, malicieux, incōstans variables, & ayans beaucoup de parolles.

De la poitrine & des costez. Chap. xiv.



CEux qui ont escrit de la nature des bestes, discernent & iugent la force du Lyon, non seulement venir de la poitrine

estomach, mais aussi l'audace. Et par celle coniecture nous lisons que celui qui a l'estomach sortant hors & apparissant, est fort & hardy, paillard, effronté, demandeur, iniurieux & vilain en paroles, orgueilleux, noisieux & chiche. L'homme qui a l'estomach velu & couuert de poil rude & picquant, est de colerique complexion, l'estomach qui est chauue denote froide complexion & flegme. A ceste cause ceux qui ont la poictrine bossuë & esleuë inegalement d'un des costez, sont dits & conneuz trompeurs, espieux & prompts & enclins à choses mauuaises, belliqueux, menteurs & dissimulateurs. Pareillement ceux auxquels l'estomach rougit iusques au gosier sont remplis de courroux & d'ire, noisieux, presumptueux, orgueilleux, variables & aussi craintifs. Toutesfois on dit que l'estomach qui est poly, vn peu charnu, & n'a aucun poils est tres bon signe d'homme discret, fa-

M

ge & prudent, & bien naturel.

Et à fin que nous ne laissions aucune chose qui soit utile en l'art de Medecine, il est tres-utile de sçauoir cecy, ceux qui ont leur cœur plus petit sont plus courageux que ceux qui l'ont grand, car les esprits vitaux poussans & mouuans sont plus conioincts & vnis en vn petit membre qu'en vn grand: là où (quand ils y sont) ils s'esclairent facilement çà & là.



De la Physiognomie de la Main.

CHAP. XVI.

POur ce que nous auons abondamment escrit de la Physionomie de la main, en nostre liure de Chiromancie, là nous renuoyons le Lecteur.



Du Ventre & du Dos & Entrailles.

CHAP. XV.

IL n'y a pas fort grand difficulté ou affaire, pouuoir iuger en voyant le ventre, le dos ou les entrailles, quel est vn chacun homme, car ces membres ne sont pas les plus petits du corps.

Or donc, sçachons quelles choses en sont. Le ventre velu iusques au nombril & plein de poil rude, denote principalement vn homme luxurieux, auantageux, courageux, entendu, prudent & sage, studieux, cault & fin, autrement bien tard fortuné & heureux: Le ventre maigre & mince signifie chaude & colérique cõplexion, & aucunes fois melancolique. L'on dés long-téps obserué que ceux qui ont le ventre gros & gras ont

M ij

le plus souuent l'esprit & l'entendement
lourd. Celuy dos est le plus à louer,
qui est large & fort, laquelle chose est
signe d'homme puissant. Aucuns sont
d'opiniõ qu'il se faut garder de frequen-
ter les bossus & courbez, pour ce que sus
tous les autres ils sont entachez d'aucun
notable crime, principalement de detra-
ction & enuie. Les cuisses grasses char-
nuës, denotent le semblable que le gras
& le mol de la jambe, ou est la rate, quãt
il est gras, c'est à sçauoir hardy & fort.
Pareille raison est de ceux qui ont de-
puis le genoüil iusques en bas nerueux,
maigre, delié & menu, laquelle chose
denote foiblesse & debilité, & cõme l'õ
voit euidemment. On estime grand in-
dice de debile & petite puissance. Quand
les pieds sont sans poil, & au contraire
s'ils sont fort veluz & pleins de poil ru-
de, c'est signe de ne se pouuoir garder de
hanter les femmes & aussi d'outrecui-
dance. Ceux qui ont pieds durs, ont

l'entendement lourd & hebeté, mais ceux qui les ont mols & legers ils ont l'esprit mol & leger. Quand est des femmes, ce a esté obserué que celles qui ont longs pieds sont les plus conuenables à engendrer enfans, car on dit que l'appetit d'engendrer est principalement iugé & cogneu és pieds. Et certes on dit que le pied est le signe de la nature de la femme, laquelle chose afferme le grand Albert au liure des secrets des femmes, c'est à sçauoir la mesure de la moitié du pied, & n'est cela trop mal dict. Certainement i'ay leu en autres liures faits par des Medecins, qu'à grand peine peut auoir aucun compagnie de femme, charnellement, c'elle n'a les pieds chauds.



Dela Stature de tout l'homme.

CHAP. XVII.

NOus pouuons iuger par la stature du corps de l'homme, car nous lisons és hystoires comme Maximinus fut iugé estre lourdaut, à cause qu'il auoit le corps de grande & merueilleuse corpulence. Et de là vint aussi ce prouerbe: La Limace d'Egypte, & la chausse de Maximian. mais quel besoin est il d'alleguer quelque chose de cecy? Quoy qu'il en soit, nous voyons communément tous ceux qui sont ainsi prodigieusement grands estre bien peu, ou rien sages & entendus: Et ce principalement quand ils ont le corps long & maigre & ont le collong estendu cômela Cicogne. Nous en auons veu aucuns en ceste mode au Palais de Fri-

deric troiefme & Charles, Empereurs,
eftans fi longs & fi maigres que c'eftoit
merueilles & auffi ils eftoient tellement
hors du fens & niaiz, que c'eftoit chofe
admirable. Et ne different en grande
chofe à ceux qui cheminent courbez.
Acefte caufe eft confirmé le dire ancien:
I'ay veu peu fouuēt l'homme grād eftre
fage, & le petit humble. Lecorps de
moyenne stature conuenablement gras
bien fourny des autres qualitez, denote
l'homme eftre de bon entendement &
efprit fage, diligent & appareillé à rou-
tes chofes.



*Epilogue & recapitulation de tout l'art
de Phyfionomie.*



O v s auons dict les chofes
fus-efcrites, afin que nous
ramenions tout en fom-
maire & abbrege, com-
bien que ce que nous auons escrit foit

M iiii

suffisant & satisface. Si donc à bref parler tous les membres du corps sont mesurez depuis la teste iusques aux pieds, s'il faut parler de chacun, il faut premierement dire des yeux : Ceux qui ont les yeux humides, luyfans, ioyeux & dardans, denotent telles mœurs, c'est à sçauoir qu'ils soient ioyeux & plaisants. Mais ces choses peuuent estre veuës plus clairement, si nous mettons au deuant de costé, tout ainsi qu'en vne table, que signifie vn chacun membre, & cela auons intention de faire, aussi nous auons fait telle situation.

Les yeux humides, luyfans & ioyeux, denotent bonnes mœurs & vie honorable & ceux qui sont tortus, enfoncez, rougeastres & tres-grands, denotent gourmandise, gloutonnie & luxure.

Les petits enfoncez signifie auarice. Et les entreuers, ou ayants vn peu de blanc meslé avec du verd, denotent les espieurs & guetteurs, les bas fchez de-

monstrent vn trompeur. Les mobiles denotent vn homme qu'on doit craindre, noïseux, enuieux & vanteur. Les yeux larges denotent les paresseux & tardifs. Les tremblans signifient vn coïart & lasche.

Ceux qui reluysent par fois denotent les yurongnes. Les petits signifient les impudens ou eshontez: Les branlans denotent les meschans variables: Et petits demonstrent les trompeurs.

Les yeux qui se tournent deuers le nez denotent les paillards.

Les larges qui degoutent & ont le regard mobile & inconstant, signifie les enragez.

Les secs denotent finesse: Les tremblans signifient les impudens.

Les noirs & clairs denotent l'homme iuste & raisonnable, ingenieux, paillard & gentil, les yeux verts à l'environ denotent l'homme trompeur, meschant & larron.

Les yeux humides signifient la grãdeur de la pensëe, entiere parolle, & iuste conseil. Les grands qui branlent & dardent, denotent ceux qui sont hors de leur bon sang, inconstans & gourmans. Ceux qui vont en tournant cauez, creux & secs, denotent les trompeurs & traistres. Les hauts les gros, les clairs, nez & humides signifient l'homme estre caut & fin, studieux & amoureux. Les yeux qui coulent & pleurent, ou larmoyent non pas par maladie, denotent folie: Ceux qui ne voyët gueres & sont secs, denotent les desloyaux. Les yeux penetrans, larges, humides & clairs, signifient l'homme de bon esprit, haut esleué, impetueux, courageux, glorieux & vanteur. Les yeux noirs & resplendissans denotent l'homme craintif & meschants. Les yeux qui sont enflez tout autour, signifient vn cruel, gourmand, & qui n'a chose en soy qu'on peut aimer. Les yeux petits & creux, deno-

rent vn conuoiteux & espieur. Les yeux rians demonstrent l'homme raisonna- ble, iuste, enclin à rire, humain, & ren- dant guerdon & deuoir à ceux qui luy font plaisir. Les yeux humides denotent vn homme de bon conseil. Les yeux tristes & humbles ou humides deno- tent vn homme studieux. Les yeux qui s'en vont avec les sourcils, ou se tournent & retournent quand & quand la peau qui les couure, denotent les gens amou- reux & amiables. Ceux qui clignent les yeux feignans ne voir rien, & voyent ben, sont espieurs & larrons. Les yeux chassieux signifient l'homme ad- donné à paillardise. Ceux qui ont les sourcils fort estendus, sont effemi- nez. Ceux qui souuent ioüent de leurs sourcils, & peu couvrans l'œil, tant dessus que dessous sont adulte- res.

Le front estroit denote folie: le long vn qui apprend aisément: esleué, enflé &

rond denote vn fin & caut, ne voulant venir à raison. Le ridé qui à plusieurs fouscis & fascheries. Le rond est signe d'vn enuieux & trompeur. Le large demonstre l'homme liberal.

Les sourcils fort peluz, denotent vn homme begue, & s'ils sont estendus iusques aux temples, c'est signe d'vn homme ord & sale.

La face pleine & bien vnue, denote vn plaideur ordinaire & noieus, la face qui fait tort à autruy ord & sale.

La fort maigre est signe d'vn sage: la charnuë, demonstre vn qui facilement apprend: la face triste denote vn fol.

Les oreilles larges & ouuertes, denotent l'homme insensé les grandes & ouuertes outre mets, signifient vie imprudente, & mal aduisé. Les petites vn fol, les quarrées, vn sçauant.

Le nez agu denote vn homme qui facilement se courrouce. Le gras & petit est signe d'vn mal complexionné.

Celuy qui tourne vers la bouche, signifie l'homme honneste, puissant, docile, & qui apprend aysement. Le grand denote bonté : Le petit tromperie : Le camus paillardise.

Les narines fermes & dures denotent force, les rondes crainte, les larges estenduës çà & là ioyeuseté, les estroictes & rondes signifient l'homme fol.

La bouche large denote vn vaillant en guerre & hardy. Celle qui est grande & ouuerte & à la levre superieure fort apparente : Et passant outre, la desous signifie vn goulu, meschant, grand parleur : Sor & indiscret, meschant & cruel.

Les levres petites, tendres & subtiles denotent vn homme eloquent.

Les menuës, & la bouche petite effeminée, les charnuës vn fol.

Ceux ausquels les dents (comme celles des chiens font esleuer les levres, sont outrageux en parolles & infidelles.

Les Memmelles pendantes dés la poitrine signifie vn violeur.

Le ventre grand denote vn homme indiscret, mais, glorieux & luxurieux.

Le ventre estroict, avec la poictrine plantureuse denotte l'homme entendu, & qui donne bon conseil.

Le doz large denote noblesse & vaillâce.

La mediocrité du dos & de la poictrine signifie vn homme loüable.

Le bossu & vouté, est signe d'un chiche & auaricieux.

Les bras trop longs denotent audace, bonté & force.

Les courts signifient vn semeur de dissensions, & paillard.

Les mains courtes denotent l'homme grandement gras & robuste. Si elles sont grasses & aussi les doigts, c'est signe d'un larron : les petites denotent vn homme fin & caut.

Les pieds charnuz denotent folie : les petits & legers signifient dureseté & rudesse.

Le gauion aspre ou la gargotte, deno-
te vn baueur, vain & inutile.

Le col long & gresse ou delié, denote
l'homme craintif & mal complexióné.

Le gros & long vn furieux, craintif,
& opiniastre.

Le moyen vn docile, robuste & ver-
tueux.

Le gras signifie gens ignorans, bar-
bares, rustaux & malaisez à contenter.

Le col rude & aspre, denote l'homme
iniurieux: le court, vn sot & indiscret.

Le courbé vn nonchalât & auaricieux.

Le col penchant à dextre, denote vn
homme attrempé & moderé: Et s'il pēd
du costé gauche, c'est signe d'un hanteur
de rauernes, bourdelier, & fol.

Le grand estomach denote vn hom-
me honorable.

Le large & plantureux signifie grand
cœur & courage, audace & bonté.

Le petit vn craintif, le charnu vn in-
humain & cruel.


Les iambes menuës denotent ignorance, les grosses audace & force, les larges & amples, magnanimité, les nerveuses, fermeté.

Courtes & grasses, cruauté: les bossuës & creuses en bas, signifient les hommes mauuais: les molles & enflées, arrestez.

Le gras & mol de la iambe s'il est gros & court denote le talon rude, & les cuisses grasses demonstrent rage à venir.

Cela sont les bresues introductions, la sciëce de Physiognomie, par le moyen desquelles vn chacun peut iuger de l'esprit & entendement des hommes. Et certes ie ne doute point qu'Aristote, les Medecins, Valla & plusieurs autres n'ayent escrit le semblable. Laquelle chose ne diminuë aucunement nostre entreprise & honneur. Nous auons fait ce que nous auons peu, & ce par leur moyen & ayde. Et si par aduerture quelqu'un nous veut blasmer, soit aduerty que nous n'auons pas escript des
Commentaires

Vraye & parfaite 181
commentaires, mais vn abregé & petit
traicté : & ainsi soit la fin.



DEFINITIONS DES FACES
des Signes, & qu'elle chose fait le
Soleil en chaque maison, a ceux qui
naissent.

Liure troisieme.



V is que nous auons deli-
beré introduire & ensei-
gner les hommes studieux
es disciplines de l'Astrolo-
gie, & soient plusieurs cho-
ses necessaires & requises à obseruer,
apres la scituation des maisons, & iuge-
mens des horoscopes; reste dauantage
de cognoistre la face des signes, & que
c'est qu'ils font en chacun degré. Cer-
tainement le Soleil & les autres Planet-
tes ont diuerses operatiōs en leurs degrez

N

& faces: car ils signifient vne chose en la premiere face, autre en la seconde, & vne autre en la tierce. Et aussi afin que tu l'entendes, note que chacun Signe est party en trente degrez. Ces trente degrez soient diuilez en trois parties. La premiere partie fera iusques a dix, & tiendra la premiere face. Et puis tout ce qui interuient depuis dix iusques a vingt, est dit la seconde face: & le reste iusques a trente, est la face troisieme, & ainsi faut conter avec les autres signes. Ces degrez d'autant que plus ils accroissent, d'autant décroissent-ils en leur vigueur, principalemēt es dernieres faces. Et sont faits plus posez & bas en la fin qu'au commencement ou au milieu. Nous auons annoté & obserué es choses & autres, briefuement d'Abraham, Haly, Alcabiace, & de Firmicus. Et si quelque enuieux nous veut reprendre, pour quoy nous tirons ces enseignemens des autres avec les nostres, nous luy respondrons que

les sçauantes personnes n'ont pas escrit
toutes les choses lesquelles peuuent faire
vn bon & parfait Astrologue: mais ce
qu'ils ont escrit, ils l'ont fait plustost
pour auoir souuena ce & memoire,
que pour enseigner les autres. Apres a-
uoir dit cela, venons a parler du mou-
ton ou Aries.

Le Soleil en Aries.



Le Soleil estant en Aries, qui est le
premier entre les autres 12. signes, fait
c'õmunement les enfans nais es premiers

N ij

dix degrez, quelque peu roux, camus, ayans petit ventre & estroit, maigres & signez au pied fenestre, ou au coude: ayans plusieurs amis, hayssans le mal, & ensuiuans ce qui est bon.

En la seconde face, c'est a sçauoir depuis le dixiesme degré d'Aries, iusques au vingtiesme, il le fait noir: laquelle noirceur pourtant n'est pas estime vicieuse, ny mal seante, mais est signe de beauté, grande civilité & honnesté. Il est de qualité temperee, facile à se courroucer, soupçonneux, cauteleux, courageux, environné de plusieurs ennemis, qui le poursuiuent iusques a la mort.

En la tierce face, il le fait aucune fois roux, entremeslé de couleur iaune, solitaire, pensant diligemment a embusches & souuent a tromperies.

Le Soleil au Taureau.



L'enfant né en la premiere ! ce est diligent, prompt, & a les yeux aucunes-fois tres grands & grosses léures & marqué au col, veritable, fort plaisant.

En la seconde face, l'enfant est pail-
lard, suiet a son plaisir desordonné: mais
non pas tant comme en la premiere fa-
ce du signe: neantmoins il est vagabōd
& inconstant. En la tierce face, il est
plus froid de complexion, pour ce que
Saturne possède ceste derniere face là, il
engendre les douleurs des oreilles, du
ventre & des cuisses.

N iij

Le Soleil en Gemini.



Si quelqu'un vient à naistre en la premiere face de Gemini, il sera de stature modérée, ayant beau corps & bien composé & formé de tous ses membres, il sera aussi doux & paisible, laborieux, & pour cause des femmes sera infortuné, & aussi sterile. En la seconde face il

diminuë la stature, & adjouste, noifeur:
& notte l'homme au coude, & aux ge-
nitoires. Et ce que l'homme est veu a-
voir perdu en autres choses, il le recou-
ure en eloquence.

En la troisieme face, quand les de-
grez defaillent, aussi defaut la bonté
des nais en cest instant, & la iuste pro-
portion des membres : & donnent la
cōplexiō d'un sot & semeur de bourdes,

Le Soleil au Cancre.



L'homme nay és dix premiers degrez

N iij

est beau de corps & de cheueux: ayans
les sourcils estroits, de sçauant entende-
ment, marqué au bras droit & es cuisses
En outre il aura bon esprit & abondan-
ce d'amis.

L'homme né en la seconde face, a les
cheueux roux, & est de stature courte,
signe aux yeux & sans barbe.

En la tierce face l'homme est gras,
hebeté, plein de poil aux sourcils, ron-
gneux, & quasi ayant la face enflée.

Le Soleil au Lyon.



Le Soleil en la premiere face du Lyon
fait a l'homme beau corps, de couleur
rouge, entremeslé d'un peu de blanc, a-
yant les yeux tournans, le corps droit,
les pieds malades, mesmement en vieil-
lesse, par ses beaux faits & renommee,
cogneu de plusieurs : simple & aymé
des Roys & Princes de la terre

En la seconde face, l'homme est de
large estomac, & a les genitoires & mē-
bres gresles, il est prudent & honorable.

En la troisieme face, l'homme est
de courte stature, le corps de couleur de
rose, entremeslé de blac, suiet a plusieurs
maladies, suiuant les bordeaux, & aymāt
les femmes.



Le Soleil en la Vierge.

La Vierge estant en la premiere face du Soleil, fait l'homme de conuenable stature, il a le corps grand, belle face & cuide beaucoup sçauoir: ingenieux, prudent, ayant la voix fort haute & resonnante, sçauant en plusieurs sciences, mais sterile a engendrer enfans.

En la seconde face, pareillement il a

beau visage, petits yeux, beau nez, & est religieux, sçauant, bon, veritable & desireux de gloire.

En la troisieme face, l'homme est simple, beau, facile, a enseigner, docile, ayant bon sens, prudent & bon.

Le Soleil en Libra.



Le Soleil en Libra fait l'enfant de belle forme, veu qu'il est signe d'humaine forme, simple, laborieux, paisible, modeste, & posé : & sera blésé en la teste.

En la seconde face, pareillement il a

ce belle, mais il aura les yeux chassieux
ou plorans, ou la paupiere luy couurira
vne partie de la prunelle, & fera comme
clignant les yeux a demy, car il aura au-
cune tache en iceux.

En la tierce face il sera honorable, &
beau, & luy portera on reuerence, mais
en la fin il sera sans honneur, & se garde
bien d'estre empoisonné.

Le Soleil au Scorpion.



Le Soleil en Scorpion, fait l'homme

difforme, ayant vn signe en la teste ou
es espaules, ou au pied fenestre, ou au
bras, de large estomac, ioyeux en racõ-
tant facéties, sobre & discret.

En la seconde face il aura grande te-
ste, sera grand parleur, & aura vn signe
aux genoux ou au dos.

En la tierce face, il sera de petite sta-
ture, ayans les yeux retors, grand man-
geur & bordelier.

Vraye & parfaicte
Le Soleil au Sagittaire.



Le Soleil au Sagittaire, fait l'homme
beau, de grande stature, courtois, &
studieux de bonnes choses.

En la seconde face, il le fait de pro-
pre & conuenable stature, ayant beau
regard, jaune, ayant les sourcilz espan-
duz, & est signé en l'estomac.

En la tierce face, il le fait haut, &
beau, de large & ouuert estomach, mar-
qué en iceluy estomach & au pied.

Chiromance.
Le Soleil en Capricorne.

195



Le Soleil en Capricorne fait l'homme de large estomac, tendre, de stature competente, mais aucunement noire, signé d'une petite notte au coude, ou en la poitrine, & est fin & malicieux.

En la seconde face il le fait beau, marqué au bras senestre, & s'il prend naissance de nuit, il sera malicieux.

En la tierce face, l'homme sera tres-beau de corps, la face jaune, signé au bras, ou au genoux. Il se faschera aysemer, sera amiable, & amateur des femmes.

Le soleil en Aquarius.



Le soleil en la premiere face d'Aquarius, fait l'homme beau de corps & de visage, signé en l'estomac ou au pied gauche, & est doux, bening & gracieux en parolle, & traitable avec les homes.

En la seconde face il le fait fort log. le visage rouge, marqué au dos, ou au coude, suiet a plusieurs tribulations.

En la tierce face, l'homme est de courte stature, signé soubz le coude,

de, & ayment les femmes. Or celuy qui naistra au dernier degre sera faiet non seulement en la proportion du corps mais aussi en tous les autres faiets different.

Le Soleil aux Poisson.



Le Soleil estant aux poissons fait l'homme de corps mol, blanc, de large estomach, de barbe conuenante, de beau front, clere peau & nette, les yeux ouuers & beaux, & sera charnu & honeste.

En la seconde face l'homme sera de sta-



ture courte, egale, la barbe noire, il sera vn peu velu, léger & ioyeux.

En la tierce face, il sera beau en tous membres, & honnesté, & si aura la voix bien resonante.

Nous auons demonstté cecy estre digne de noter, c'est qu'il y a certains signes où formes, lesquels tendent à la magnitude où l'artificielle Astrologie, comme le Lyon la Vierge, & le Sagitaire. Les autres tendent à diminution comme les Poissons, le Cancre & Capricorne. Et ce qui des le commencement des signes du Mouton, du Lyon, & du Thoreau, faict tendre le corps à grosseur & force & tendent leurs fins à maigreur & sailant. Pareillement Gemini le Scorpion & le Sigitaire quand à leurs commencement tendent à maigreur & debilité, & d'iceux signes les vns tendent à grosseur & force. Mars, la Vierge, Libra, & le Sagitaire tendent à equalité & bonne propottion.

Le Taureau, le Scorpion & les Poissons, comme dit Haly, font tendre l'homme à diuerse proportion du corps. Ceux aussi qui sont nays du iour, sont, plus beaux & clers que les autres qui naissent de nuict: car la nuict ayde les planettes signifians noirceur, & obscurité, Certes ceux seront epileptiques en la natiuité desquels la Lune est avec Mercure, ne l'un d'iceux embrasse, montant à l'heure de la natiuité & si avec cela Saturne ayt esté en l'anglet, en la natiuité du iour, où Mars en la natiuité de la nuict. Ils sont aussi pareillement fols, pour cause de Saturne qui estoit és anglets de la natiuité du iour & de la nuict, mesmement quand Cancer, la Vierge ou les Poissons sont trouuez és anglets. Et quand Saturne est en la maison des luminaires: c'est sçauoir au Cancer où au Lyon, il demonstre tousiours la passion des yeux.

Les signes qui denote époules, ladrerie,

O ij

taches, rongnes, grates, demangeons,
feu volage, sourdesse, begayement,
chauuete, & peu de barbe, sont Aries,
Cancer, Scorpion, Capricornus & Pisces.

Les signes de plusieurs fils sont Cancer,
Scorpion, & pisces.

Les signes signifians l'honnestete des
femmes, leur religion & bonte, sont le
Taureau, le Lion, & Aquarius.

Les signes raisonnables, sont Gemini,
Virgo, Libra, & la premiere partie de Sa-
gittaire, & toutes les parties d'Aquarius.

Les signes du courroux, & aigreur, sont
Aries, le Lion, & Scorpion.

Les signes crians, & qui ont forte voix
sont Gemini, Virgo, Libra, Mais ceux
qui n'ont point de voix, sont Cancer,
Scorpion, & pisces.

Les planettes qui donnent les richesses,
sont trois, c'est a sçauoir Iupiter, Sol, &
Venus. Le soleil aussi donne prudence,
Mercure eloquence, & Venus belle parolle
Il y a trois signes Orientaux, Aries est le

cœur d'Orient; le Lyon est la seconde triplicité & fenestre part d'Orient & Sagittaire est la dextre part d'iceluy Orient.

Capricorne est le cœur de midy, & le Taureau est la fenestre part, & la Vierge est la dextre.

La liure est le cœur d'Occident. Aquarius est la fenestre part, & Gemini la dextre part d'Occident.

Cancer est le cœur de Septentrion, Scorpio la fenestre part, Et les poissons finalement sont la dextre partie de Septentrion.

Si tu veux sçauoir dequoy sert tel regard & aspect des signes, & telle disposition, entens en briefues parolles, nous disons qu'il y a trois signes Orientaux, trois Meridionaux, trois Occidentaux, & trois Sepientrionaux. ceux d'Orient nous aydent si nous mettons & dirigeons les choses que nous voulons faire à celle partie, ces signes ja naissans, & estant le Soleil en eux, comme

si nous voulons sainement viure, dormir legerement, & prosperer en lignée, quand on est marié.

Item si nous desirons profiter quand nous voulons acheter quelque chose, où vendre par contract. Si nous esperons honneur où profit aucun, ou autre telle chose, faisons tout du costé de celle region, de laquelle regarde aux signes deuant dits. Comme au contraire si nous craignons que mal ne nous aduienne à cause d'iceux signes il nous faut euitier les signes contraires, & en celle maniere on pourra iuger des autres choses. Nous auons aussi cecy d'escrit en passant quant nous auons parlé de l'equalité & nature des maisons.

Ainsi tu as (noble lecteur) en abondance, & toutesfois non pas moins succintement les natures des faces & autres signes & images, & ne voy point en quelle maniere pourroit aucū bailler cecy plus briefuement. Et si nous nous arrestons icy en

long propcs ambigus, ce ne sera pas grand profit. En quelque maniere que ce soit, qu'ils nous auancement en l'Astrologie, toutesfois ils ne sont pas si grans, que nous nous y deuions totalement, fonder. & fier. Ces choses cy ne se doiuent point ignorer, neantmoins elles doiuent estre apprinses par telle moderation, que cela qui les scait desia ne se cuyde estre bon Astrologien, comme persuadent aussi ceux qui sont Princes de celle science. A ceste cause ie t'admoneste d'vser d'Attrempace, qui que fois tu, qui es fort adonné à c'est art, afin que tu ne faces icy quelque chose trop à la haste, & aussi en effect, ne profere ton iugement de ces choses, soudainement apres la reuelation de la natiuité d'aucun enfant car il y a plusieurs choses lesquelles nous peuuent deceuoir. Comme la prudence de l'homme, la prouidence de Dieu, & le iugemēt dece-

O iiij

uable, Exemple Il peut auenir qu'aucun
nay en Aries, est fort subiect à courroux,
& toutesfois il moderera son ire & cour-
roux, en pensant avec luy la grand vi-
lennie de son vice. le iugerois celuy estre
fort subiect à courroux & furieux, &
qui ne s'en mocqueroit; car nonobstant
que nature & la destinée incline à cela,
neantmoins la sentence en est à mode-
rer, iusques à tant que toutes les choses
soient bien songneusement considerés
Si tu fais autrement, sois certain que tu
ne prediras aucune chose vraye mais
seras moqué de tous, le dy cecy sou-
uent, par ce que ie scay aucuns auoir fail-
ly en cecy bien lourdement, car ils
estoyent assurez ce leur estoit aduis mais
il estoient (comme on dict) plus de sei-
ze pieds loing du but.

Fin du troisieme liure.

REIGLES ET CANONS,

*Touchant les Maladies, & en quelle maniere
on peut secourir aux maladies par l'aspect &
regard des signes.*

Liure quatriefme.



Ombien est folle ceste multitude de medecins que nous voyons en nostre temps ainsi accoustumée à nous decevoir sous vmbre de leurs longues robes de pourpre puis qu'ils sçauent bien leur estre commande de leurs auteurs & maistres que sans le conseil des astres ils ne s'essayent de medeciner aucun. Et que celuy est tant loing de la science de medecine, qui est ignorant tant d'Astrologie, qu'il n'est digne d'estre nommé Medecin mais trompeur & affron-
teur. Toutes fois les choses sont

en tel estre que de cent on n'en trouue pas vn où deux a peine, qui sçaches vraiment iuger en quel temps chacune Medecine doit estre dōnée & par laquelle chose paraenture n'est pas trop esmerueillable, car à quoy leur profiteroit il eux occuper en Astrologie, puis qu'ils ne prennent pas le soing d'eux occuper de lire leur Galien & Hypocrates, mais ils font tout leur cas par tumultes, & petites receptes escrites, Nous auons veu quelcun à Magonce, fort estimé que tu eusses dit estre le tiers Caton ou vn second Galien, si la pourpre sert quelque chose à la science, où bien les habits. Or bien estoit si gras & riche, s'il vsoit seulement de deux, receptes, lesquelles il auoit extraictes de ie ne sçay quels liures: en icelles entroit demy dragme de hellebore, où autant de scammonée pour lascher le ventre. Ces choses il donnoit l'une apres l'autre, sans auoir consideré la complexion ou maladie.

Et tant gaigna d'or & d'argent par telles tromperies, qu'apres la mort on luy trouua bien trois mil escus. Il n'estimoit autre chose en l'art sinon de purger le ventre. Tant à de pouuoir en l'art de medeciner, la lóngue robe & le front refroncé, Ceux la ne seront pas de nous admonnestez, & ne remettons en chemin, ces lourds esprits, car ils desdaignēt à apprendre. Toutesfois ceux qui veulent estre Medecins, nous leur donnerons aucunes reigles afin qu'en laissant leurs premieres tonnettes, ils apprennent des corps superieurs à donner secours aux malades. Souuentesfois on à veu que ce que plusieurs Medecins n'ont peu faire avec plusieurs & puissantes medecines, vn Astrologue l'a fait avec vne petite & simple herbe, en obseruant quand les signes viennent, ou s'en vont. Nous auons tout cecy diuisé en réigles, & icy nous en parlerons.

LES REGLES DE MEDECINE,
*Selon l'Astrologie.**Regle premiere.*

IL y a quatre signes qui regardent les choses qui sont dedans l'homme les medecins les nomment les membres spirituels. Ce sont Cancer, la Vierge, Libra & le Lyon. De ceux cy, Cancer regarde le foye le poulmon & les entrailles le Lyon regarde l'estomach de son orifice, & la vierge regarde des le bas de l'estomach, & le ventre, la peau faisant separation d'entre le cœur & le poulmon d'une part, & les intestins inferieurs d'autre. Libra à son regard sur le rable sur les parties inferieurs & sus le nombril.

Reigle. 2.

Le Cancre qui regarde le poulmon des maladies il fait la toux ptisique, & plure-

sies. Et le Lyon faict les appostume, iau-
nisse fistules & peste la vierge faict l'en-
flure du ventre, hidropisie, flux de ven-
tre, & colique Libra fait flux de ventre
avec espraintes, douleur au ventre, &
aupres l'espine du dos. Et aduient cela,
quand lesdicts signes tombent en ces
maisons, qui de nature sont mauuais:
lesquelles sont, la sixiesme, la huietiesme
& la douziesme de l'ascendant, où de
l'horoscope.

Reigle. 3.

Celuy qui est nay au Taureau, com-
munément meurt par poison & venin,
par malefice, ou colique-passion, & ad-
uient cela és ans fatals, c'est assauoir si-
xiesme huietiesme, dix-huietiesme,
vingtiesme, trente, deuxiesmes & qua-
rante-quatriesme selon la reuolution de
l'an douziesme en comptant depuis le
huietiesme an de la natiuité. Et outre,
pour ce que le Taureau regarde le gosier,
ils luy attribuent aussi lquinancie, &

toutes apostumes & vlceres qui viennent au gosier. Parquoy quand le Medecin, sçaura bien cela qu'il se garde de bailler rien indiscrettement & sans auoir bien consulté. Cecy est quasi vne reigle au canon que le Soleil passant par quelque signe, ou plustost la Lune, lequel signe gouuerne le membre malade, qui est languissant durant celle reuolution, ne soit aucune medecine appliquée où donnée pour le guerir mais si lon en donne, seulement pour le conforter les membres, & les nourrir afin que le patient ne retombe en pire estat, iusques à tant que le Soleil s'en soit allé de ce signe.

Reigle 4.

Ceux qui sont nayz le Soleil estant en Aries, où en Gemini sont tourmentez de difficulté d'vrine, où de la pierre.

Reigle. 5.

Ceux qui auront les Poissons à la venue de leur natiuité, où naistrôt souz le signe

des Poissons, doiuent craindre les chaudes maladies, comme fieures chaudes, trenchees de ventre & venins, pour cause que Libra est son gouuerneur en la huitiesme maison. Telles maladies aduiendront en parties des paillardes, où d'ailleurs & mesmement es ans quarante quatriesme, soixante cinquieme, & soixante & huitiesme, desquels aussi ne sera pas de son dernier iour loing. Ces choses obseruera bien sogneusement le diligent & sage Medecin. Il y a aussi des ans Scaleres & Climacteriques ou perilleux, parquoy tout septiesme an est iudiciaire. Si doncques tu veux prolonger ta vie iusques en vieillesse, toutes & quantesfois que tu approches du septiesme où neufiesme, prens diligemment conseil de l'Astrologue (si tu crois à Marsilius Ficinus ou à Firmicus) & apprens d'où t'est eminent le danger, & puis apres prens le medecin, ou appelle prudence & temperan-

ce car par tel moyen peut estre alongée
& différée la mort naturelle avec l'ayde
des machines d'Astrologie & diligence
des Medecins. Et ne sois point negligent
de demander aux sçauans Medecins,
comme c'est & sçaches des Astrolo-
gues qu'elle estoille fauorise & ayde à ta
vie, & l'acommode à la Lune. Consi-
dere chose semblable. Au commence-
ment de la maladie regarde le Soleil de
iour, & la Lune des nuicts: s'ils sont
empeschez, il faut estre bien songneux
du malade. Pareille chose est craintes
maladies, quand la Lune & le seigneur
de l'ascendant sont en la huitiesme
maison (qui est dictée de la mort.) Car
s'ils sont empeschez, il faudra abandon-
ner le malade, où esperer mort, si la dili-
gence d'un medecin expert ne s'y em-
ploye. Il faut que le Medecin soit soi-
gneux de regarder curieusement és chō-
ses & plusieurs autres.

Reigle 6.

A l'en-

A l'enfant n'ay en Capricorne, Le Lyó engendre les maladies en la huietiésme maisó c'est à sçauoir tourmés & douleur d'estomach, pleuresies, toux, chaleur de foye, & apostumes d'estomac. Et si ces maladies aduiennét en Iuillet c'est à dire quád le Soleil & la Lune sôt au signe du Lyon, cela redouble mal. D'auátage, en voulant guerir ces malades, il faut euitier les iours de Mercure pour cause que gemini est en la sixiésme maison des iours du Soleil, pource que le Lyó est en huietiésme & aussi les iours de Iupiter, car Sagitaire est en la douziésme maison.

Reigle 7.

Le Cancre faict difficulté de respiration, estant le Soleil en Sagitaire: il faict aussi ethique fièvre, & inflation de poulmon. Et si Saturne est trouué au sagitaire il engédre enfleures de pieds, & gouttes, Saturne estant au Cancre faict douleur à la verge, & aux genitoires.

Reigle 8.

P

Scorpius aucunes fois engendre douleur es mains, sciastique, & douleur en la teste. Et si saturne est en iceluy mesme, il donne tourment escheuilles des pieds. On fera donc telle diette. Ils ne laueront leurs testes, es iours du Mardy, & n'vseront des bains chauds, quand le soleil est en Aries & ne couperons leurs cheveux, car de ce aduient peril capital, c'est à sçauoir frenaisie troublement d'esprit & fureur. Et pource aussi que les iours les mois & les ans mauuais, toujours à obseruer font, les malades se doiuent abstenir des choses chaudes. Pour le secours & ayde des entrailles, ces iours cy sont bons, de lundy, de Lundy & de Dimanche: & ceux icy mauuais, le Mardy & le Mercredy. Scorpius aussi regarde les parties honteuses, à ceste cause il ne les faut medeciner quand le soleil est en Scorpion.

Reigle 9.

Ceux qui ont leur horoscope en la

Vierge ou sont naiz en la vierge, sont
souuent malades de maladies natu-
relles aux cuisses, ou ont les pieds pleins
de la bouë, comme ce qui sort d'un apo-
stume, ou leurs cuisses jettant du sang
meurtry venant à putrefaction, ou ont
les jouës ou malchoires environnées d'a-
postumes & ont aussi grandes douleurs
de testes pour cause que les humeurs
montent des pieds au chef. Lesquelles
douleurs sont incontinent appaisées, si
l'on ouure l'enflure. Et cela plus aduient,
si au temps de la natiuité, Saturne est en
la vierge.

Si tu prens garde soigneusement à cecy
tu apperceuras la maladie estre naturelle
laquelle bien souuent on ne peut euitier
& fuyr à ceste cause il la faut dechasser
Par la naturelle obseruation des signes.
Il faut garder que telles gens ne frequen-
tent bains chauds, ny estuues, qui fa-
cent suer. Et si cela ne peut totale-
ment estre cuité, soient toutesfois ces

iours de Mars & de Saturne cuitez, & lesdicts mois & ans mauuais, jettans leur venin plus fort en ce temps qu'es autres. Il faut aussi qu'ils s'abstiennent des fruits d'automne.

Reigle 10.

Ceux qui sont nays en Leo, ils doiuent fuyr les iours de Saturne & de Iupiter. Ce qu'il doiuent obseruer en leur mode de viure. Toutes choses aguës, fortes & piquantes cōme pointes, leur nuisent. D'auantage il ne leur faut dōner aucun breuages. Et quand le Soleil sortira du Lyon & entrera en Capricorne, ou en Pisces, derechef les poissons sallez sont à fuyr, & ne se faut point faire tirer de sang.

Reigle 11.

Le Soleil estant en Aries (qui auāt toutes maladies, engendre douleur de teste & ébloüissement d'ieux, quand il semble que tout tourne) quelqu'un commēce à estre malade, & qu'on t'aye appellé pour estre Medecin, garde toy bien de

luy bailler des bains chauds, ou des estu-
ues chaudes, à cause de Mars: & cela plus
en Octobre, quand le soleil tient Scor-
piõ. En sa diette, ne luy donne chair ne
mouton ny d'agneau. Et qu'il ne laue, sa
teste le mardy, ny le mercredy, pource
que Mercure est le seigneur de la sixies-
me maison, c'est à dire de la Vierge, &
de Mars occultement: car là se resioiit:
& le Scorpion en la huitiesme maison,
car alors il auance quelque maladie: non
pas seulement à raison que la maison de
la maladie la sixiesme maison: mais pour-
ce que la Vierge est semblablement si-
gne froid, sec, terrien & melâchologique:
toutesfois on a esperance que le malade
ne mourra pas. Et combien que le scor-
pion (comme il est dit) tienne la huitié-
me maison, c'est à dire de la mort, & que
Mars est seigneur de ce mesme signe, riẽ
n'y faict car aucune mauuaise Planette
ne nuict en la propre maison, mesme-
ment que celuy ne perisse de cousteau,

qui a son horoscope en ceste maniere. Apres que le malade est retourné en santé, on luy doit commander, que le soleil estant es poissons, qui est la douzième maison de l'oroscope, il ne se mette à chemin: ny face aucun traffic avec notaires, greffiers, engraueurs, & orfeures. D'auantage qu'il s'abstiène de frequenter les vierges, & les cheuaux. Et certes toutes ces choses sont telles desquelles on attréd maladie, pour cause de la sixième maison qui est de maladie mesme-ment au mois d'Aoust, passant le soleil par la vierge.

Reigle 12.

Il faut prendre garde, tant qu'il est possible, à l'ordre des années du malade: Car l'an septième est tousiours mortel & perilleux, & le neuvième aussi. Et sont ces ans par les astrologues nommez comme il est escrit, les ans septenaires, Nouenaires, ou Climacteriques, lesquels peuuent estre nommez par les Latins scalaires,

c'est à dire, perilleux & dangereux : Lesquels la raison est telle : car tousiours en ces ans est faicte grande mutation & changement és corps, comme ainsi soit que saturne soit esloigné de nous les autres anneés, alors il est conjoint à la Lune, la plus basse des Planettes. Il est donc necessaire de regarder en reuolution des ans, l'aspect des planettes quand il est tel, à sçauoir s'il y échét quelque danger euident, ou si Mars & saturne, qui regardent le neufiesme an peuent mettre en effet leur malice, ou s'ils ont point aucuns autres a eux doux, propices & fauorisans. Et par tel moyen aduiendra, que tu pourras non seulement repousser ou euitier celle maladie : mais aussi pourras escheuer la mort destinee, & fatale, par le moyen des subtilitez d'Astrologie.

Reigle 13.

Il est necessaire, de chercher ordinairement la diette du malade, en apres l'horo-

P iij

scope de sa natiuité. Et finablement il faut dresser la figure, & s'il faut cōsiderer l'ordre des planettes, & le lieu, & de l'estat lieu & conference, faut regarder leur effectes maisons, aussi la cause de la maladie, & le Seigneur de la geniture, & ainsi par le moyen de la qualité des signes cōtraires, faut dechasser la maladie, ce que nous môstrerons cy apres par exemple.

Reigle 14.

Il conuient aussi bien prédre garde au septiesme iour: & au critique: & de cela faut diminuer la mort ou la vie. Qui voudra bien sçauoir que c'est quelles iours critiques, il le sçaura des medecins. Et pour ce que les exemples demonstret & enseignet mieux, nous en auons cy mis vn. Si par fortune aduient qu'au commencement de la maladie la Lune soit en Aries, qui est vn signe chaud & sec, lors faudra que Aries brusle & enflambe la maladie pour cause de la nature de son signe. Tu peux adonc admo-

nestier le malade, qu'il aye patience, & luy dire qu'il se portera mieux le septiesme iour, auquel la Lune passera en Cancer si le mal n'est trop furieux. En apres, le Cancre est froid & humide, & est le quatriesme aspect au Mouton. Il attrempera donc la maladie par son froid & humidité: et si tu consideres cela diligement tu le cognoistras euidemment. Et ainsi tu peux ouurer es autres signes, & veoir comment les maladies sont confortees par signes semblables, & gueries par choses contraires.

Reigle 15.

Ainsi le second nombre des iours, c'est à dire le quatorziesme iour, donne certain iugement, car alors la Lune est pleine, non pas tant pour le iour critique que pour l'influence de la Lune, qui est opposite là, tout ainsi comme Aries & Libra, Taurus, & le Scorpion.

Reigle 16. & 17.

Les medecines ont aussi leurs signes

& ne doiuent estre donnees indifferem-
ment en tout téps: car il y a temps pour
donner gargarisme, autres pour parfuns,
& d'autres pour breuuages, & afin que ie
ne sois trop lóg en parolles, ie compren-
dray le tout en vne reigle seule. Si la lune
est en Aries, au Lyon & sagittaire, il sera
bon de fortifier la vertu attractiue qui
est en l'homme: & la retentiue en Virgo
& Taurus, & la digestiue en Gemini, en
Libra & en Capricorne. Les gargarif-
mes, aussi les vomitifz & parfuns, doiuent
estre donnez quand la lune est en Aries,
& par auenture en Taurus les Gargarif-
mes seulement. Les Medecines solutiues
ou qui laschent, doiuent estre donnees
en scorpion par breuuage: & par tablet-
tes ou electuaires en Cancer: & par les
pillules si voulez aux poissons. En Ge-
mini, & Aquarius faut donner la triphe-
re, & les medecines confortatiues. En li-
bra aussi, ou au scorpion, les supposito-
res pu clistaires.

Reigle 18.

Quand on veut purger, il faut considerer l'estat de la lune, & son aspect, car elle estant en Cancer, & ayant triple, ou fertil aspect avec Venus, il sera bon de purger la colere, & si elle est avec le soleil, le flegme: & avec Iupiter, faut purger la melancholie laquelle chose tu feras si tu donnes des bolus ou pilules. Et si tu les veux purger par breuuage, vse de ces mesmes aspects en scorpion: fais le semblable en Pisces si tu donne des pilules. Et si deux planettes en vn mesme temps sont avec la Lune par ces mesmes aspects, on pourra donner deux purgatoires. Exemples, si la Lune est avec Venus & avec le soleil, par tiers ou sextil aspect, la cholere & le flegme ensemble pourront estre purgez, & en vn instant.

Reigle. 19.

Ceux qui ont Mars en la racine de leur natiuité en Aries, ou en la triplicité, sont

coleriques. Les fiebures chaudes les assail-
lent souuent, pour cause de l'abondance
de la colere & frenaisie, ampoules plei-
nes de sang, feux volages, gratelle ou en-
trac ou charbon, & les apostumes qui
engloutent & succent la chair, & aussi le
feu sainct Anthoine. Lesquelles ne pou-
uans estre euitées totalement il faudra
certes que le medecin ou le Chirurgien
tasche de chasser la maladie, selon les rei-
gles que i'ay dictes touchant la qualité
des signes.

Reigle 20.

Semblable car est de ceux qui ont mal
colloqué mercure en la maison de mars.
Laquelle chose estant ainsi trouuee en la
natiuité tu diras qu'il est subiect à fièvres
chaudes, apostumes pleines de sang, chā-
cre, jaunisse, ou mal du roy, feu de sainct
Anthoine, esbloüyssemēt de veuë auant
le temps: en outre des pensees & pertur-
bations fort horribles, si esdicts lieux &
signes ne suruient l'attrempance de Ve-

nus : ou celle de la lune , & cela est escoleriques.

Reigle 21.

Les flegmatiques ont autres maladies. Ils ont souuent les fièvres quotidiannes & sont fort tourmentez du froid : laquelle chose on cognoist par l'urine : car si elle est espoisse & souuent cruë , il leur faut commander faire exercice & qu'ils ne mangent point de chair grasse , ny de moüelle de porc , ny de fromage , ny laict ny moüelle , ny ceruelles de bestes.

Reigle 22.

Saturne faict avec la Lune epilepsie colere noire , ladrerie , fistule , morphee , gouttes ou douleurs de pieds , & souuent des maladies temporelles. Lesquelles aduenās , il faut besongner tout bellement. Et ne dois point cōtrarier à telles influences des astres , si la medecine n'est de telle vertu & efficace , que de toute la puissance & force , elle tasche & s'efforce à dechasser le mal , & le delia signer

totalement. Item si aucun naist en la cō-
iunction du Soleil : & de la lune, ceste
natiuité est tousiours mauuaise : car elle
faict que les gens sont en vicillesse dan-
gereux, gés d'espees, subiects à maladies,
debiles, foibles d'entendement, & telles
maladies lesquelles difficilement sont
guerries, par les medecins.

Reigle 23.

Si nous considerons le mois auquel
aucun est nay, selon le cours du soleil, fa-
cilement nous cognoistrons quelle ma-
ladie le tourmente: Exemple. Aucun est
nay en Scorpio, tel sera en dāger d'auoir
mal aux épaules, & aux mains: les doigts
& les mains retirez. Si c'est vne femme,
elle aura douleur de ratelle & d'esto-
mach. Ceux qui sont naiz au Cancre, se-
ront grateleux, & auront playes & am-
poules, principalement s'il ont le Can-
cre en l'ascendant. Les femmes auront
trenchees de ventre, & seront en danger
des eaues. Ceux qui ont le Taureau, se-

rôt malades pres du gosier, & aussi plusieurs autres douleurs de corps, & viendra cela principalement es mauuais ans & mois deuant dits. S'ils ont le Lyon, ils auront douleur d'estomach. Ou s'ils ont Aquarius, ils seront tourmentez des fieures continuelles. Laquelle chose nous auons aussi touché par cy-deuant.

Reigle 24.

Cecy aussi est la chose la plus principale & souueraine, ne seruant point tant au malade qu'au medecin, c'est à sçauoir. Si le malade à saturne, ou Mars en la septiesme maisõ, il ne luy faut du tout auoir aucun medecin ny medecine, combien que le seigneur de celle maison soit malheureux.

Telle est l'opinion de Galien. En apres si le medecin est saturnien, ou Mercurial, quel en la fin sera le malade? On a trouué, que ceux la sont naiz pour destruire l'humain genre. Et certes il est impossible que iamais aucun ils puissent

guerir, ou qu'ils facent quelque chose heureusement, sinon par aduenture aux hommes laiz & rustiques.

Nous auons cogneu vn tel homme, fort sçauant, & biē renommé enuers les Princes: touchant à ce qui concernoit l'art il ne luy en defailloit rien: mais luy estant appelé vers les princes ecclesiastiques: prestres & gentils-hommes, oncques il ne leur fit chose profitable, & toujours estoit deceu de son entreprise, & en tua la plus grand partie: mais il n'auoit rien affaire vers les laiz. Tu vois dōc dequoy seruent les planettes à ces choses, & autres. I'oserois bien affermer que si quelqu'un à Mars avec Venus en la maison sixiesme, il sera tres bon medecin: & ne se doit tel persōnage, occuper à autre chose. Je pourrois bien pour tesmoings alleguer des gens honorables, & medecins lesquels facilement & sans peine, ny labeur guerissent les malades: & autres y ont tant de peines: qu'avec
leurs

leurs efforts & diligence, n'aydent aucunement. Lesquels ie ne veux nommer, afin qu'on ne die que ie m'esdis d'aucun & le blasme. Ces choses sont dictes en peu de paroles & sommairement, non pas que nous voulions icy exposer par le menu toutes choses. Qui cela pourroit faire en si peu de parolles? Mais afin que nous donnions occasion aux Medecins, ayans entendu & cogneu l'vtilité de l'astrologie, ils viennent à l'embrasser (comme l'on dict) avec les deux mains: & n'apprennent seulement à guerir & secourir les malades selon qu'ont escrit les deux homes en leurs receptes & leurs diettes, mais sçachant par leur esprit & entendement distribuer & gouverner par raison toutes choses & ce sans la medecine. Certes tous les malades, ne sont pas de telle complexion, qu'ils puissent supporter breuages de medecines. Plusieurs peuuent estre gueris par diette, & plusieurs par l'esgard qu'on a aux signes,

Q

peuvent estre remis en santé. Se moquent de nous qui voudra principalement les ignares, & non sçauans. Certes nous auons escrit de pur & entier courage ces choses: esperans en brief vous en donner de plus grandes. Nostre vouloir a esté de mettre en auant les choses generales, premierement & en apres celles desquelles depend la somme totale de l'affaire.

E P I T O M E O V E X T R A I C T
de ce que chacune des Planettes faict & oeuvre en la nature & qualitez des hommes.

NOus auons tasché iusques icy de cognoistre les esprits & entendemens des hommes, par la disposition & ordonnance des membres, & maintenant que totalement nous considerons la chose nous retournons, aux planettes: afin que si d'auenture nous: auons laissé à dire quelque chose auparauant, ou si elle est trop nonchalamment & avec peu de grace dicte,

cela puisse apparoir par le regard & consideration des planettes, S'il y à quelque vn (comme dit le prophete) qui trouue le cœur de l'homme, tant variable, & aussi difficile à cognoistre que plusieurs autres choses, de combien plus deuons nous essayer à trouuer le moyen pour le cognoistre & en auoir parfaicte intelligence? Or il y a quelque chose adioustée à l'efforcement de l'homme, quand on essaye vne chose par vn moyen ou deux. Et aussi ce que nous auons peu faire par phisionomie, nous le ferons de tout nostre pouuoir en l'Astrologie naturelle, & ce tres-briefuement. Certes ie n'ignore point que ces choses long temps a n'ayēt esté traictées & plus au long declarées par autres. Mais ce qu'ils ont dit en plusieurs parolles nous le declarons sommairement & briefuement. Et à vray dire, c'est chose digne de loüange de premierement controuuer quelque chose & en estre auteur: & descrire tellemēt

Q ij

ce qu'on à inuenté, qu'il puisse estre bri-
vement entédu de plusieurs. Et afin que
ie ne sois veutrop long en parolles, en
cuidant parler sommairement, il est ne-
cessaire de declarer de quelle nature est
vn chacun des Planettes. Le Soleil est
chaud de sa nature. La Lune froide &
humide, Saturne froid & sec. Iupiter
chaud & humide. Mars est chaud & sec.
Mercure est indifferent. Or afin que
nous nous arrestions icy dauantage, sça-
chez que Mars est tousiours chaud quel-
quesfois vn peu aucunesfois plus fort au-
trement il est tousiours sec: comme l'on
peut bien voir au cercle de son excentri-
que ou exaltation, en signe humide, &
certes alors il est sceu humide, pres la-
quelle chose il aura plusieurs tesmoigna-
ges de son humectation. Mais il est forti-
fié és qualitez actiues, quand il sera ascē-
dant au cecle de son eleuation. Iupiter
& Venus eschauffent & humectent mo-
derément. Toutesfois Venus avec tem-

perée frigidité. Mais s'ils sont ascendants
le temperamment de chacune chaleur
naturelle, se fortifie & s'affermist l'une
apres l'autre, & s'ils sont descendans,
leur humidité naturelle est affermie &
corroborée. Semblable chose est du So-
leil. Quand à Mercure, il en faut auoir
autre opinion, car à cause qu'il n'est
pas fort sec ny trop froid aussi, neant-
moins il est tant plus chaud en montant,
& sec pour cause de sa pesanteur & sei-
cheresse, & au contraire en descendant
il est plus humide, entremeslé de peu de
froidure autrement il est plus mobile
que toutes les autres Planettes, selon la
nature du lieu où signe où il est. Or donc
si tu veux iuger bien, regarde la planette
qui est seigneur de la natiuité. Exemple.
Posons le cas que le Soleil soit en Leo au
temps de la natiuité de Pierre: en ce cas il
ne fera permis à aucun de contredire
que Pierre ne soit de complexion chau-
de & quelque peu seiche & par cela il le

Q. iij

faict prudent, sage, honneste, noble & excellent, & acquerant communement gloire & Empire. Le Soleil est aussi seigneur des autres planettes, à ceste cause il est situé au milieu d'elles, comme leur Roy. Autre exemple. Que quelqu'un soit Lunatique. La Lune est humide & eschauffe quelque peu, celuy donc qui sera ainsi n'ay, sera attaché d'epilentie & mal caduc. Pareillement si quelqu'un est subiect à Saturne, il refrigerere & deseiche aussi, & par cela le faict mespriser pensif, triste deietté solitaire, craintif, soupçonneux, enuieux & infertille. Iupiter à cause qu'il eschauffe tempere-ment, & humecte, donne prudence, concorde, religion honnesteté, douceur & benignité. Mais deseichant & brulant, aussi enflame la colere & la fureur: il donnent bon courage & hardiesse, force, orgueil, cruauté & arrogance. Venus pource qu'elle eschauffe peu, mais elle humecte plus qu'il n'est necessaire, elle

fait l'homme grand yurongne, oyseux, paillard, doux, paisible & ioueur. Le seul Mercure, comme nous auons dict, estant cōme vn Vertumus, qui se change à tous vents, maintenant sec & tantost humide & froid: fait des choses inconstantes, & à ceste cause aucunesfois tres-mauuaises. En apres nous demonstons, comme on pourra cognoistre le seigneur de la natiuité, aux choses suivantes. Ces choses dictes non point par maniere de commentaire, mais comme petits enseignemens briefuement escripts soient suffisantes & pour contentement.

Fin du quatriesme Liure.

PREFACE SUR L'ASTROLOGIE naturelle de Ioannes indagine.

E pourrois par aduenture estre reputé temeraire & indiscret, si ie taschois ou m'eforçois de faire ce-

Q iiiij

la que peu de gens ont fait deuant moy, en
debatant touchant l'astrologie naturel-
le. Car ie voy tous les autres auoir tourné
leur entendement à la theorique, parce
qu'elle est vn peu ciuile, mais bien peu
ont ensuiuy la nature & changement de
temps, par les voyes naturelles. Certai-
nement combien que Iulius, Frimicus,
soit le principal en c'est art naturel & ar-
tifciel, & n'aye laissé aucun apres luy sça-
uant, neantmoins en passant il n'a pas
tant traicté que feint & dissimulé de
tout son pouuoir & à tout son pouuoir
& à son escient, a faict cela par aduentu-
re parce que ce n'est point chose de grã-
de importance d'estre naturel Astrolo-
gue, mais c'est grand honneur & louã-
ge estre sçauant en l'astrologie Artifi-
cielle, Combien que, fauf la reuerence
de vous messieurs les sçauans, plus de
louenge est deüe à la naturelle, qu'à l'arti-
ficielle, en partie pour autant qu'elle est
plus fidelle & moins superstitieuse, en

parties aussi parce qu'elle ne nous peut pas facilement decevoir, mais dequoy sert il suiure les choses curieuses, veu qu'à peine pouuons nous trouuer en cerchâs celle qui sont deuant noz yeux, & aussi qui ne sôt point affermées d'aucuns principes, & n'est chose certaine si elles sont vrayes ou faulses à la maniere qu'est veuë estre artificielle, laquelle n'est pas commune au iugement des hommes.

Mais la naturelle combien qu'elle soit deiettee & indiscrette, & à la volee reniee, neant moins l'experience nous cōduict iusques là, que celuy qui l'a dict estre vaine, trompeuse & fauce, il est destinée de son bon sens: car plus nous voyons de bonnes choses excellentes & renommées, auoir esté par elles cognéës, que par l'artificielle. De ce nous prenons en tesmoing Iean Liechtéberg, homme non moins sçauant que Ptolomee: mais qui est celuy qui n'a eu en admiration & reuerence cest homme, le.

quel à esté daucuns reputé, prophete? Celuy m'a manifestement accordé, qu'il tenoit & deuoit toutes choses à l'astrologie naturelle, mais à l'artificielle, iamais il ne luy auoit rien attribué, & s'aydoit quelque peu de Physionomie & de Chiromance. Je dy cecy, non pas que ie vueille diffamer Firmicus, ou les autres grands Princes de ceste science, Albumasar, Dorothee, Aboali, Abraham, & dire quels ils sont, mais parce que i'estime plus ceste mienne naturelle, que l'artificielle, d'autant qu'ils sont plus à estimer les choses venant de la nature, que celles qui viennent artificiellement. Et combien que ce nom soit fort odieux à plusieurs & aussi defendu par les papes de Rome, qui n'ont accoustumé approuuer quelque chose touchant ce faict: neantmoins ce n'est autre chose qu'un parfaict acheuement de Philosophie naturelle. Mais que te semple l'Astrologien? autre chose

faire quand il predict les chose à venir ,
que signifier & mettre dans les hommes
par prophetie, les plus secrets de nature,
à Dieu tant seulement cogneues? nous
auons la diuine volonté de son conseil.
Iosephus. Eusebi, Dicearchus, Theodo-
tus, & les autres auteurs Grecs, l. s. quels
Iosephus allegue contre Apion Gram-
merien appellant Moyse & Abraham
Astrologues, mais quel besoin est il d'al-
leguer ceux-cy, veu que manifestement
l'escriture le dit? Stephanus, dit Moyse
fut instruiet & enseigné de toute la sa-
gesse des Egyptiens, puissant en faits &
en dits. Et outre, escoute que dict le Pa-
triarche Ioseph à ses freres, de soy-mes-
me: Ignorez vous mes freres, qu'il n'y ait
quelqu'vn pareil à moy en la sciéce d'au-
gurer? Qu'est-il plus certain que ces tes-
moignages, le laisse d'amener Origene,
auteur tres-chrestien lequel dit que les
Cisternes creusés par Ysaac en terre sont
la Philosophie, ainsi faicte studieusemēt

par le Patriarche. Toutes-fois nous ne
loüons celle de toutes les loix & les repu-
bliques ont condamnées, & ne faut croi-
re que les hommes saints y ayēt estudié,
mais nous estimons celle là laquelle est
fondée par certains principes, & laquel-
le apprennēt tous les sages, & aussi ceux
qui sont studieux des choses celestes &
l'ensuiuent, laquelle est plus haute & plus
diuine que toute philosophie, & certes
c'est la hautesse & la fin du but de Philo-
sophie. Autrement, à quoy seruiroit tant
longuement regarder les estoilles & les
mouuemens des Cieux, & enquerir par
philosophie si aucune chose n'est total-
lement ce que par leurs mouuemens les
signes & les planettes font? Toutes fois
dequoy serviront ces mouuemens, veu
quel'on tient pour certain que Nature
ne fait rien en vain. Dont vient ce que
és croissances des herbes, au coulement
de la mer, & retour du lieu duquel elle
est partie, es verdoyemens, sur le prin-

temps où choses nouvelles sont produi-
tes & crée par l'influence des Astres.

Ils ne sçauroient bonnement nier. Ce
donc qu'ils donnent & attribuent à tou-
tes choses, ne le donneront ils tant seu-
lement aux seuls corps humains, veu
qu'ils sont des elemens plus que nulle
autre chose? Quel monstre est cecy? Di-
sons encores autre chose, à fin qu'aucun
n'y cuide point que ceste nostre Astro-
logie s'accordent avec celle qui est def-
fendue.

Iamais homme ne monstra public-
quement celle astrologie superstitieuse
& artificielle, qu'elle ne luy tournast en
confusion & ignominie, mais ceste na-
turelle a esté cogneue & pratiquée par
gens sçauans & tresbons, & ce avec grād
loüange & honneur. pitagoras, qui e-
stoit presque le guidon de celles sciences
n'adiouta oncques foy à celle Astrolo-
gie defendue, resmoing Diogenes Laer-
tius en sa vie, & aussi Plutarque Senec-

que s'en mocqué : Cicero la dechasse ,
Aristote & Platon la desprisent : & cer-
tes elle leur sembloit tant vtille & indi-
gne qu'ils n'en parlerét iamais. Et à brief
dire, tout ainsi qu'elle n'est prouée par
aucunes raisons, pareillement elle n'est
affirmee par certains auteurs : Mais la
nostre a esté inuentée par les gens excel-
lents & renommez , & par iceux a eu
grand bruiet & a esté illustrée, & prin-
cipalement elle a esté celebrée par ces
auteurs Xalmosides Zoroastres non
pas celuy par aduenture que l'on cuide,
mais cestuy fils de Soromastus, Damige-
ronta, Appollonius, Hostanes, Darda-
nus, Eudoxus, Alchindus & Roger, qui
aussi furent inuenteurs de la Magie, &
de ceux de nostre pays Lietembert, mi-
racle de nature. Ceste science est plaine
de tres-grands mysteres, & comprend la
contemplation tres parfonde de ses cho-
ses tres-secrettes, & tout le don de natu-
re ne fera pas choses tant admirables,


qu'elle aydera à nature faisant soigneusement son operation. Et tout ainsi que la defenduë, seruant aux aduersaire de Dieu nous destourne de Dieu semblablement la naturelle esmeut en admiration des œuvres d'icelle. Et à la maniere que le Laboureur couple les ormes aux vignes, aussi ceste-cy couple & marie la terre au Ciel, c'est à sçauoir les inferieures aux vertus superieures.

Certainement il n'y a chose aucune qui plus incite à honorer Dieu, que la continuelle contemplation des merueilles de Dieu. Et à causes qu'en ces narrations nous esmeuuent quelque peu les dicts des Sages & doctes, nous vous admonestons aussi en passant à lire le troisieme liures de Marcilius, Ficinus, homme certes tres-graue, lequel est intitulé, le moyen d'acquérir vie du Ciel, vous cognoistrez sans doute, que nous n'auons encores iusques à present, dict la moindre partie de ceste science plus que diui-

ne, & ne la pouuons dire, tout ainsi que les choses qui sont diuines, ne sont iamais assez recommandees. A l'occasion de quoy en passant nous disons ces choses, pour cause de ceux qui condannēt toujours les choses qui leurs sont cogneuës lesquels soudainement declarent vne chose estre heretique, s'ils ne la peuent entendre, ou s'ils voyent qu'elle soit cōdemnez par les Sophistes indoctes & non sçauans, comme si l'Astrologie est mauuaise ou heretique, pourceque saint Thomas d'Aquin la mesprise. Mais crient tant qu'ils voudront & errent ou se trompent beaucoup toutes-fois nous monstrerons ce que nous auons promis seulement le chemin, lequel toutes-fois sera si ouuert, que celuy qui y sera vne fois entré, facilement pourra cognoistre par le moyen de ses petites choses les plus grandes.

Or donc afin que nous ne facions quelque chose obscurément, & couuertement

tement & que nous ne tröpions & abu-
fions ceux qui sont encores ignorans en
ceste science, veu qu'on a tant souuent
parlé des maisons des Signes, del'horos-
cope de l'ascendant, des Seigneurs, de la
geniture ou des Signes nous determine-
rons briefuement qu'elle chose chacun
d'iceux signifie selon l'opinion de Iulius
firmicus.



R



BRIEFVE DESCRIPTION

del'astrologie naturelle faicte
par Iean de lidaigine.

Liure cinquiesme.

AVant toutes choses il nous
faudra confuter par raisons, cela
des planettes, si par aduenture aucun
Mathematique, nous veut calomnier,
à cause que nous ne attribuons pas tant
aux autres planettes comme nous fai-
sons au Soleil, & à la Lune & mettons
la somme de la chose, tant seulement en
ces d'eux. Sçachez qu'elles ont autant de
force que toutes les autres. Et qu'au So-
leil est d'eu le gouuernement du iour &
à la Lune de la nuit. Et n'est besoin à au-
cun de prendre garde aux autres & est
celle difference par laquelle sont discor-

dantes l'Astrologie naturelle & l'artificielle, Certes ce que l'artificielle separée à part particulièrement de chacune des planettes, & de l'esgard qu'on à aux horoscopes la naturelle la faict par vne seule consideration du mouvement du soleil, & de la Lune. Toutes fois sans cela tant sont Aliées ensemble l'un & l'autre, qu'à l'un sans l'autre ne peut bonnement estre apprise. Celuy ne perdrà point son temps qui conioindra l'un avec l'autre, non point tant pour cause de la science, qu'aussi pour amour de la delectation. Car certainement la naturelle a ie ne scay qu'elle grace bonne, d'auantage que l'artificielle, combien que l'on trouue l'autre plus excellent. Or voyons maintenant que c'est que maison.

Qu'elle maison.

La maisõ est aucune espace du firmament mesuré par certains degrez par lequel espace les planettes se meuuent. Et ainsi dire par


R ij

similitude: car tout ainsi qu'en vne maison il y a quelque demeure, pareillement les planettes ont au Ciel, c'est à sçauoir au firmament, aucuns lieux par lesquels elle se meuuent & esquels aussi elles font leur residence. On nomme ces lieux la discription des signes par trente degrez, car chacune maison à signe & trente degrez.

Nombre des maisons.

Il y à douze maisons au Ciel, lesquelles iusques à present les Astrologues ont reduit en memoire par vers commus en rythme, & certes nous n'auons pas trop de crainte de les mettre icy, car ils aydēt à s'en souuenir & sont tels.

LE NAIZ VAIN PERE, FRE-
re, fils, maladie femme, mort, voyage,
domaines, fortune charité,
infame.



L'interpretation de ces choses.

La premiere maison est celle de la vie.

La seconde succedante, est des biens & de la substance, aucuns la nommēt la porte d'Enfer pour cause que le lieu n'est pas conuenable.

La 3. tombante est la maison des freres.

La quatre le profond du Ciel, l'angle de la terre, & la maison des parens.

La cinquiesme succedante dicte ioye de Venus, est la maison tombant, si de fortune contraire, de la fortune des seruiteurs, de maladie, est dictela ioye de Mars.

La septiesme respondant du premier diametre du lieu, est la maison des nopces, & manifestes ennemys.

La huictiesme succedante, est de la mort.

La neuuiemesme tombante, est de religion ou de grands voyages est dicte la ioye du Soleil.

La dixiesme qui est le milieu du Ciel, est des Royaumes & maistrises.


L'vnziemesme succedante, est la maison de grande fortune est la ioye de Iupiter.

La douziemesme est des chartres & prisons, & est la ioye de Saturne.

Des Gons du Ciel.


Entre les douze maisons, il en a aucunes qui sont nommées les gons, ou points du Ciel c'est a sçauoir la premiere, la dixiesme, la septiesme, & la quatriemesme. Le premier Anglet d'Orient est la maison d'Aries, & l'horoscope de la natiuité. Le second anglet tient & procede le milieu du Ciel, & est la maison

de Capricorne. Le tiers anglet est d'Occi-
dent par diametre. Et le quart selon
l'oppinion des Firmicus, & le bas du
Ciel. En ces choses depend quasi tout
le iugement, & sont les principaux an-
glets: & ont les planettes plus grande ef-
ficace en iceux que es autres.



Le milieu du Ciel,

Orient.



Occident.

Le bas du Ciel.

COMME L'ON DOIT PREN-
dre le commencement de la
Natiuité.

Je pense que ce seroit chose supersti-
 tieuse, de dire beaucoup de choses inuti-
 lement, du cōmencement de la natiuité
 veu que cela appartiēt plus à l'astrologie

artificielle : c'est à sçauoir de la cheute
ou effusion du sperme en la matrice de la
femme : & de l'oroscope de la natiuité ,
car c'est d'une autre complexion
comme nous auons dit. Certes
nous reiglerons & dresserons nostre in-
tention & volonté au Soleil & aux Si-
gne, auquel le Soleil le iour de la natiui-
té, car autant à de vertus, le Soleil que
routes les estoilles comme escrit Ptol-
mée.

Nous descrirons appertement les
choses lesquelles nature & longue expe-
rience nous a démontrées, & laisserons
passer toutes les supertitieuſe.

De l'effect des Planettes.



Vant toutes choses il faut
traicter de la nature des
planettes de leurs effects,
& qu'elle chose elles font
en vne chacune maison, de laquelle cō-
bien que nous ayons parlé en nostre
Ostocedronte toutes-fois ie n'ay pas
honte d'en parler encores icy en passant.

Si aucun naist depuis le dixiesme
ou vnzieme iour du mois de Mars, la
ou communement le Soleil entre en
Aries & demeure l'espace de trēte iours,
ou trois faces audit signe. Et ainsi ius-
ques au dixiesme ou vnzieme iour d'A-
uril, Mars trouué au iour de la natiuité
comme ainsi soit qu'il est de la nature du
feu & Aries pareillement il augmente la
chaleur & courroux & totalement tou-
tes les autres petites affections,

plus que s'il estoit en vn signe aquatique,
ou en vn terrien.

Saturne est par tout & principalement
en la sixiesme, huietiesme, ou deuxies-
me, autheur de malheurs, labeurs, & ma-
ladies.

Venus temperée & moderée faict l'hô-
me amoureux des femmes, des ieux,
des chantres, des bouquets, & d'autres
choses appartenans à la ioyeuseté.

Mercuré est d'honneur de sagesse &
d'eloquence, de loix, de Rethorique, &
œuvres subtiles, de marchandise & cho-
se semblables.

La Lune engendre forcement, ou met
les gens hors du sens, inconstance, humi-
dité & paresse.

Iupiter estant aux anglets, est autheur
de beauté, richesses, honneurs & admi-
nistratiō ou maniemēt de quelque chose.

Le Soleil en l'ascendant, ou es angletz
rend l'homme honoré, grand & entre
les princes renommé.

Les signes de beauté, sont Gemini, la Liure, la Vierge, & la premiere partie de Sagittaire.

Les signes de moyenne beauté, sont le Scorpio, Capricorne, & les poissons.

Les signes steriles, sont Gemini, la Vierge, & le Lyon.

Les signes faisant faute de faut & disette d'enfans, sont Aries, Taurus, Libra Sagitarius, Capricorne, Aquarius.

Les signes moyens & sans voix, sont Cancer Scorpio & pisces.

Les signes raisonnables, sont Virgo, Libra, Aquarius & Gemini.

LES QUALITEZ DES SIGNES

sont ces cogneües de tous, ce me semble.

Les signes chauds, secs de nature de feu sont Aries le Lyon, & Sagittaire.

Les signes froids, secz, terriens & melá-

coliques, sont Taurus, la Vierge & Capricorne.

Les signes froids humides, & aqueux, c'est à dire d'eau, sont Cancer Scorpio, & les poissons.

Les chaudz humides, & aërez, sont Gemini, Libra, & Aquarius & ainsi trois signes sont tousiours d'accord en vne nature & font vne triplicité.

Pareillement aussi les planettes ont aucune puissance en leurs propres maisons.

Aries & Scorpio, sont la maisõ de Mars. Taurus & Libra, sont la maison de Venus Gemini & Virgo sont la maison de Mercure. Sagitarius & Pisces, sont la maison de Iupiter. Capricornus & Aquarius, sont la maison de Saturne. Le Soleil tient vn seul domicile, qui est le Lion la Lune possede le Cancer

Les signes ont aussi leurs propres signification es corps humains de la crea-

tion des membres.

Aries à le chef & la face, du corps de
l'homme

Taurus tient le col & le nœu du gosier
& de la gorge.

Gemini à les espaulles, les bras & les
mains.

Cancer tient la poitrine, & le cœur l'es
tomach, les costes, la ratelle & le poul
mon.

Le Lyon occupe l'inferieure partie de
l'estomach du doz & des flans.

La Vierge à la ventre, le diaphragme
qui est vne peau faisant separation d'en
tre le cœur & les poulmons d'une part, &
les intestins inferieurs d'autre : & tien
aussi les boyaux.

Libra tient les rongnons & les par
ties basses du ventre, avec le nombril.

Scorpion, tient les parties hon
teuses, les genitoires, la vessie, & le
cuisses.

Le Sagittaire occupe les fesses & ce qu

est fuyuant.

Capricornus à les genoux.

Aquarius tient la iambe depuis le genou iusques aux pieds.

Pisces à les pieds & les talons, que nous appellons les cheuilles des pieds.

*Du Soleil & de la Lune chose
digne d'estre notée.*

A celle fin que cecy ne degoiue aucun, ie n'ay point opinion passer outre sans parler du Soleil & des la Lune, Lesquels combien qu'ils soient princes des Planettes, toutes-fois il ne prennent les domaines d'aucune natiuité. Exemple. Si la Lune est en Gemini, au temps que n'aist l'enfant, ou bien au Cancre, qui est sa maison, elle ne prend là aucun domaine, mais la planette de la maison fuyuante, luy est contée en domaine. Semblablement si aucun n'aist le Soleil e-

stant au Lion combien que le Soleil soit seigneur du Lyon neantmoins il pert la son domaine : & est donné à mercure seigneur de la maison ensuyuante c'est à dire de la Vierge. Or la Vierge suiuate apres le Lyon est vn signe & Mercure est seigneur de la Vierge. Item si la Lune est trouuée en la Vierge. Adonc Venus est Dame de la geniture, pour cause de la Liure luyfant, duquel signe Venus est Dame & maistresse. Il ne sera chose inutile d'admonester cecy, dont ie voy communement faire doubte: c'est que les planettes mauuaises, qui sont seigneurs, comme Saturne & Mars, ne sont pas si pernitiueuses en leurs propres maisons comme desia tenant les tentes & pavilions des autres. Je donneray vn exemple du premier signe, à celle fin que les choses precedentes soyent mieux cogneües. Posons le cas que le Soleil soit en Aries au temps de la natiuité d'aucun, tu as desia cy-deuant cōgneu.

gneu de quelle nature es Aries, & en
outre que c'est qu'il faict, en ces choses
desquelles il tient l'oroscope. Adioints
puis apres le Seigneur du signe qui est
Mars Mets donc Mars avec Aries en l'e-
rection de la figure : & puis tu iugeras
que l'enfant ainsi nay sera de longue vie,
Nonobstant Mars qui est si mauuais,
toutes-fois il ne respand pas si fort sa
malice comme en vne autre maison,
sinon qu'il menace, pour ce de couteau,
ou de soudaine maladies, à cause du
Scorpion & Mars estant en la huitief-
me maison. La maladie aussi ne nuyra
pas iusques à faire mourir. Ces choses
sont dites par demonstration. Sembla-
ble chose disons de Saturne en Capri-
corne, ou Aquarius. Et afin qu'on ne
pense que totalement nous desprisons
l'Astrologie artificielle qui est necessai-
re à la naturelle aussi, par ce que la force
des Signes fera par nous declarez, nous
parlerons premierement del'artificielle,

S

à fin que si d'auanture defaut a aucun Firmicus, & les tables, qu'ils aye l'Astrolabe plein, auquel estant regardé l'ascendant de l'heure de la natiuité, il puisse proferer iugement & sentence, par le moyen de ces choses: & apres ce nous traitterons de l'Astrologie naturelle, en certain ordre, & autres parolles, lesquelles toutes-fois ayderont à l'artificielle aussi, & luy profiteront.

De la premiere maison & horoscope en Aries.

Si tu demande, comment ceuvre en nous l'horoscope en Aries: Je t'aduerty faut premierement, comme desia cy-deuant i'ay faict, que les Astres ne nous contraignent, mais si nous sommes desja enclins il nous tirent a leur nature, qui toutes-fois sont si francs que si nous ensuyuons raison pour nostre Duc, il ne font rien, mais sinous suyons nostre nature seulement ils operent

& font en nous, quasi comme escho-
se brutes.



L'enfant ainsi nay en Aries sera florif-
fant: en sa ieunesse, il perdra ses freres, &
mourrons tous, par aduventure iusques
à vn seul, si toutes fois la forune dict
bien: son heritage se changera & sera in-
cōtinēt apres l'auoir acquis, dispersé, &
puis apres soudain recouuré, il sera en-
clin & subiect à douleurs de teste, plus
que aux autres maladies car Aries
regarde sur tout la teste, il ayder

S ij

le plus souuent à gens ingrats, & fera cela si Aries est en l'oroscope, Apres auoir regardé l'oroscopoe, il faut considerer les anglets desquels nous auons parlé, si nous voulons sçauoir, combien il ya de Signes en vn chacun. Et puis incontinent il est facile de compter ou calculer avec ses petits doigts ou avec la figure dressée. Exemples. Aries estant en la premiere maison, il aduient aucunes fois que Canser possede le bas du Ciel, Capricorne le mylieu, & Libera l'Occident.


Maintenant il faut declarer ce que promettent les gons du Ciel

Capricorne estant au milieu du Ciel, iuge grands honneurs & biens, grandes despences, excellence d'estat, les secrets de religion, finesse de l'esprit & entendement.

La liure estât en la partie d'Occidēt decerne la vie, & les conditions de la court royalle, laquelle vie tout ainsi qu'elle est

approuuée de peu de gēs, & est incōstant
& variable, semblablement fera l'hom-
me demis de sa dignité: & celuy qui vn
peu auparauant residoit au chef, fera in-
continent constitué en la queue: puis par
fortune luy riant & ioyeusement l'ap-
pellant soudainement il sera tourmenté
de diuerses miseres: & n'aura aucune ay-
sance ou commodité, qu'elle ne soit ac-
compagnée de fascherjes: & accouplée
auec pertes & dommages. Et à cela l'es-
mouueront ses compagnons, par enuie
meschante: Mais tout celuy dommage
& iniure sera recompensé par Cancer c-
stant au bas du Ciel. Nous auons icy-mis
la figure: afin que tu regardes toutes
choses parfaictement.

De la seconde maison & horoscope
au Taureau.



En l'ordre des signes droittement apres
Aries vient le Taureau : & est mis en la
figure en la seconde maison : qui est (cô-
me nous auons dit) des biens & sub-
stance. Si donc aucun veut bien cognoi-
stre s'il sera riche en son premier, second,
ou tiers lage, il iugera selon les tripaes
seigneurs & leur assiette ou collation : &
de ce nous parlerons à la fin, mais main-

tenant nous descrirons les choses generales.

Si l'horoscope est au Taureau, nous concludrons en telle sorte, c'est à sçauoir que l'homme sera de grand trauail soucieux, & en grand soing pour acquerir richesses, facile & addonné à les auoir, & aussi enclin, & prompt à les perdre, bien heureux & vainqueur de les aduersaires.

Aquarius estant au milieu du Ciel, faict l'homme agreable aux Princes: & l'ordonnera aux affaires & offices publiques, & par aduenture aussi aux charges, qui concernent le faict des eauls, pour cause qu'il y semble estre fort adonné.

Le Scorpion estant en la partie d'Occident, faict l'homme prudent, courageux, seruiable: s'il est homme il perdra sa femme, & si c'est vne femme son marry mourra & son fils aussi.

Si le Lyon est au bas du Ciel, il acquerra


S ii ij

patrimoine, lequel il aura nonobstant
les empeschemens & efforts de ses pa-
rens & prochains.

De l'oroscope en Gemini.

Si quelqu'un a son horoscope en Ge-
mini, il proposera, & aura bonne for-
tune de ses parens, freres, amys cousins
& des Seigneurs & des Princes.

Si quelqu'un à au mylieu du Ciel les
Poissons, il viura de choses humides, &
aquatiques comme dit Firmicus: com-
bien que certains espace de temps il vi-
ura du bien d'autrui & ne luy seront di-
tribuez les alimens de son bien à ceste
cause il aura gages & foulde d'aucun
prince, ou de la cité.




Si le Sagittaire est en Occident il menace au contraire la mort à ses freres, cousins & aliez : à ceste cause il aura l'esprit empesché de diuers soucis, & fera long temps en grand peine & trauail, & plus viendront ces ennemys à gros monceau, ruant sur luy, & bruyans & avec ce vne mer de miseres, & mal'heurs, qui le le contrainoit à abandonner son pays, & ira en exil : comme Cain, dechassé iusques à tant qu'il soit restitué en son premier estat par l'ayde de Dieu.

La Vierge menace de chose semblable, si elle est au bas du Ciel. Mais il accroistra ses biens, & fortune, par la varie-

ré des temps & accroissement selon la
condition de ses incommoditez &
mal'heur.

De l'oroscope au Cancere.



Le Chancre estant en l'horoscope,
'dispole ainsi touchant les choses, natu-
relles & toute fortune. Il faict l'homme
de vif & subtil entendement: combien
qu'il soit vn peu tardif, doux paisible,
tranquille, facile à se courroucer, &
poursuiuant courageusement les mel-
chans mais son couroux s'appaise facile-
ment & soudain, il est fort attrempé &
graué, par lesquels dons & graces il sera
tant esleué, qu'ils sera chef d'aucuns offi-
ces publiques, desquels il viura. Aucuns


se soubmettons à luy, & par contrainte
luy obeyront, & le flateront, mais se fera
feintement, & non pas de bon courage.

Saturne luy est contraire, & fort nuy-
sible s'il se vient assembler avec l'horos-
cope, ou bien s'il le regarde seulemēt de
trauers, il luy predict la mort non pas tāt
seulemēt violente, mais grieve maladie
aussi & la mort de ses freres. Neant-
moins si Aries est au milieu du Ciel, il
luy resiste de tout son pouuoir, & le faict
aggreable aux Princes, & grans sei-
gneurs, & studieux des bonnes choses &
aussi dissipant son patrimoine & le re-
couurant avec.

Capricorne en la partie d'Occident
de semblable douceur & bonté, fera
l'homme infame, & puis luy oste celle
tasche peu apres quand il a eu plu-
sieurs malheurs & infortunes, en le fai-
sant remettre en son estat & digni-
té premiere. Et luy donnera

vehemence, & courage d'enquerir
les choses secretes & cachée, & les se-
cretz des secrez, non pas toutes-fois sans
soucy & l'abeur.

Si la Liure est aux bas du Ciel, adiou-
stant douleur aux douleurs, elle dissipe
le patrimoine, & puis tout soudain elle
le restaure & le prefere, & esleue quand
il est demys aux Offices & dignitez po-
pulaires publiques, ou ciuiles, si haute-
ment, qu'on luy donne en garde les
secretz & grangs affaires, qui ne son-
point accoustumez estre donnez sinon
aux gens de bien. Et ce que Saturne en
l'horospe auparauant menagoit de mau-
uaise mort. La liure de rechef faict le
semblable, mais legerement: car elle le
decorera d'honneste mort, & noble
sepulture. Et si iupiter est trouué au si-
gnes suyuant, il le faict .premiers fil-
entre tous les masses.

De l'oroscope au Lion.

Ceux qui ont leur horoscope au Lyon
 ont souuent empeschez de plusieurs af-
 faire lesquels bien souuent ne leur attou-
 chent en aucune chose.

Parquoy il acquiert renom immortel,
 & s'en vont aux autres nations leur af-
 firmans & promettans liberte: & ne se
 mettent pas facilement en seruitude: &
 prennent toute la peine que possible
 leur est, de limiter & donner loix aux
 autres.

Si Mars regarde le Lyon en l'artificielle

figure du Ciel de la region & du diametre, c'est signe de n'auoir aucuns enfans si Iupiter ne le modere, qui parauanture donne vne fille.

Si le Taureau est au milieu du ciel, il faict l'homme estre en reputation des Prince conducteur des offices publiques, guidon ou porten-seigne, & premier en dignité qui luy sera donnée par les princes il sçaura tout, & sera bien heureux en toutes choses, excepté à prendre femme, desquelles ayant reietté les plus belles & honnestes, il se mariera avec vne vieille ou infame, ou bien prendra vne femme vefue.

Aquarius estant en la partie d'Occident donne accroissement de biens, & pareillement dommages & infortunes.


Le Scorpion au bas du Ciel, ordonne & faict l'homme estre chef & Prince d'aucuns affaires, telles gens ont aussi le Taureau au mylieu du Ciel. Mais Mars les regardant de trauers, les menaces des pri-

Vraye & parfyictè.

275

sons, & de mourir en lieux loingtains
& estranges.

De l'horoscope en la Vierge.



Si l'horoscope est en la Vierge, il es-
meut grandement les nerfz à luxure &
faict que l'enfant ayme tant les femmes,
qu'il veut auoir iouyssance de toutes,
Il donne aussi avec celle impudicité, &
parole des-honestes, les richesse & re-
ligion, & luy donnera la charge & su-
perintendence aux predictions, respon-
ces donnée de Dieu, Oracles, & pro-
pheties, tellement qu'il semble-

ra qu'il soit venu du nombre des Dieux, sçachant bien toutes choses, s'enquerrant de tout, ouurier de toutes choses, fort riche aussi ou par religion, ou par le moyen des lettres, ou de marchandise.

Si les Gemeaux sont au milieu du Ciel, ils promettent presque le semblable, sinon qu'il ne dermine pas les choses si hâtivement. En outre ils induissent l'entendement, à sçauoir les chose secretes, & à ordonner des enseignemens de viure.


Les poissons estant vers Occident, font aussi le semblable : & ne denotent pas tant seulement celle choses, mais des plus ioyeuses comme bonne grace & bien seantes, largesse, honnesteté, & noblesse, tendreté faueur & douceurs en les hommes.

Le Sagittaire aussi dōne à ceux, la grace des dieux, prosperité & abōdance, de toutes choses, des fils des Royaumes, des choses sacrées, & agillité à faire toutes celles choses.

choses. Cela est la nature de celuy qui aura son horoscope en la Vierge estant en ceste maniere conferez aussi les trois signes comme nous auons dict.

De l'horoscope en Libra.

Sil'horoscope est en la Liure, il est occasion de maladies, de dangers, d'ennemys & debats : neantmoins tousiours apres les perils ils dicerne le triomphe. D'auantage aussi il donne les dignitez religions, entiereté & pureté de iugement. Il ne fait l'homme en aucune chose mal'heureux, sinon à engendrer enfans. Car quand il aura engendré aucuns & aura mis en eux toute son esperence, incontinent celuy nombre faudra : & mourrons iceux enfans esquels il auoit mis tout son espoir.



Si qu'elqu'un desire ſçauoir quels hon-
neurs & dignitez il aura, & quel lieu, ce-
la gentiment ſe cognoift par l'ascendant
de Cancer au milieu du Ciel. Tel aura
en religion ou lieu ſainct, les gages de
l'Eglife c'eſt à dire, qu'il viura quaſi des
choſes publiques & communes. A cela
meſme faut rapporter l'argent, enfans,
nobleſſe, honneſteté & richelſſes qui
viennent abondamment quand on
eſt vieil. toutes-fois ne ſerapas heureux
à auoir des fils, ſi Iupiter ne le regar-
de par vne ioyeuſe & fatale irradiatiō.
Aries eſtant en la partie Occidentale

es lieux aigneux & aquetiques, donnera toutes les choses susdictes. En outre il le mettra en tres-grands dangers longs pelerinages, en lieux deserts, en perils avec sa femme, & sera aucune fois hors de son sens ou frenestique, & ce durera iusques en la vieillesse, ou sera la fin de ces choses.


Capricorne l'esbranlera ça & la de tous costez en plusieurs troubles & le laissera peu souuent en repos, & ne souffrira que son patrimoine soit assure, car maintenant il le corrópera puis de rechef le referra & restituera en son entier. Or pour ce que ceux qui ont Capricorne au bas du Ciel sont fort mal faisans & ne se tiennent sans frapper l'un ou pousser l'autre, aussi luy fera auoir vn fils de quelque vilaine femme bastarde incogneue & de bas estat, ou autrement.

Del horoscope en Scorpion,

Si quelqu'un à l'horoscope en Scorio

T ij

ie croy que la nature est euidente, retou-
la propriété de ceste beste. Celuy qui le
aura en son horoscope, se courroucera
de leger, iettant secrettement poisons
& mesdira secrettement avec sa pesti-
lentieuse langue, il sera riche, & aussi plus
en doubte & incertitude, quel l'homme
qui viue & sera en si diuers dangers qu'il
se pourra desesperer: mais quand ces pe-
rils s'apaiseront quelque peu, il receura
vn fruiet de gloire paisible, dignitez plai-
sirs, patience & religion. Il aura aussi l'es-
prit vif, & vigueur d'entendement: &
aura la parolle & langage bien aorné.
Parquoit nonobstant son premier dom-
mage, il multipliera ses enfans, & par bon-
heur & prosperité, recompensera tous
ses taauaux precedens.



Et pour ce que peu souvent aduient,
 que ce que l'ascendant donne, les gons
 du Ciel restans ne luy promettent pa-
 reillement, ainsi quand le Lyon tient le
 milieu du Ciel, semblables choses que
 les precedentes luy font attendre. Mais
 il ne luy donne encore force puissance,
 par lesquelles soient paracheuées
 ces choses. Finablement apres toutes
 choses, si le met en dignité & honneur,
 luy donnant le loyer immortel de tou-
 tes ses vertus,

Le Taureau en Occidēt, tant secrette-

T iij

ment que manifestement accablera, & opprimerà tous ses ennemis, qui le voudront assaillir, il sera quelque peu mesprise & diffamé à cause de paillardise, & toutes-fois elle s'effacera petit à petit. Aussi il accroistra maintenant son patrimoine, puis de rechef soudain l'espandera ça & la & le dissipera.

Aquarius estant au bas du Ciel menace de quelque perils d'eaux, & aussi denotte l'ingratitude & mesconnoissance de ceux auxquels on aura faict plaisir.


De l'horoscope en Sagittaire.

Ceux qui ont l'horoscope en Sagittaire s'empeschent en plusieurs & diuers dangers s'il est ascendant.

Il incite celuy qui est nay souz luy, de voyager & aller sur mer, & sus grands fleuves ou riuieres. Il donne aussi bon & proprice entendement naturel pour toutes science, pourueu qu'il ensuyue cel-

le nature qui le conduit.

Et si la Vierge est au mylieu du Ciel,
elle augmentera la fortune, & recom-
pensera les labeurs de l'entendement en
luy donnant quelque noble & honora-
ble authorité & puissance, par laquelle
il sera estimé sur tous les autres, & en-
vsera franchement & sans contredit,
estant prompt & prest à faire service aux
autres hommes combien qu'ils soient
ingrats & mescognoissans.




Si le signe de Gemini est en Occident il

T iiji

donnera des enfans & des neveux, & cela aduiendra quand la ieunesse commencera à aller en decadence. Il fera aussi que celuy sera secretaire ou maistre des requestes.

Les poissons estans au bas du Ciel luy donneront secours & ayde prouenans des lieux humides, & font l'homme fidele auquel on peut seurement dire chose secretes, il sera noble de race ou par esprit. Et si iupiter le regarde par petite irradiation l'homme de chasser la femme, mais elle sera premierement violée ou maculée & adulterée.

De l'oroscope au Capricorne.



Le signe de Capricorne, n'est pas du tout mauuais, Si l'horoscope est en luy, il faict l'homme amiable, ioyeux loyal, cauteleux riche, de petit courage & trop superstitieux à dire oraisons à Dieu, en outre il est luxurieux, mais des qu'il à accompli sa volupté il traicte incontinent mal les femmes. Il est secret reformateur de la vie des autres principalement de ceux de religion, ou bien de quelque chose semblable.

Si la Lune est au milieu du Ciel, elle faict heritier pour cause de la mort & perte d'autrui, & fait aussi l'homme honeste, & loüable, craignant Dieu, agreable, eloquent sçauant, faisant vœux à Dieu en necessité, dont il aduendra qu'en fin de tous ses maux sera heureux & aura prosperité en vieillesse.

Celuy qui a Canfer en la partie de l'Occident aura des amis, lesquels se reuolteront contre luy & sera empe-

pestre de perilz & d'âgers innumerables.

De celle chose mesme le menace Aries estant au bas du Ciel, toutes ces choses seront en doute, la substance, ses dignitez, offices, & seront maintenât en haut & incontinent en bas, mais finablement Libra moderera toute choses. Toutes-fois il ne pourra si bien faire qu'il ne tombe en grandes maladie.

De l'horoscope en Aquarius.

La vertu de l'horoscope en ce signe, est telle. Elle faict l'homme moderement riche, l'esleue aussi & l'auance vers les Princes, elle le met en danger esquels y estant comme desesperé sera de rechef deliuré par layde de Dieu. Elle faict protecteur & conseruateur du droict d'hospitalité, franc & liberal, prodigue patron & defenseur de ceux qu'il semble qu'ils ont atteint quelque chose de nouveau es bonnes sciences, plus que

les autres, maniant & dissipant les choses sacrées.



Si le Scorpion tient le milieu du Ciel en telle constellation. Il fait l'homme fort triste, seuer, & cruel. Et l'incitera souuent à voyager, de sorte qu'il ne pourra long temps demeurer en vn lieu, il esprouuera fortune luy estre contraire en ses femmes, finalement il sera deliuré de tous maux par la faueurs de bonnes gens.

Le lyon estant en la partie del'Occidēt luy donnera vne femme, ou concubine,

avec laquelle il sera en discension pour cause de plusieurs haines couuertes, il luy donnera aussi vne vicille qui le flattera de la bouché luy promettant grandes choses mais en son cœur elle aymera les autres, ses domestiques propres luy seront ennemis, & les estranges ennemis vsas de l'ayde de ses domestiques tascheront à destruire & froisser cest homme, il prendra en mariage la femme d'un autre, ou bien vne femme vefue.

Le Thoreau estant en bas du ciel, s'il est enclin ou adonné à quelqu'un, il luy croistra son honneur, triumphe & renommée & luy faire bien d'auantage, car les biens d'autrui luy sont donnez & viura longuement.


De l'horoscope és Poissons,

Les Poissons font l'homme excellentement ingenieux, courageux, prudent, loyal, amiable, petit à petit esleué, iuf-

ques à tant qu'il soit finablement montée en grande dignité.

Le Sagitaire au milieu du Ciel mettra l'homme en plusieurs dangers & terreurs, autrement il le fait propre & bien conuenant, & si hardy qu'il ose mouuoir guerres & noises contre les plus puissans.

La Vierge en la partie de l'Occident faict l'homme conseruateur du droict d'hospitalité, prudēt tenāt bien les choses secretes, maistre d'hostel ou despensier aymant excessiuelement sa femme, laquelle toutesfois pas ne l'ayme de forte



que ceux aussi auxquels il faict plaisir & leur ayde, luy sont mescognoissans & ingrats, A cause dequoy il aduiẽdra qu'il sera tourmenté & ennuyé de grand-muitude de labeur & tristesse à cause de sa femme & de ses enfans.

Si Gemini est au bas du ciel, l'homme sera cõsumé d'une maladie. Il aura quelque imperfection ou vice, cõgnenẽ seulement de luy. Et si pauurement il perd des biens, il les recouurera de rechef, & ses amis le recompenserõt, de sorte qu'il ne semblera point estre veu abandonné & delaissé. Il rendra l'esprit à Dieu en lieux estranges & hors de son pays, & ce par mort foudaine.



DES IUGEMENTS NATURELS


*selon la reuolution du Soleil par les douze
signes du Zodiaque.*



Nous auons parlé iusques icy
des choses vulgaires & com-
munes touchant le iugement
des horoscopes, combien
qu'autres aussi en ayent escrit, mais nous
n'auons pas trop de honte de tel larrecin
& ne nous en repentons aucunement.
Et certes nous auons auparauant dit que
nous traicteront briuefement & en peu
de parolles, les choses qui ont esté escri-
tes par autres en grands & diuers liures.
Et ne-antmoins que le larrecin soit
deffendu & repris en tout, toutes-fois
en matiere de lettres & sciences
n'est point reputé à vice, ains plustost
à loüange, principalement quand
quelqu'un desire declarer & donner

à entendre ce que les autres ont dit obscurement. Mais de ces mocqueries nous ne nous en repetons point. Et disons cecy pour ces barbares des quarrefours, auxquels n'est chose aucune agreable, lesquels combien qu'ils ne soient ydoines à aucune science toutes-fois ils veulent dire leur oppinion de toute chose avec leur tresor de l'angue. Toy dōc, Lecteur, qui lises choses, considere plus nostrevouloir, que les paroles car nous sommes apprestez à enseigner & ne cacher aucune chose. Et nostre vouloir. Or nous venons maintenant à parler des iugemens naturels, où il est briefuement ainsi escrit du mouton.

du Soleil

Du Soleil estant en Aries.

Le Soleil estant en Arries n'enrichit pas
l'homme, & aussi ne le faict pas fort pau-
vre. Item il faict facile à se courroucer,
mais il se repaïse incontinent, il est stu-
dieux, bien parlant, incontinent, hautain
menteur, luxurieux, ou superflu en ha-
bits, & toutes autres choses promettant
(comme dit Horace) des montaignes
d'or, mais ne donnant ce qu'il à promis,
mal estimé & renommé de ses parens,
il tombera en danger par le moyen de

V

les ennemis, lesquels il doit craindre. Il aduiendra qu'il sera ietté à bas par quelque beste a quatre pieds, dont luy seront faiçtes playes, & sera en danger de mort. Tout mal luy dira le vol des oyseaux la cheualerie, la pesche, la chasse & toutes telle choses, qu'il n'en rapportera que dommages: mais en toutes autres choses il sera bien heureux & viura longuement.

Si c'est vne fille elle sera men songere, facile à se courroucer, tres-belle & de bonne grace, curieuse & soigneuse, desirant chose nouuelles, enuieuse, fertile à faire enfans, mais le sien premier sera estouffé, elle sera subiecte à perils, à ceste cause elle sera marquées en la teste ou incinsée: & autrement aussi elle aura vne notte, ou signal naturel en la teste, ou és pieds. Nous auons aussi prins garde à ce que disent les Autheurs, disans que les enfans qui naissent de iour le Soleil estant en Aries sont bien heureux

& estimez des princes & magistrats : au contraire, ceux qui naissent de nuit s'ont mal-heureux, & n'ont aucun bruit ny bonne renommée.

Du soleil au Taureau.

Le Soleil estant au Taureau fait l'homme aventureux & heureux à faire ou essayer affaires & choses difficiles & de haute entreprise. Il vaincra ses ennemis, il voyagera & sera dechassé de la maison de son pere, & sera serf familial, subiect à courroux, & ce plus ardemment en ieunesse qu'en vieillesse.




Certainement vieillesse oste les dommages & falcheries: puis luy donnera richesses, & vne femme: & par ce moyen fina

blement ce resiouyra. Car s'il fiance vne fille en son premier aage, à peine ne sera elle sa femme. Il ne luy oste pas les seules maladies, mais luy donne tristesse, melencolie, morsure de chien, colere noire, & viendra cela enuiron l'an de son aage vingt-huictiesme, ou trente cinquiesme. Ces choses estant appaisées & finies, de rechef florira & profitera en longue vieillesse.

Il fait aussi les femmes non gueres moins salfres & eshôtees, laborieuses & obeissantes, jafardes & mocqueuses & descriées pour ce qu'elle ont perdu leur chasteté. Laquelle infamie petit à petit se perdra & esuanoüira, lors que la femme aura vingt & vn an. Elle aura plusieurs maris, & engendra des enfans. Elle sera si prudente, qu'elle pourra donner conseil aux autres : & aussi aura grandes richesses.

Du Soleil en Gemini.



Les Gemeaux naturellement beaux, font l'homme beau, misericordieux & pitoyable, sage: honneſte, franc, vanteur coureur, voyageur & peu curieux de ſes biens: à ceſte cauſe aduiendra qu'il ne ſera ny riche ny pauvre: mais ſera entred'eux, & ſera de ſi bonne foy & & l'oyauté, & qu'il aura la charge des treſors commus. Il ſera gay & allaigre, attendu, fin, ingenieux, doux en paroles, & par quelque naturel il ſera agreable aux hommes, comme ceux qui ont


V iii

Venus en la racine de la natiuité. Il aura la face belle, & sera remply de bonnes sciences, comme de Mathematique, Loix & Arithmetique. Il a ceste noble chose plus que les autres, c'est que combien qu'il soit courroucé neantmoins il peut cacher son couroux & le dissimuler. Quand il aura trente deux ans, il sera en danger d'estre blessé de fer, ou de la morsure d'un chien, ou de feu.

Du Soleil au Cancre.

Le Cancre froid & humide, espoissit la chair, attraiet à l'amour des femmes & incite à auoir compagnie charnelle avec elles. Autrement il donnent tousiours bon esprit, humilité, sagesse & l'envelope & empeltes en noises & diuerses batailles: toutes-fois le plus souvent il vaincra ses ennemis, il essayera & experimentera plusieurs choses il tombera en danger, & sera esbranlé de diuers dommages & fascherics, estant

en grande pauureté & misere: combien
que cela soit cause de bien, toutes-fois il
n'en aduiendra pas plus riche: il trouue-
ra vn tresor sans l'auoir esperé.




Si vne fille est née en ceste maniere
elle sera vn peu grasse, belle, alaigne &
habille, facile à courroux & facile à ap-
paizer, seruiable, prudente, courtoise &
gratieuse, honteuse, preuoyant bien les
choses trompeuses, fine, ingrate, disant
vne chose, & en oyant ou faisant vne
autre en son cœur.

Chagrineuse, labourieuse, subiette & abā-
donnée à diuers perils cōme en l'eau.

V iij

en cheute, en enfântant, en colique, passio
 faisant son premier enfant foible & de-
 bile, & l'autre plus robuste. Et si telle a
 acquis quel mauuais bruiet & renom,
 elle le perdra tout le vingt-sixiesme an
 de son aage. Soit homme ou femme, il
 vaincra les ennemis, & profiteront és
 années suiuanes, ils seront bien cheue-
 luz, modestes loyaux, labourieux, con-
 uoiteux de manger & boire, cogneuz
 des chefs de villes.

Du Soleil au Lyon.




Le Soleil estant au signe du Lyon faict
 l'homme de grand cœur & courage hardy

presumptueux, eloquent, orgueilleux
moqueur, cruel, rude, immiseri-
cordieux, ne voulant rien octroyer quel-
que priere qu'on luy face, triste & leue-
re, euuironné de tous costez d'angois-
ses & perils tres-grands. De rechef il
sera deliuré de ses dangers, & ordonné
principal & chef aux offices publiques.
Il sera aussi centenier ou capitaine de
cinq cens homes & aura de trois grâds
seigneurs, il sera mal heureux en enfans
pour cause desquels il aura grandes affli-
ctions & tourmens: il sera prompt à
courroux, & se mettra en plusieurs
dangers. Ledit signe enflamme la co-
lere, & aucunes-fois auance aux digni-
tez & honneurs: il menace de dangers,
de Feu, de glaive & d'assaut de bestes: à
ceste cause il sera vaincu en lieu estrange.
Toutes-fois à l'ayde de Dieu il eschap-
pera de ces dangers.

Si c'est vne fille, elle sera courageuse, &
aura l'estomac grand & large, les cuysse

gresses qui sont signes de courage & hardiesse & aussi de courroux & paroles oustrageuses, & invtiles, toutesfois c'est avec moderation, car la douceur des femmes permet quelque chose en tous vices, les dangers esquels elle doit choir, sont l'eau bouillante, ou le feu, elle se pourra contregarder d'eux. Et des maladies, les tourmens de l'estomac. En outre en l'an vingtiesme, ou vingt & vniesme, elle apperceura bon-heur & richesses, lesquelles elle gaignera avec l'aide des superieurs en l'usufruct des biens d'autrui, en sa famille, en beauté en amour aussi toutes-fois elle aura peu de fils.

Du Soleil en la Vierge.



La Vierge faict l'homme parfaict en choses domestiques, ingenieux, veritable, magnanime, & conuoitant les honneurs. Elle luy osterá sa femme, auant qu'il l'a cognoisse charnellement, aucunes choses luy seront ostées & rauies, mais il se vengera de ses ennemis: & sera inconstant à cacher le secret des autres qu'il ne pourra celer ses plus secrets affaires, & luy aduiendra ce parauenture, car il est subiect à se venter, il aura la face clere, les mœurs bien ornés, il aymera les femmes, & hantera les palais des Roys & des Princes. Il sera aussi iuste, sage, bon, honorable, Aduocat & defendeur de ses amis dedié à religion, misericordieux, tres-beau, ayant le corps net & blanc, & sera enuironné d'une grande bande d'amis.

La fille qui n'aistra sous ce signe, aura bon esprit entedement, elle sera hôteuse, chaste, bien voulâte, seruiable, diligēte & preuoyāte à ses affaires, prompte à cour-


roux. Elle fera mariee enuiron l'aage de seize ans son premier fils sera tresbeau.

Ceux qui sont naiz sous ce signe, seront empestrez en plusieurs dangers & perils, soient hommes ou femmes.

Du Soleil en Libra.

Le Soleil estant en la liure, faict l'enfant paillard, chargé d'affaires, bien fortuné & heureux, principalement es eaues, ou es choses qui sont de l'eau, & aussi des choses aromatiques, pierres precieuses, & telles choses: & aussi sera fortuné à faire l'ong voyages. Il aura le corps beau & alaigre, la parolle gratieuse & ornée: bonne renommée, cherchant plusieurs grands secrets, il tiendra bien peu sa promesse combien qu'il demontre autre chose par sa parolle. Il se mettra en plusieurs & diuerses conspirations & espies. Il ne gardera gueres sa femme. Il luy escherra heritages des biens des morts: & aussi de son propre labeur, & par son en-


tendement. Il ne croy pas de leger. Il ne
sera pas du tout mal'heureux és bestes
à quatre pieds. Pour l'amour des fēmes
il endurera grandes choses : il tombera
au peché de la chair deffendu, & sera
grand interpreteur des songes, combien
qu'il soit né de iour ou de nuit.



La fille qui sera née sous tel signe,
sera amiable, paillarde, plaisante &
prendra grand resiouissance des her-
bes & prairies, qui est la chose qu'elle
aime sur tout. Elle ira en lieux inco-
gneuz, & sera mariée enuiron 23. ans de
son aage, & sera sō mariage tres heureux.
Elle s'esleuera & s'en orgueillira à cause

de sa beauté corporelle, douce parolle,
 beau maintien & contenance plaisante
 & de bonne grace. Ceux qui naissent
 sous la Liure, ils ne sont pas du tout in-
 habilles, car ils aiment l'estude des let-
 tres & bonnes sciences. Il se doiuent
 donner garde du feu ou de l'eau-chaude
 boüillante, car ils en seront blesez s'ils
 ne s'en donnent sagement garde.

Du Soleil estant en Scorpion.



Le Soleil estant au Scorpion, accroist
 l'hoirie, & la hardiesse & faict beau frôr
 & tres-belle parolle par laquelle il dece-

ura, trôpera plusieurs, & môstrera (côme
l'on dict) d'une main le pain, & en l'autre,
il tient vne pierre cachée : tousiours
messant parmy le milieu du venin : &
ne faisant presque choses aucune de ce
qu'il dict. Autrement il est facecieux,
diseur de sonnettes & croit de leger, &
triomphera victorieux de ses ennemis.

Si c'est vne fille, elle sera amiable, in-
genieuse, trompeuse, & perdra son pre-
mier mary : mais elle gardera ioyeuse-
ment le second, & vaincra ses ennemis.
Elle aura mal en la ratelle, & aura vn
cautere en la teste, ou au bras & espau-
les.


Autrement ce signe faict hommes &
femmes auentureux, & indiscrets à pil-
ler les choses deffenduës, à traicter &
faire appointemens, à contracter
avec aucun en faict de marchan-
dise, ils' sont aussi effrontez & rio-
teux, poussâts l'un & frappât l'autre, for-

nicateurs, inconstants, mal pensents, babillards, prompt à couroux, & aucunes-fois comme fort tristes & grandement affligez : d'auantage ils seront attirez des princes & bien estimez, & ceux du commun populaire les honoreront & leur fauoriseront, dont aduiendra qu'ils seront fort cogneuz & reuerrez.

Du Soleil en Sagitaire.

Le Sagitaire n'est pas totalement mauuais signe. Quand le Soleil est en luy, il donnent bonne fortune & administre le courage à essayer toutes choses, si tu as entrepris quelque chose, il l'animera principalement à aller par les pays estranges, & trauerfer la mer : à ceste cause ce-luy fera tel ne retournera point ans en r'apporter profit. Il acquera des amis. par le moyen desquels il sera appellé aux cours des Princes, non point pour cueillir & amasser les tranchoirs, ny pour lecher les plats, comme ont de
coustume

coustume faire ces gens de pitié estime
mais pour estre ordonné à plus grands
offices: à ceste cause il distribuera &
gouvernera l'argent d'autry. A laquelle
chose fort grandement l'auancera, &
principalement l'entretiendra en la cour
parce qu'il est naturellement habile du
corps & fort. Et outre il sera fort dédié à
la cheualerie, à la fauconnerie, à la chasse,
à sauter, à batailles, à railleries, ieux &
assaux.




Pour laquelle chose aussi il aura
des enne mis estants enuieux de ses cho-
ses & d'autres: & luy contrarieront
griefuement, mais il les vaincra. Il

X

possedera l'heritage de son pere ce qui
 n'aduient pas à vn chacun. Souuent aussi
 telle constellation fait les hommes iu-
 stes, vn peu sçauans, paisibles prudens,
 ingenieux, loyaux doux, constants, im-
 muables laborieux & vanteurs. Sic'est
 vne fille, il n'y aura pas grand difference à
 l'homme, car elle sera en soucy laborieu-
 se, milericordieuse, subiecte à plusieurs
 enuies & espiés de melchans gens mais
 icelle sera mariée enuiron de 17. ans de
 son aage, ou si ce n'est alors sera enuiron
 le vingt-quatriesme.

Du Soleil en Capricorne.




Le Capricorne fait l'hōme enclin à cou-

roux, inconstant, & l'accompagnant de
personnes de petit estime, soubçonneux,
labourieux separé par diuerses noies, les-
quelles luy viendront d'ailleurs : mais il
soustient fort les choses contraires, &
sera fort courageux. Il aymera les filles
& mesmement celles qui seront pauvres,
& simples, lesquelles filles finablement
le feront deuenir malade. Il sera moyen-
nement riche, bien voulant, alaigre, re-
creatif en parolles: toutes-foiss'il est nay
de nuit, il sera incontinent presque en
toutes choses. En sa vieillesse il verra que
les richesses luy viendront, il commen-
cera à aymer l'argent : & tournera sa
premiere largesse, & liberalité en auari-
ce, car en sa jeunesse il pourra estre me-
né comment ou voudra. Il prosperera en
nauigation principalement s'il va deuers
Orient. Il luy viendra aussi bonne fortu-
ne dudict costé, de grands seigneurs.

La Physiognomie des enfans ainsi naiz
est telle. Ils ont cōmunement la teste pe-

tite, les yeux estraincts, & la parolle moderée. Les baings leur profiteront s'ils sont malades. Les filles seront craintives, & auront incontinent vergongne, & rougiront de honte. Elle surmonteront leurs ennemys, & s'en yront loing de leurs pais en terres estranges.

Du Soleil en Aquarius.




Aquarius fait l'hōme amyable conuoiteux, subiect à fieures cōtinuës, mal'heureux autour des eauës, lesquelles aussi il abhorira naturellemēt, fortune luy dira l'an 30. cinq ou 30. sixiesme auquel tēps

il cōmencera à voyager par diuers lieux,
& petit à petit enrichir. Toutes-fois les-
dictes richesses ne seront pas grandes
& ne seront point assemblées, en vn gros
tas, mais dispersées ça & là, & mises en
parcelles de rechef: sinon alors qu'il viē-
dra sur ses derniers ans, il sera recom-
pensé de tout ce qu'il a despendu & dis-
sipé en ieunesse. Les voyages qu'il fera
en pays estranges ne luy serviront pas
beaucoup à amasser richesses. il aspirera
d'ailleurs, & des estranges plus grands
biens, & les obtiendra. Aucunes fois il
sera fort empesché de diuers domma-
ges, pertes & dangers: & principale-
ment avec sa femme & les autres.

Incontinent qu'il sera marié, il sera
paralitique: & ne prosperera point aussi
avec les autres femmes.

Il ne gardera pas long temps la sienne
premiere: mais apres qu'elle sera deue-
nuë toute seiche & ethique, incontineēt
toute choses luy viendront à fouhait.

La fille qui sera nee sous Aquarius, sera semblablement recreatiue, veritable & ferme en son propos, surmontant quasi l'hommes de cest trois choses. Incontinent apres elle sera enrichie des biens d'autrui. On luy pouruoyera de ses enfans elle sera tourmentee de plusieurs aduersitez & s'en ira en pays estranges. Elle sera humble & marchera simplement iusques elle ayt vingt & deux ans, auquel temps fortune commencera à luy estre fauorable, elle aura moyennement des biens. Le plus souvent ceux qui sont naiz sous ce signe, soient fils où filles, sont tout coys & ne disent mot, prudens ingenieux facecieux, fort contraires & nuyfibles à leurs ennemys.

Du Soleil en Pices.

Ceux qui sont naiz souz le signe des Poissons, ont plusieurs maux en leur ieu- nesse, combien qu'ils ne les ayent meri- tez. Ils sont aussi aucune-fois auaricieux, diseurs de sornettes, seruiable ioüeurs, ne souciant de fortune, de bonne nature aymans la compagnie des bons, iniuri- eux en parolles, à eux mesmes plaisans & fortunez à chercher les grands trefors car totalement ce leur aduient qu'ils trouuent aucune chose sans l'auoir espe- rée: & seront aussi enrichiz des estran- ges. Il ne viuront pas longuement

X iij

s'ils ne passent le trente cinquiesme an.
Mais alors est esperance de longue vie.

Toutes-fois ils ne seront point fort riches, mais modérément: & neant-moins leur opinion est qu'ils possèdent les grâs richesses & threlors du Roy Cresus: ils se mutineront & seront tousiours en pensemens enuieux, & fascheux. Pour cause des femmes ils tomberont en captiuité: & peu de choses d'iceux viendront à bonne fin, en leur enfance, & ieunesse. Ils ont vne marque au coude, ou au pied, leur fortune vient du costé de Midy.

La fille ainsi née sera fort eschauffée menteuse, arrogante en parolles iniurieuse, noieuse, par tout enuironnée de plusieurs perils, elle laissera par despit toute honte & laissant son mary, se couplera à vn adultere, si elle n'en est engardée, & sera tourmentée de trenchée de ventre, & douleur d'estomac, Cecy suffira d'auoir desia deux fois parlé

de l'influence des signes.

De la nature des douze Maisons.

Il reste encores à parler de la nature des Maisons & des Signes: esquelles choses elles donnent faueur à ce que nous commençons de sçauoir quelque choses on doit faire en chacun signe: & comment nous pourrions moderer nos actes, & feaictz, afin que routes choses nous viennent heureusement & à souhait. Car en cecy est quasi le but de l'astrologie naturelle, auquel but si nous atouchons, ie ne sçay dequoy en fin elle nous pourra seruir, comme dit Alkabri-cius.

La premiere maison est d'Aries, qui est aussi le premier des signes, en ordre les Astrologues l'appellēt la maison de la vie, & signifie ou denote quasi tousiours les cōmencemens des œuures d'aucun, c'est asçauoir les choses esquelles au cōmen-

cement de la vie nuysent ou profitent à l'enfant : aussi monstre la force ou debilité, & finalement toutes les choses qui appartiennent, à la vie naturelle, sont congneuës en celle maison.

La seconde maison est du Thureau, & est la maison des richesses, du viure de l'homme, des seruiteurs, signifient la fin de ieunesse. Si en celle d'aventure tombent Iupiter ou Venus, qui sont planettes plus noble que les autres, ils auanceront premierement les choses que les Legistes appellent Mobiles ou bien les immobiles comme sont les champs, iardins, vignes, rentes annuelles & tout ce qui peu longuement durer.

Si quelqu'un prend seruiteurs en ce signe, ils gouverneront & distribueront fidellement ses biens.

La tierce maison est du cas des freres des sœurs, des parens, & du cours voyages, & des Gemeaux, Si donc qu'elqu'un à horoscope en Aries, il sera,

heureux par le moyen de ses freres, cousins prochains & grands seigneurs. Il est bon en ce signe, escrire lettres, & les enuoyer, aller en quelque petit voyage, acquerir amytié commencer fraternité & telles choses.

La quatre maison, est l'inscription des pieces, des heritages, des tresors, & secrets. En icelle faict bon achepter & vendre, acquerir & changer, planter vignes, champs, & possessions & dresser les grands possessions dresser & les grands bastimens & engins mechaniques, poser les fondemens, fossoyer la terre, chercher les tresors, faire testament & eslire la sepulture. Cancer faict prosperer toutes choses.

La quinte maison est des fils de dilectio legats donatiōs, & des choses qui appartient à la loüange ou vitupere apres la mort.

Quād le Soleil est en ceste maison, il est bō de faire tout ce qu'on à en la pēsée se

traicter delicatemēt gaudit & faire grosse chere, commencer appoinctement & amytiēz, pour cause que la ioye de Venus respēd la sa lieſſe, Il est bon auſſi veſtir habillement, nouveaux, eſcrire lettres miſſiues, en ſes iours, chercher amis qui ſoient loyaux, & qui en temps de neceſſité puiſſent cōbatre pour nous, ou nous, deffendre.

La ſi xieſme maiſon eſt de la vierge, S'il y a quelque choſe qui concerne triſteſſe & donleur, cela eſt attribué à la ſixieſme maiſon, & eſt nommee de douleur de faſcherie, de maladie de triſteſſe, & de ſeruiteurs, & eſt la ioye de Mars-Il n'eſt pas bon d'achepter ny vendre pour cause de deſloyauté, la beur de douleur, principalement des Mercurialiſtes, Virginaliſtes, leſquelles il faut eſuiter. Ceſte maiſon aſſemblee contre nous faux teſmoings, larronceaux, guettās & eſpians noſtre vie homicide, & gens teſpandās le ſang humain: En outre leſeſmeutes

de guerre, mutineries, seditions, bēdes, & sectes, toutes lesquelles choses viennent des Virginalistes, en la 6. maison, & des Mercurialistes, pource que Mars (cōme nous auons dict, se reiouyst en icelle.

La septiesme maison, en la Liure, & viennent apres malades, nopees & espousailles & les choses lesquelles enuirō la moytié de la vie sont peilees, comme en vne balance estant desia iuste, & ayāt son poix. Il faict bon en ceste maison recouurer les choses perdues, & remettre en leur premier estat les choses desquelles on n'auoit aucune esperance, & pource que c'est l'habitatiō de parfaicte inimitié, il est bon d'assaillir les ennemis, & aller de toutes pars en guerres & mesmement ceux qui ont Aries ascendant. La huictiesme maison contant depuis Oriēt est Scorpio. C'est la maison ou la part & portion de la mort decraïte, d'heritages des mors, & des choses qui se font apres la mort.

Quand le Soleil est en celle maisō garde bien que tu ne cōmence quelque chose & ne te metz point en chemin, ny sur les eauës, car facilement frappe contre rocz on fait dommage, parquoy routes batailles doivent estre euitées, aussi debats noifés, iniustes, causes inimitiez & mauuaises femmes chose viennent du costé de l'horic.

La neufiesme maison est au Sagitaire foy, religion, longs voyage, sagesse, philosophie science, liures, epistres, recits, ambassades, songes & renommée, ont leurs estoilles aux Cieux. Parquoy alors que le Soleil ou la Lune, passent par ceste maison, on peut faire & traicter toutes choses qui cōcernent ce que nous auons dict: car elles viendrons plus tost en effect, qu'en autre temps, & de faict est l'accomplissement d'amytié parfaite

La dixiesme maisō est en Capricorne. Cen'est pas totalement sans raison que entre les hōme l'un est appelé pour estre

Roy & l'auare en à plus tost la superintendance & charge. Ce cy vient du Ciel, & de la dixiesme maison, laquelle est dictée la maison du regne de dictature de magistrat, de tribun, de iurisdiction d'empire & de tout ce qui est de puissance. Si donc on veut commander quelque chose où reduire quelque prouince en subiection, ou bien si on veut acquerir quelque grand royaume, ou aller vers quelque iuge, ou deffendre les pauures traicter de quelque chose avec les grâds seigneurs, on peut bien faire & heureusement, quand le Soleil ou la Lune est en celle maison. Communement on l'appelle la maison de Capricorne, selon l'ordre regulier. Si Aries est en la premiere.

L'vnziesme maison est le Soleil estat en Aquarius. C'est la maison de loüange, de fortune la majeure, la ioye de Iupiter, de seruiteurs de ceux qui aydēt & secourēt. En icelles faict bon assaillir ses ennemis,

*Quest
Wages
Fin*
chercher diligemment pour soy des
amys, loüer ou estimer deux desquels
on espere auoir quelque loyer ou recom-
pence & finablement on peut traicter
toutes choses desquelles esperons venir à
fin heureuse.

La douziesme maison est quasi la plus
pernitieuse, & pestilentielle. Certes c'est
la maison des ennemys, de prison, de la-
beurs, de miseres, & tribulations, d'enuie,
de murmurement, des bestes, & de la
fin, & terme de la vie, on ne commence-
ra en celles choses aucune qui soit profi-
table. On doit principalement euitier
les liens & prisons, dedans lesquels si
aucun tombe en ce signe, il n'en sera de-
liuré sinon avec grande difficulté, cer-
tainement il ameine tous maux & la
mort, si Saturne seigneur de ce signe,
ou Mars y est, & ainsi faut faire succes-
siuement des autres signes & des mai-
sons succedantes.

Nous auons escrit iusques icy de la
nature

nature & effects des signes & de ce que
ils esmeuent en ceux qui ont ces ascen-
dans c'est asçauoir, qui sont n'aiz en tels
signes. Quand est des Planettes, la ma-
tiere requiert, que nous ramenions en
memoire ce que nous auons dict par cy-
deuant, Au reste ie n'ay point voulu
qu'aucun cherche quelque falace en ceste
chose de si petite estime, la ou si nous
voulôs orgueillir la chose mesme le def-
fend, afin que nous ne nous arrestions
trop autour d'elle & que nous ne fa-
cions (comme on dit) d'une mouche
vn Elephant.

De Saturne seigneur de la geniture.

Si Saturne est seigneur de la geniture
il à cela en soy qu'il, attire la volonté des
naiz s'ils sont obeissant à luy, c'est asçauoir
à hautaineté de cœur, orgueil: ob-
stination, malice, misere, & a plusieurs
tribulations.

Autremét il eslargit la foy, & en persua-
dât bon conseil, & à iuger & ordōner ce

Y

qui est iuste, sinon en ces propres choses, esquelles il n'est pas tant sçauant. Il le faict du tout adonné à la fantaisie & vouloir, il mange peu, mais il boit beaucoup & n'est par fort adonné à aymer la femme, ny les enfans. Et outre quand au corps il amaigrit. Il deseiche, refroidit, & engendre humeurs nuysibles, il faict la couleur palle, & soudainement venir & assembler toutes maladies: c'est à sçauoir inflammatoire du poulmon, hydropisie, & goutte es pieds, mal caducque, les playes, pellade de la teste & de la barbe, defect de veuë, & vne mer de toute maladies, qui viennēt des mauuaise humeurs. Il viura en lieu humide ou estranger & incogneu, mesme celuy qui est fort gras. C'est grand mal'heur quand Mescure eschet en la maison, car il faict l'homme enchanteur, magicien, diuinateur, trompeur de promesses, ennemy de ses freres, & parens, & aussi de tous les hommes.

De Iupiter seigneur de la geniture.

Iupiter n'est iamais meschant, ny mauvais. Et ny aucun don de conseil de prudence des science, d'eloquence & de beauté qu'il ne donnent magnifiquement tellement que si nous voulons feindre comme pour exemple vn homme estre bon nous disons qu'il est Iouial. Et ne faut point que ie dise d'auantage, sinon qu'on luy doit attribuer toutes choses vertueuses, honnestes & bonnes & ce à iuste cause. Et à brief dire, les Iouialistes ont toutes choses bonnes en eux de sorte qu'on y peut trouuer, aucune vertu deffaillant mais de quoy, fert-il de louer la magnanimité de honneurs tres-grands & les autres dons du monde veu que i'ay dict qu'il nont faite de chose aucune qu'on puisse desirer.

De Mars seigneur de la geniture.

Mars au cōtraire, tous ainsi qu'il est mau-

Y ij

uais de la nature, semblablement il donne & fournit desprits, & entendement malins & pires de tous & tout aĩnsi que nous auons dit que les iouialistes n'ont faure d'aucune chose bõne & vertueuses, pareillement nous disons touchant les Martiaux, qu'ils n'y a aucun crime ou meschaceté qu'ils ne facēt & entreprennent hardiment, & n'ya Vice tant detestable, qu'ils n'en soient attachez.

C'est grand offence entre-eux vouloir faire quelque chose vertueuse mais au cõtraire, c'est chose vertueuse entre-eux, de desrober, pillier, frapper, mettre le feu es maisons, mentir, effronter, tromper, deceuoir & abuser. Que diray-ie d'auantage? c'est leur naturel de faire toutes choses meschantes, encores plus meschantes que les meschancetez mesmes & choses qui ne sont point de dire.

De Venus gouuernant la geniture.

Les vertus & singularitez de Venus sont

tant cogneuës, qu'il n'est necessaire de
les reduyre en longues parolles. Et ne
sçay pour quelle cause elle n'est avec
Iupiter, & ne si accorde sinon qu'en
toutes œuures & faits & aussi es vertus
& sciences & toutes choses bonnes les-
quelle donne Iupiter. Venus y adioute
beauté, pour luxure & breueté ie ne dy
pas, celle luxure qui est en laine, mesme-
mēt Iupiter suruient ou s'il le regarde a-
myablement ou biē si elles s'assēble avec
Mercure. Sa nature est notoire quād elle
est avec Saturne & Mars.

De Mercure seigneur de la geniture.

Aucuns disent que mercure est de
nature ambiguë & douteuse, car il est
bon avec les bons, & mauuais avec les
mauuais. Et dirōs ce d'auātage de luy que
quād il est seul il est tresbon, & principa-
lement à donner bon esprit & en l'en-
tendement & en cela il surpasse, Iupiter
& Venus. Dauantage les especes des
arts & sciences qu'il donne & eslargit,

Y iij

font tant cogneuës qu'il n'est besoing icy en faire mention.

Du Soleil avec le seigneur, de la geniture.

Tout ce que nous auons dit des bonnes Planettes, nous entendons qu'il soit aussi dit du Soleil car celuy qui là n'a point mauuaise Planette. le ne dy pass'il est seigneur de la geniture, Car cela iamaïs ne luy aduient. En telle maniere aussi que quand la Lune est avec le seigneur de la geniture, alors ils me semble qu'elle va moyennement entre Mars & Venus, & tout ainsi que ledit Soleil est milieu des planettes, en ordre pareillement il garde mediocrité en nature. Et s'il est concordant avec ces trois planettes, à sçauoir Iupiter Venus ou Mercure, il est euident que celuy sera tres-heureux.

De la Lune avec le Seigneur de la geniture.

La Lune a mauuais bruit, seulement pour ce qu'elle engendre inconstance, mais si

inconstance ou instabilité est en vn homme qu'elle chose meschâte ou mauuaise-
ya il quelle n'atire? finablemēt avec elle.

Reigle sur l'election de la figure du Ciel.

L'ordre des signes est tel en l'Astrologie naturelle, qui est en l'artificielle.

Quand il y a quelque planette qui est en la premiere maison, quelque que ce soit il faudra mettre les autres apres selon leur ordre, par toutes les maisons. Comme si Aries est le signe auquel tu es bien nay, mets le en la premiere maison & puis le Taureau en la seconde, Gemini en la tierce & le Cancre, en la quatriesme. Et si le Soleil est au Cancre, lors tu mettras le dict Cancre en la premiere maison, le Lyon en la seconde la Vierge en tierce la Liure en la quarte, le Scorpion en la cinquiesme, & le Sagittaire en la sixiesme. Capricorne en la septiesme, qui est l'opposite du Cancre & consequamment les autres selon leur ordre.

Y iij

Certainement le domaine & seigneurie des signes est fort different & au rebours de ce qu'en escrit Firmicus. En cecy nous regardons seulement le seigneur de l'ascendant: & apres luy, nous mettons les autres planettes en chacune maison selon leur ordre naturel. Et tant s'accorde avec l'artificielle que le Seigneur de l'ascendant est coloué pres l'ascendant.

Quand aux autres il n'y a aucun ordre sinon naturel. Exemple posons le cas que quelqu'un est né, le Soleil estant au signe d'Aries. Je desire dresser la figuer. Doncques nous la leuerons ainsi. Je sçay desia l'ordre des maisons & mets en la premiere Aries, en la seconde le Thureau, en la huietiesme le Scorpió, en la neufiesme le Sagitaire, en la dixiesme le Capricorne, en l'unziesme Aquarius, & en la douziesme les Poissons. Ainsi sont mis les signes, & est quasi la coustume telle de ceux qui iugent par les horoscopes, re-

ste y escrire les Planettes seigneurs des signes, En la maison d'Aries, ie soubscrus Mars: car Mars est seigneur d'Aries, du Scorpion, & puis ie adioust le Soleil à la secōde maisō. Venus la tierce, Mercure à la quatre la Lune à la quinte Saturne à la sixiesme, Iupiter à la septiesme, Mars à la huictiesme, le Soleil à la neufiesme, Venus à la dixiesme, Mercure, à l'vnziesme, & à la douziesme, la Lune. Tu vois donc comment ils sont situez selon leur ordre naturel, excepté le seigneur de l'ascendant,

Or quād icy ie parle de l'ascendāt, il ne faut pas entendre de l'ascendāt au temps de l'horoscope, mais du signe auquel sera le Soleil Semblablement la seconde reuolution tu mettras Saturne à la premiere maison, & il fera seigneur du treziesme an de la vie de l'enfant.

En apres à la seconde tu mettras Iupiter, & iugeras de la substance de l'enfant selon la nature. E puis à la tier-

ce maison mettras Mars: & de luy tu iu-
geras des autres, & prochains parens, &
des cours voyages aussi. A la quatriesme
tu mettras le Soleil, & aupres de luy les
patés & par ce tu iugeras d'un heritage à
venir le seiziesme an. Par celle figure vn
chacun pourra feindre semblable reuo-
lution, & regarder quelque chose est a
aduenir tous les ans à vn chacun. Et cer-
tes en ce lieu la maison ne signifie pas
ce petit espace en reuolution durant la-
quelle le Soleil demeure en vne chacune
maison deux heures, mais la reuolution
anniuersaire. A ceste cause nous auons
cy-apres mis vne reuolution selon l'as-
cendant d'Aries, laquelle s'estend quasi
iusques à vingts & quatre ans.

Si aucuns des autres est colloqué en l'as-
cendant, ou faict vn autre figure, mais
c'est à telle forme à patron. Si tu veux
sçauoir des lignées, regarde la cinquies-
me maison. Si des maladies de petites
bestes ou des seruiteurs, regarde la sixies-

me.

Si des mariages ou des ennemis manifestes regarde la septiesme. De la mort, & heritages des morts, & leurs genres, regarde la huietiesme, & ainsi des autres maisons.

Certainement ie ne voy point autre chose qui y doiuent estre adioutée ne qui y serue. La somme de ceste science est de sçauoir la nature des signes & des Planettes, puis dresser la figure, & faire ce que nous auôs dit l'experimète qui vaudra, & il verra ceste Astrologie naturelle accorder non seulement avecques l'artificielle, mais plus auant l'exeder, non point tant pour la facilité que pour la certitude. Or tu vois qu'il n'y a pas icy grande chose à considerer, sinon quelque peu, lesquelles sont tirés de l'artificielle Astrologie. Et de rechef nous disons ce que nous auons arresté au prologue, & le repetons, fans en auoir au-

cune honte: c'est de Lietemberg, le plus
sçauant de son temps, en naturelle Ma-
themathique, surpassa tous les Astrolo-
gues & fait par icelle choses merueilleu-
les.


A ceste il nous sembloit estre choses
inique, si nous eussions laissé perdre &
mettre en oubly & nonchalance, la
science & sçauoir tant noble & tant di-
gne, d'un si sçauant homme.

Car certes nous ne l'auons pas inuentée
de nostre entendement mais nous l'a-
uons tirée de luy. parquoy nous ne de-
uons estre blasmez d'aucuns, ny accu-
sez, si nous ne contentons vn chacun,
sinon que cecy doie estre par aduenture
reputé à vice, c'est que nous decla-
rons & mettons en auant pour nos suc-
cesseurs les choses lesquelles par autres
ont esté faictes & obseruees diligem-
ment: & estimons plus les choses des
autres que les nostre. Mais c'est vice, qui
est celuy, qui en fin finale sera trouué

exempt de vice, mesmes de ceux qui en
ce auons, mis cy apres vne figure: mais
qui voudra sçauoir les autres reuolu-
tions qu'il lise la table qui vient apres ce-
ste premiere.



LA FIGURE DE LA REVOLV-
*tion des Signes & Planettes selon l'Astrologie
naturelle, de laquelle figure l'horoscope Pisces
est le Seigneur d'icelle.*



CONTINUATION DE LA
figure precedente, depuis l'horoscope du premier
an iusques à l'an quatre-vingts & quatre.

VI 10♂	13♂	25♀	57♂	402♂	61♂	73♂
82♂	142♂	26♂	38♂	500♂	62♂	74♀
II 3♀	150♂	27♂	39♀	510♂	732♂	75♂
604♀	16♂	28♂	40♂	52♂	640♂	76♂
Ω 5♂	17♀	290♂	41♂	53♀	65♂	772♂
III 6♂	18♀	30♂	422♂	54♂	66♀	180♂
72♂	19♂	31♀	430♂	55♂	67♀	79♂
III 80♂	20♂	32♀	44♂	562♂	68♂	80♀
490♂	212♂	33♂	45♀	570♂	69♂	81♀
810♀	220♂	34♂	46♀	58♂	702♂	82♂
II 23♂	352♂	47♂	59♀	710♂	83♂	
OC 12♂	24♀	360♂	48♂	60♀	72♂	842♂

De la Noire ♀

Si tu veux (amy lecteur) tu pourras accroistre le
denombrement tant qu'il te plaira.



PREFACE SVR LE LIVRE QVI

monstre à cognoistre les planettes des horoscopes
& des signes ascendans selon les quatre comple-
xions.

LE sçay bien ce que les Medecins
diront icy quand ils verront que
i'ay mis la main en leurs œuures &
paraenture me reprocheront ce pro-
uerbe, Le cordonnier ne doit iuger
outre le houeau. Ausquels nous respon-
dons & leur rompons les oreilles de ce
propos. Souuent vn iardinier dit choses
venās bien à point. Et de faiçt la profes-
siō ne faiçt incōtinent vn hōmes sçauās
mais le trauail & diligēce lesquelles cho-
ses à causes que elles nous sont aduenuēs
modēremēt nous ne voulon pas cacher

ny celer ce peu aux estudians. Et auant toutes choses nous les requerons & pri-
ons de grande affection, qu'il ne mes-
prisent nos escrits auant que de les auoir
leus. En apres si nous disons choses con-
trarians à Galien ou bien à Auicenne, &
à ce que ils ont escrit iusques à ce presēt,
qu'ils nous pardonnent ceste entreprin-
se. Toutes fois nous nous sommes effor-
cez le plus qu'il nous a esté possible, di-
re choses conformes & accordantes aux
leurs, sinon entant que la science d'A-
strologie nous contrainct estre contrai-
re à leur opinion. Et de faict nous ne
voulons pas icy faire nostre negoce
ou affaire, mais taschions d'ayder & sou-
lager les Medecins (lesquels iugent au-
trement toutes choses des complexiōs)
à celle fin que se fiant tant à ces choses
manuelles, comme est l'vrine, la physio-
nomie, le poux & semblables choses,
lesquelles deçoiuent souuent ceux qui
ne sont fort songeux ils peussent guerir
aussi

aussi par l'Astrologie les malades, de cognoistre les qualitez des hommes. Vous qui lisez cecy prenez en bonne part nostre œuvre, & ne prenez point de garde à nostre estude, mais bien à ce que nous auons entrepris. Or venons à la matiere.

DIFFINITION QVE C'EST que complexion.

Liure sixiesme.

LA cōplexion comme dit Auincenne. est vne qualité qui viēt ou procede de delectation & passion des qualitez contraires, trouuée és elements. Qui vouldra parfaitement entendre ladicte diffinition, & comment ces actions & passios agissent entre elles par ensēble, qu'il lise ledit Auincēne au premier liure, Feu. premier. Il falloit dire cecy premierement

Z

afin que nous ne difons aucune chose
quin'appartinst à l'affaire. Cōme du nō-
bre quaternaire des elemens, des pre-
mieres qualitez ; des actions mutuelles
d'iceux, lesquelles on doit sçauoir par la
Phylosophie naturelle. Certes nous ne
voulons pas faire cela, mais en tant qu'il
attouche aux estoilles & geniture, nous
voulons dire la raison, quand nous
aurons cogneu la complexion de quel-
qu'un, & par quelles estoilles & Planet-
tes elle est faite tellement que celuy soit
plus enclin à vne chose que l'autre Ex-
emple. Quelqu'un est sanguin, mais il bat
les autres, est rauisseur, cruel qui ne
demande qu'à tuer qui sont vices peu
souuent trouuez en vn de complexion
sanguine, ie coniecture que tel hom-
me à Saturne ou Mars en l'oroscope de
sa natiuité.

Nous mettons apres la nature de chacu-
ne des Planettes: Et pource que la Chi-
romance & Phisonomie seruent & ay-

dent grandemēt nous les auons d'escrit
par cy-deuant & par cy les auons entre-
meslez, selon qu'il à semblé necessaire.

*Des choses qui sont bonne ou mauuaise
Complexions.*

La nature de bonne ou mauuaise com-
plexion, consiste en trois choses com-
me dit le grand Albert, tres-sçauantes
choses naturelles, c'est à sçauoir en deuē
& iuste grandeur de corps, en belle or-
donnance des membres en la beauté de
la couleur. Il fera licite par ces choses
coniecturer la noblesse & honnesteté
de la complexion, soit au sang, ou au
flegme. De rechef, nous cognoistrons
la mauuaise disposition, si le corps est
trop maigre, ou trop restringné ou ex-
cessiuement greslé ou fort crasseux, &
ord, lesquelles choses estans en l'hom-
me le fōt melācolique, colerique, ou fleg-
matique. Certainemēt la grosseur procé-
de & viēt de grāde froideur & abondāce

Zij

d'humeur. La Maigreur procede de la chaleur. La crasse ou ordure, vient de froid & d'humeur combien qu'autres soient de contraire opinion. En apres le froid de l'humeur, engendrent le flegme la chaleur & seicheresse font la colere, & froideur & la seicheresse engendre melancolie.

*De l'esgard qu'on a de complexion
par la couleur.*

La couleur ayde la disposition corporelle, & est diuisee entrois, car il en n'y a vne aux cheueux, l'autre en la peau & la tierce aux yeux. Desquelles choses Aristote parle beaucoup. Si toutes couleurs sont comprinses & contees en vne, elles consistent en equalite, comme le blanc meslé ou rouge procede de l'habondance des humeurs, ou bien d'inequalite, & s'accordent de trauers.

Mais plus noble est celle couleur qui consiste de l'equalite des humeurs. Et si tu veux sçauoir la difference, elle cōsiste au

nombre senaire. La premiere est de blac & rouge, la seconde noire, la tierce de couleur d'or, la quarte de couleur verde, ayant vn peu de blanc meslé, la quinte blanche, la sixiesme rouge. Les bouts sont blac, & noirs. Les autres sont moyennes qui ont commision en partie, de blanc & de noir en equalité.

La meilleure toutes-fois est celle qui est faicte de blanc & de noir comme dict Galien, les cognoissances d'icelles sont telles de blanc entremeslé de rouge, & les iouës enflées denotēt le sang, le blanc demonstre le flegme, le passe la melancolie, le brun noirastre & noir signifie la colere.

*Pour cognoistre la complexion par
couleur des cheueux.*

Combien qu'aucuns auteurs disent que la nature des cheueux est donnée seulement pour ornement, il ne nuist aucunement par ce que cela adioust quelque beauté à nature. Neant-moins

Z iij

la coniecture n'est pas du tout ostée, veu que nous pouuons prouuer par plusieurs argumens le semblable touchant la complexion. Exemple.

Les hommes sans cheueux & sans barbe, sont chastez, ou flegmatique & les noirs & ayant les cheueux, sont fort coleriques communement. Certes il y a quatre couleurs communes, c'est asçauoir le noir, le rouge, le verd tout meslé de blanc, & le blanc le verd meslé de blanc, procede d'une humeur melancolique la blancheur vient de faute de chaleur naturelle, & de flegme pourrissant. La rougeur demonstre le sang, la noirceur, denote la colere, la verdeur entre-meslée de blanc est signe de melancolie, & la blanche demonstre le flegme. Parquoy est ce que le rouge est plus estimé que le noir? pource que la complexion du sang est plus noble, que celle de la colere, & est celuy corps tres-bon (comme dict d'alien) qui est vn

peu mol, aorné de cheueux rouges cō-
bien que Constantin soit d'opinion fort
contraire, & estime plus le noir, pource
qu'il est plus fort & plus permanent, &
aussi pour l'ayde & soulagement qu'il
faict. Car de tant plus vne superfluité est
nuisible, d'autant plus profite & ayde
soudainement si on la reiette ou dechaf-
se. Comme la colere enflée, & le sang
brulé, nuysent plus que le sang qui n'est
point brûlé, & s'il aduient qu'on le re-
pouse & dechasse, les cheueux deuien-
dront noirs non pas rouges, la noirceur,
donc est plus à estimer que la rougeur.

Aucuns aymēt & loüent plus la couleur
tirant à l'or avec la noirceur aux yeux.

Nous laissons l'un & l'autre, Certainemēt
l'opinion d'Albert est que la tres-bonne
couleur, denottée tres-bonne comple-
xiō au cerueau, c'est asçauoir chaude &
humide. Combien que és œuures natu-
relles la chaleur, & seicheresse sont nua-
bles & propices pour cōprendre quel-

Z iiij

que chose, car cela vient de chaleur que nous comprenons soudainement aucune chose & de la seicheresse procede la memoire & fermeté de retenir, le mouvement & ercitation vient de la chaleur le repos & tranquillité procedent de froid.

Par lesquelles choses il comprend par raison, que la seicheresse est plus propre & conuenable à la complexion du cerueau, que l'humidité.

Car certainement nous voyons, que ceux qui ont le cerueau humide, sont hebetez & ont l'esprit gros, & lourd, & sont grands dormeurs, tardifz, & lourdaux mais le cerueau qui est sec, faict les gens vifs, ingenieux vigilans, & sobres On pourroit comprendre plusieurs choses des cheueux, quand à la complexion, mais c'est assez pour maintenant.

De la complexion du colerique.

La chaleur & la seicheresse fôt la Coleri-

que complexion. A ceste cause ceux qui sont chauts & secs, sont appelez conleriques. Ils sont cogneuz à leur Phisionomie & vrine, & à l'horoscope de leur natiuité. Quand à leur Phisionomie, ils ont mēbres lōgs & gresles, par ce que leurs humeur est esteint & estouffé par la chaleur & seicheresse. Ils ont aucunes fois les cheueux crespus & par fois plains & noirs, & aussi quelque fois rouges & durs & vient tout cela de l'habondance de chaleur. Ils ont les yeux profonds le nez aigu, ou pointu, la face citrine, la parolle soudaine, la poictrine large & cheueluë, ce qui sort de leur corps est bruslé, & sont velux iusques au nombril. Ils ont la voix penetrante & resonante, le poux dur & fort soudain, & cheminent viftement.

Ils s'enyurent communemēt, pour cause qu'ils ont l'estomach & le cerueau chaux. Ils ne dorment que bien peu, & sont enclins à paillarder, ils ont aussi les yeux ci-

crins la bouche amere, la langue aspre, douleur d'estomac, alterations, & enuies de boire & ôt soudain les yeux esblouys. En leurs songe & visions nocturnes, ils voyent les feux allumez, flammes choses mortes sang noise, tueries, & meurtres.

Nous auons parlé iusques icy de la Physionomie du corps.

Toutes-fois ils ont hardy courage, prompts à se courroucer, & sont facilement appeaisez, & escoutent volontiers pour apprendre, ils ont bon entendement & sont loyaux, liberaux, dōnans volontairement, ialoux, amateur de iustice, se coupans de leurs langue, quand ils se courroucent. Certes la grande chaleur de leur sang ne peut permettre qu'ils disent leurs parolles par ordre. Combien qu'il y en ayt aucuns qui se font tant trauallez & essayez continuellement qu'ils peuuent dissimuler plusieurs choses semblables. Neantmoins la laine teinte ne peut changer sa couleur

comme nous pouuons euidemment ap-
erceuoir. Car toute chose qui est attirée
ou amassée outre le naturel, ne peut estre
long-temps dissimulée.

*Les raisons des proprietéx des
Coleriques.*

Si quelqu'un veut sçauoir la raison
des choses deuant dictes, nous la disons
estre telle. Premièrement du despit &
courroux lequel à cause qu'il abolit l'hu-
meur, & aucun temps comme la flamme
cachée, & quand il peut trouuer yfluë il
sort en feu, & monstre sa rage. Icelle ire
& courroux excite prodigalité, quand el-
le respand par les costez, & non point
contremont. Semblablement elle en-
gendre hardiesse, pour cause de l'eleua-
tion des esprits, & de la chaleur aussi: par
quoy ils entreprenent aucunes-fois cho-
ses tres-difficiles, & (si ie l'ose dire) pro-

mettēt choses impossible, leurs cœurs tres
fautant & fretillant pour grande cha-
leur. Telles gens ont petite teste, & l'e-
stomac large & plantureux, qui pro-
uient de ce mesme cœur ainsi chaud.

Qu'ils soient prompts & du corps, & es-
cotent volontiers pour estre enseigez
nous l'aperceurons tous: car il n'y a cho-
se aucune qu'ils ne le mettent au net, &
la face propre, bien conuenante. Et ainsi
gresleté & maigreux vient par faute
d'humeur: longueur & hauteur proce-
de la chaleur: montant en haut.

*Des Planettes qui conuiennent &
s'accordent à la complexion.*

Les Planettes sont maintenant pro-
chaines & est necessaire de cognoistre
quād c'est qu'elles sont en regne & puis-
sance. Et combien qu'on puisse co-
gnoistre par l'Astrologie artificielle,
quād c'est qu'elles sont ascendantes, ou

en la racine de la natiuité, toutes-fois
on escoute, & prend garde icy, sans le-
uer la figure entendue seulement la phi-
sionomie & complexion.

*De Saturne en la racine de la natiuité
de Colerique.*

Nous cōmenceront à Saturne. Quand
tu vois l'homme aucunement passe, ayāt
les yeux enfoncez & regardans bas che-
minant l'entendement & tardiement,
dit qu'il a Saturne en la racine de sa na-
tiuité. Le froid de Saturne reprime quel-
que chose de la couleur naturelle tou-
tes-fois il n'oste pas la maigreur. Il faict
petis yeux, & donne les nerfs moyens,
& l'entendement à penser diligemment
toutes choses meschantes soubz couleur
d'honnesté: qui seroit choses assez bon-
nes, autrement s'il n'estoit offusqué de
si mauuaise estoille. Il faict aussi l'hōme
plus sçauant qu'on ne pouroit dire pour
dōner cōseil à cōmēcer où venir à bout

de choses qui ne font point de dire tant
font melchantes comme à gagner de
force les chasteaux, villes & citez: à or
donner trahisons & mettre en ordre ar
mées prestes à combattre. Il faict toutes
ces choses luy seul, en pleurant abon
damment, & gemissant, & ny a si gran
de melchanceté qu'ils ne s'auenture à la
faire. Et cependant se delecte grande
ment en toutes telles choses. Au reste, il
ne mange ny boit bien peu: & tousiours
est sans repos, en soucy & trauail, com
me s'il pouuoit attirer à soy toutes cho
ses. En passant nous auons dict cela de la
nature de Saturne.

*De Iupiter en la racine de la natiuité
du Colerique.*

Iupiter est plus doux & bening. Il faict
à l'homme la peau blâche & la barbe lon
gue, & chauue au frôt, la perruque roussa
stre ou iaunastre & teinte, prôpt à se cour

roucer, & facile à estre appaisé. Il dispose & ordonne les hommes à bien conseiller, & aussi à sagement administrer les affaires publiques à cause du temperament & de la chaleur. Ceux qui sont tels, c'est signe qu'ils ont iupiter en la racine de leur horoscope.

*De Mars en l'horoscope de la nativité
du Colérique.*

Si Mars est seigneur de quelque geniture, il faict l'homme de couleur rouge, comme estant brulé du Soleil, ayant la face ronde, les yeux de chat, le regard felon & cruel, arrogant & fier, qu'on ne peut dompter, inconstant, mocqueur, & affronteur. Autrement à faire quelque chose il est viste, chauue au sommet de la teste de moyenne stature le deuant de la teste gros, les narines sortás hors & quand il chemine, assiet ses pas loing l'un de l'autre, & marche legeremét. Il est victorieux, hardy, de petite estime, mu-

tin, gourmand, ennemy d'humaine cō-
corde & aliance, & ne s'accorde point
bien avec ses amis. Il sera chef & con-
ducteur d'armes & exercites, ou sera
tribun du peuple, meurtrier, noi-
seux, grand bauard & malicieux. Il n'est
pas fort different à Saturne: car cela que
Saturne entreprend de faire par son con-
seil, Mars l'exécute de fait. Il est sans
Dieu eshonté sans vergōgne pour suiuať
ceux qui aiment loyauté & vertu, & a si
peu d'entendement qu'il cuyde que nul
n'est sage, fors queluy, il est aussi tant
aueugle, qu'il ne sçauoit souhaiter bien
pour homme qui soit, si le dit Mars n'est
amoderé par Venus, laquelle pource
qu'elle est froide & humide, pour cause
du froid qu'elle a de nature, elle appaise
& adoucit quelque peu la grand chaleur
de Mars. Il multiplie la chair des hōmes,
& la faict plus douce & amiable en lieu
d'estre arrogant & fier, il est raillard &
ciuil, & possede les baisers, banquetz, re-
pos, oyssi-

pos, oyfiueté, plaisirs, beauté, douceur, & tromperies de femmes. Il fait aussi l'homme pariure, trompeur d'apointement, violateur de serment, estant nonchalant en ses affaires propres. Telles sont les proprieté de Venus. Et combien qu'elles ne soient si mauuaises, toutes fois la malice d'autrui contamine la beauté.

Il réduit & deçoit tres-mauuaisement plus que nul, quand il passe le domicile de Saturne, c'est à sçauoir le Capricorne ou Aquarius, ou bien si Mercure est retrogardé en la maison de Mars, c'est à dire en Aries, ou au Scorpion: car certes alors il faict l'homme impudent de qui n'a plus esperance, & incorrigible mesmement quand il a bien beu, & commence à s'enyurer: car lors estant comme beste brute, il cesse d'estre homme. Il faict les hommes grands ouuriers es arts mechaniques esquels œures de la main ingenieuse, & les faict aussi fondeurs de cuyure & de tous ferremens,

Aa

bouchiers & chirurgiens & si Venus y entreuient, ils seront barbiers, mais si Mercure y suruiuent qui se melle des emplastres durs & remolitifs, ils seront chirurgiens ou engresseurs.

*De Mercure en la racine de la natiuité
des Coleriques.*

Si Mercure est en la racine de la natiuité & qu'il soit mal situé, c'est à dire qu'il soit en la maison de Saturne ou de Mars, & n'ayt aucun doux aspect ny conionction avec Venus ou Iupiter, ou la Lune, il est plus souuent pire que Mars ce que certainement tu cognoistras par ses effects: car il fait l'homme larron des choses sacrées, pilleur, violateur des temples, boutes-feu, & brusleur de maisons, meurtrier, banny de son pays, fouleur & agraueur des pauvres, des offrandes des pauvres des orphelins & femmes vefues. Et n'est pas assez de cela, car le

faiet douter de la foy: & empesche l'hō-
me à manier argent, lequel il ne rendra
iamais, tousiours entremeslé en dan-
gers, & allant tousiours de mal en pis: &
comme dit le prouerbe, encuydant fuyr
le loup il trouue la louue. Si de prime fa-
ce toutes ces choses n'aparoissent à tous,
on les peut cognoistre quand il y a peu
de cheueux, & sont clairs femez. Mais
aduient autrement s'il a Venus douce &
fauorable, ou bien Iupiter, ou la Lune.
S'il est avec Venus il fait les hommes ar-
gentiers, orfeures, graueurs, excellents
en tous ouurages de cuyure ou de fer,
bons ouuriers des instrumens & tuyaux
de musique. Et de tant plus qu'ils le re-
gardent de pres, d'autant plus ils dimi-
nuent la malice de Mercure. Tels ne
sont pas souuent ny communement de
grande corpulence.

*Du Soleil en la racine de la natiuité des
Coleriques.*

A aij

Du Soleil, n'entremesse pas souuent sa commixtion avec les Coleriques, car il est plus enclin au sang que à colere. Sans cela il faict à l'homme la couleur brune avec vn petit de rougeur, charnu, ayant tres-grands yeux, barbu & bien cheuelu, la teste grosse & ronde, & de moyenne stature. D'auantage, il se courrouce volontiers, & est prudent dissimulateur, liberal, conuoiteux d'honneur & loüange ayant la voix claire & riante. Aucunes-fois aussi il est hardy quand il a beu.

De la completion des flegmatiques.

La complexion des flegmatiques est froide & humide : car le flegme signifie humeur. Et de fait, les Medecins font en cecy plusieurs grandes differences d'humeurs : desquelles nous ne dirons aucune chose, parce qu'elles sont noires. En outre si tu veux cognoistre le flegmatique par la phisionomie regarde la face, car il l'a fort grace & blanche, le corps charnu, la poictrine sans poil, & les vei-

nes estroites. De laquelle chose ordonne
telle raison communement, car le froid
est tousiours cause de la gresse, prouoc-
que longuement dormir pour cause de
l'humeur meslée avec le froid & de cecy
vient qu'ils n'ayment pas ny desirent
auf paillarder, s'ils n'ont beaucoup de
vin, ou bien qu'ils soient eschauffez d'ail-
leurs.

*De Saturne en la racine de la natiuité,
des flegmatiques.*

Saturne gouuerne souuent les flegma-
tiques, & pour cause de sa frigidité il par-
ticipé avec le flegme. Certainement il
faict cela qu'il à de coustume selon sa na-
ture sinon que la bonté de complexion
de l'homme luy fust contraire. Car cest
chose certaine s'il est constitué en la na-
tiuité de l'homme sanguin, il n'a pas
tant de puissance contre iceluy que
contre vn melancolique, ou flegma-
tique, pour cause de la nature de la bon-
ne complexion qui luy contrarie. Si d'óc

A a iij

ledit Saturne est en la racine de la natiuité du flegmatique, il fait l'homme naturellement gras, & a autour des yeux, la couleur tirant au plomb, cōme meurtrie: & est tardif & paresseux, baissant la teste & les ailles tristes, hayneux, enuieux, mesdisant de tous bons patron & deffenseur des meschans, tres-expert & sçauant pour controuuer & machiner choses mauuaises & perues. Et combien que quelque fois il semble qu'il face chose, & qu'il hante les banquets & cōpagnies de gens qui se reiouyssent, toutes-fois il n'entretient pas long temps telle familiarité, ou certes luy estant dechassé & deietté de telle compagnie pleure & gemit.

Tel homme sera rustaut & inciuil, & ne s'adonnent point à vrbanéité & courtoisie, cōme il faict à contreuenir aux bonnes mœurs & coustumes des autres. Il a l'entendement mol & rebouche, & ne peut comprendre chose aucune quel-

que peine qu'on y employe : mais pour
penſer & controuuer des meſchancetez,
ou pour les biens apprendre : il eſt fort
expert & naturellement prompt. Il ne
parle pas beaucoup. Celle grande ſilen-
ce luy engendre haine contre les hom-
mes, & principalement il hayt les fem-
mes contre le commun, contre le ſexe,
& contre nature. Et a telle ſeuerité ſe
conioinct vn deſir de vengeance, cour-
roux enuie & curioſité des choſes eſtrā-
ges. Il me faſche d'eſcrire ce qu'il faiet e-
ſtant avec Mars. Il faiet homme auentu-
reux, indiscret, plein de meſchanceté,
ſoudain ne preuoyāt les choſes qui doi-
uent ou peuuent aduenir inobedient, &
fort opiniaſtre en toutes ces choſes. Et
ſi Mercure eſt avec luy il ſera eſpieur deſ-
loyal, meſcroyāt en dieu & ayāt mauuai-
ſe opinion touchant les choſes celeſtes
& diuines, & auſſi de la religiō, & ſera de
ceueur de ſes amis, ſacrilege, & pilleur
de choſes ſeſ, noiſeux & meurdrier. Or

A a iij

quand tu veras vn tel homme flegmatique dy hardiment qu'il a Mars ou Saturne mal situez en sa natiuité : mais si c'est d'autre lieu on ne doit iuger par la figure dresse.

De Iupiter en la racine de la natiuité du flegmatique.

Iupiter en l'ascendant modere doucement avec sa chaleur la frigidité du flegmatique, & faict que le corps lequel est temperé vient estre moyen & mol, non pas pesant ou trop charnu, il orne aussi l'homme de fort beaux cheveux & perruque, de bonne mœurs, de bonne contenance, de parolles amyables & douces, de paix, de religion de sainteté, de iustice, de verité, de conseil de misericorde & de douceur. Il est fort curieux & sumptueux en habits & ornemens de corps, & en cela il sera tres-heureux & bien fortuné.

*De Mars en la racine de la natiuité
du flegmatique.*

Si Mars est mal situé en la natiuité d'un flegmatique, il faict l'homme rousfatre, ou iaunastre, de petite & soudaine nature soit aduenteux, grand babillard & menteur. Et n'est l'aspect de planete quelconque que ce soit, si doux & variable, que s'il a vne fois le domaine de l'enfant né, il ne iette & exerce toute sa malice sur luy. Il brusle les cheueux au sommet de la teste, & faict la face large, & engrossit le chef, il faict aussi l'homme cruel & regardant de trauers fort courageux, & hardy, alaigre & bien deliberé, soudain enuieux, & facile à se courroucer, grand babillard, venteur, & glorieux, & traistre fier & arrogant, sergent ou officier portant iaueline, controuuer des noises, pilleur, bateur de gens, tueur de ses pere & mere, digne d'estre battu, & secret enuieux de ses amis. Neant-moins il faict toutes les

choses susdites plus doucement en la nature du flegmatique qu'en celle du melancolique ou colerique: & ce pour cause que l'humeur flegmatique escume & refroidit la chaleur. Et autrement il diminuë la vie, & trêche celle corde des deesses fatales, par cheutes d'en haut, ou mort subite & non preueuë.

*De Venus en la racine de la natiuité du
flegmatique.*

Venus faict l'homme follastre, & rageux inconstant, ioyeux, paillard, beau agreable, amyable, doux & courtois, gracieux, bening ayment, & craignant Dieu, iuste, entier ayant le corps blanc, la parolle douce & amyable, la perruque espesse, doucement replyée ou crespue, il sera grand beuveur, musicien, ioüeur d'instrumens & chantre.

Et aymera les arts qui se font manuellement, comme peinture & autre choses

qui sont faictes promptement & sans
ordure Avec Mercure, il le fait Poète,
Mathemathicien. Orateur, sage prudēt,
maistre en fait d'armes, Chiromancien,
& en toutes celles choses agreable aux
hommes, ayant bon bruiet & renom-
mée. Si Mars entre dedans occultement,
change lesdictes choses en cautelles, pa-
rolle veines & menteries & aux choses
qui sont de sa nature.

*De la Lune en la racine de la nativité du
flegmatique.*

La Lune faict l'homme de blanche
couleur, entremeslée d'un peu de rou-
geur, la teste grosse & espesse, les sour-
cils conioincts, beaux yeux & paraven-
ture inegaux. Ils sont laborieux princi-
palemēt à essayer & faire longs voyages
& diuers. Et si elle est en un signe aquati-
que, c'est à dire au signe des poissons elle
le faict gras outre mesure.

De la complexion melancolique.

La complexion melancolique, froide & seiche, & n'aist des humeurs superflues & adioustes & à brief dire celle de melancolie est vne fie de sang prouenant de la ratelle & est sa saueur moyenne entre doux & salé, & procede du foye, duquel vne partie va vers la ratelle, & le remenant à vn chacun des autres membres. Cela qui s'espandra la ratelle, diminuë le rire, à ceste cause, ceux qui ont abondance de cest humeur ne rient gueres. Et combien qu'ils ayent les os du rests de la teste tres-durs, neantmoins ils sont endommagez du froid. Et sont de telle nature, qu'ils sont plus fçauant en ieunesse, qu'au reste de leur vie, ils deuiennent vieils bien tost, car en la fleur de leur aage, les cheueux leurs viennent blancs, & flettrissent, ils ne courroucent pas facilement, mais s'ils s'y mettent vne fois, ils frappent fort, & sont merueilleux outrageux, ils n'estiment presque choses aucunes de celles

que le commun prisent & louent, car la malice du sang estant priuée de chaleur, ne permet pas cela, & en outre aussi les veines estreßies & euachées de sang, & d'auantage, il ne sont point luxurieux, s'ils ne sont fort priez & prouoquez par les femmes. Ils ont les os durs le corps sec, la peau aspres, toutes lesquelles choses sont signe d'un entendement debile & gasté. Et cōbien qu'ils ayent l'entendement lourd & hebeté, neant-moins ils sont immoderement remplis d'enuie & rancune de tristesse, soupçon, effrontement fortilé, & de toute chose que on pourroit penser estre plus meschantes. Ils abhorrissent de frequenter la compagnie des hommes, ayant les yeux secrets & vmbra-geux, Ils se distrayent de la conuersation de tous & craignent, ou ils ne faut douter aucunement. Ils prennent garde aux songes, car tres-certains ils leur ad- uiennent, & sont fort auaricieux. Quād

ils sont enyurez, & mis parmy les musiciens ils se prennent à plorer. Ils ne se fient pas facilement à leurs plus grands amys, ains ils cachent tousiours quelque meschanceté en leur cœur pour la destruction d'autrui. Nous auons dict ces choses en general.

*De Saturne mal fortuné en la natiuité
d'un melancolique.*

Si Saturne qui est mauuais, s'adjoint avec vne tres-mauuaise complexion, tous ces maux il double & les aggraue, il faict l'homme ayant la face tortuë, mal adroict inepte de diuerses couleurs craintif triste duquel on n'espere aucun bien sale ord, & sans grace, inconstant ayant les yeux regardant de trauers, & cruellement l'aleine puante, pensant grandes choses & fort meschâtes opiniastre, sans foy, & indomptable, marchant graue-ment, paresseux, & ayât les leures grosses & les espaules chauues marqué aux pieds ou au taló. Des mestiers ils aymera à estre

cordonnier, ou de quelque plus vilain
art cela est la nature de Saturne tant seu-
lement. Souuētes-fois aussi le malicieux
Mars se conioinct avec luy, lequel Mars
adiouste mal sur mal, c'est a sçauoir ma-
ladies, craintes, deceptions & effronte-
mens noises, meurtres, calamitez, & mi-
seres dangers, asseblement charnel, il-
licite, adulteres: mesprisement de Dieu
& des peres & mere: adoration des Ido-
les, prophanement de Dieu des saincts
& de la religion.

Et ne peuuent estre adoucis ces choses
par le moyen d'aucune planette. Mais
s'il aduient que Saturne laisse Mars, &
se conioigne avec Iupiter ou avec Ve-
nus, combien que bien peu souuent
cela aduient, il accroist excellemment
l'entendement, & faict l'homme estre
inuenteur, d'aucune sciences, & arts.

Si Saturne est avec la Lune il faict des
meusniers experts, & bōs fabricateurs de
moulis, & aussi des pōts & de nauires, de

fontaines & conduicts à mener l'eau en quelque lieu. Il faict aussi estre l'homme laboureur, & fermier, maistre maçon, ou charpentier : desquelles choses ils s'enrichira.

De Mars participant avec le Melancolique.

Si Mars est seul tesmoing de la complexion, sans que Saturne y soit fait toujours vn calumniateur, d'un vilage menaçant, moyennement hardy, marqué en la face, paresseux, bossu, trompeur craintif adonné à defrober, & prendre de son voysin tout ce qu'il pourra suruitemment & l'endommager de tout son pouuoir, combien qu'il ne luy ay faict aucun desplaisir. Et si en son domicile Mercure est retrograde ou empesché, faict l'homme melancolique, estant hors de son bon sens suivant les vices de son pere, & totalement instruit & empoisonné des meschante mœurs de son pere, de sorte que si son pere ou la mere sont fols & nyaiz

nyais ou autrement mal complexion-
nez & rioteux, on ne luy pourra oster
telle obstination & perseuerence mes-
chante, par menaces.

*De Mercure en la racine de la natiuité
de Colerique.*

Si Mercure est retrogrande & ren-
tierse en la natiuité du melancolique, il
le fait incredule de soy mesme soupçon-
neur, neant-moins il sera sçauant en
lettre & parlera choses vaines & fauses,
& s'entremettra de faire toutes choses,
& vanteur, alors mesmement qu'il viét
à parler des lettres il dit communement
vne chose & en pense vn autre, & veut
persuader aux autres ce que luy mesme
ne croit point, ingenieux à faire croire &
mettre en teste quelque chose gardia-
teur de plusieurs choses bien-heureux
aussi en tous les faicts, & veut mal à ses
amys, & à ceux qui luy ont fait plaisirs
& seruices. Et si la Saturne avec soy il

B b

fait l'homme bien instruit à mesurer les terres vignes, cāpagnes, & sçauant à diuiser des edificies.

De la Lune en la racine de la natiuité du melancolique.

Si la Lune domine en la natiuité du melancolique, elle faict corpulent, & charnu, plaissant à soy mesme, auaricieux gourmand, riche, ayāt l'esprit maling moyne lequel toutes-fois ne garde gueres la reigle. Sil a Saturne avec soy, il faict qui a en haine les l'homme mesdit d'aucun & murmure en derriere, & espand & seme des meschancetez. Et si Mercure y est : il faict compagnon à caqueter & plaissanter, bruyāt, baueur, & variable entrerōpāt le parler des autres.

De la complexion sanguine.

Il reste à parler de la complexion sanguine laquelle est estimée la meilleure de toutes, & aduient à peu de gens. Ses proprietiez sont telles, Les sanguins ont la subtilité & penetrance, & sont

ioyeux & gaillars. Laquelle chose vient par ce que les esprits sont esmeuz & le sang est chaud, & subtil qu'a vn de cœur à la bouche, & puis aux autres membres exterieurs à ceste cause il ont la chair molle les ongles deliées: ils se delectent à ouyr chasons, & à toutes autres choses lesquelles distrayent l'esprit du corps & le diuertissent ailleurs, & le font sauter de ioye. Car certes le sang tressaute de ioye en eux, & ne leur permet faire aucune choses, autre que ce a quoy le sang les esmeut & incite, à ceste cause ils ne peuuent estre longuement en courroux ny se courroucer souuent pour cause de l'attrempance née avec eux. Et il ne leur est point dommageable de frequenter charnellement avec les femmes, pour cause de l'abondance de l'humeur spermatique.

*De Saturne mauuaise en la natiuité
du sanguin.*

Saturne n'est participant que bien peu

B b ij

ou iamaïs, avec le sang: car le sang est chaud & humide & Saturne froid & sec. Le sang luy est fort contraire en ses effects: & aussi pour cause de la trop grande chaleur & seicheresse, Iupiter, Venus, & Mercure ne luy sont gueres familiers.

De Iupiter partissipant avec le sanguin.

Quand Iupiter est seigneur, il faict communemēt l'homme blanc de corps, & ayant quelque peu la face rouge, il a les yeux non du tout noirs, les dents blanche, liberal, doux, aymant Dieu & religion, aymé des hommes, pensif, estimé, noble & excellent bien renommé, paisible, coy & ayant bonne grace. Toutes-fois il faut regarder en quel lieu est situé: car si en la natiuité il est situé en la partie oriental, l'humidité abonde en luy. Mais s'il est occidental faict l'homme tres-beau & fort honneste. Et com-

bien que peu souuent Mars s'adioigne
auec luy neantmoins s'il y est conioinct,
il adiouste hardiesse, non pas celle de la-
quelle abusent les martiliastes mais celle
hardiesse sage, qui est aduis & esgard par
le moyen delaquelle il traitera de grans
choses, & mettra son nom en apparence
pour l'auenir par ses faicts dignes & ex-
cellents mesmemēt à poursuyure & per-
secuter les hōmes meschās & peruers. Sē-
blablement sil a Venus auec soy, il ad-
iouste beauté, à beauté, vertu à vertu,
bonne grace à bonne grace & prudence
à prudence, & d'auantage tout ce don
que Iupiter donne elle le pollit & orne,
& le met en euidence, afin qu'il soit
trouué meilleur: & finalement qu'il ny
ayt aucune chose qu'elle ne luy soit veuē
estre donnée.

*De Mercure en la racine de la natiuité,
des Sanguins.*

Mercur n'en faict pas moins, combien
qu'il soit indifferent: mais s'il est auec Iu-

pitier, il faict l'homme ſçauant elegant,
ayant bõne grace à parler, crieur public,
conſeillant de bon iugement, ſtudieux,
& aymant les diſciples & enſeignemens.

CONCLVSION.

Combien que par aduenture ces cho-
ſes & autres ſoyent dictes en l'aſtologie
naturelle, toutes-fois ce n'eſt pas pour
occafion, ny en telle ſorte. Car la fin &
but de cecy eſt comme nous auons dit
que ayant cogneu la complexion d'au-
cun, auſſi par les geſtes les mœurs nous
apprenons cognoiſſons quelle bonne
ou mauuaife planette il a en l'horoscope,
& par la cognoiſſance de la Planette
nous puiſſions denier toutes ſes autres
conditions. Doncques nous ne meſpri-
ſons pas icy les opinions des medecins
leſquels ils ont eſcript touchant les com-
plexiõs mais nous preſuppoſons & met-
tons ces choſes comme deſia confir-

méesedifiants apres auoir posé les fonde-
mens. Qui les voudront lire les lisent,
s'ils ne veulent, qu'ils mesprisent. Certes
de long temps nous sçauons que celuy
qui voudroit faire vn edifice public, son
œeuure seroit assailly de tout.

FIN.



24

5



